

中國近百年史問題研究

舊







# 中國近百年史問題研究目錄

## 編輯大旨

第一編上 積弱時期 自鴉片戰爭至戊戌變法

- 第一章 鴉片戰爭……………一
- 第二章 太平天國……………六
- 第三章 英法同盟軍之役……………一八
- 第四章 俄羅斯侵我東北國境……………二二
- 第五章 捻亂與回亂……………二六
- 第六章 咸同時代之內政與外交……………二九
- 第七章 同治帝后之卒與光緒帝入繼……………三四



目錄

二

|      |                      |     |
|------|----------------------|-----|
| 第八章  | 新疆回亂與伊犁改約            | 三五  |
| 第九章  | 外藩之喪失                | 三九  |
| 第十章  | 中日戰爭                 | 六一  |
| 第十一章 | 列強在中國之競爭             | 七一  |
|      | 第一編下 變政時期 自戊戌變法至清帝退位 |     |
| 第一章  | 戊戌變政                 | 八五  |
| 第二章  | 義和團之亂八國聯軍破北京         | 九一  |
| 第三章  | 日俄戰爭與中國              | 一〇二 |
| 第四章  | 清末外力之壓迫              | 一〇八 |
| 第五章  | 辛亥革命                 | 一一九 |
| 第六章  | 道咸以後之社會與文化概況         | 一三二 |



第二編 共和時期 自民國成立至今

|     |             |     |
|-----|-------------|-----|
| 第一章 | 民國成立與二次革命   | 一四八 |
| 第二章 | 國會解散與約法增修   | 一五五 |
| 第三章 | 蒙藏事變        | 一五八 |
| 第四章 | 中日二十一條之交涉   | 一六一 |
| 第五章 | 袁世凱帝制       | 一六五 |
| 第六章 | 府院爭權與復辟     | 一六八 |
| 第七章 | 西南護法與南北分裂   | 一七〇 |
| 第八章 | 中日山東問題及五四運動 | 一七四 |
| 第九章 | 南北分裂後之交訌    | 一七七 |
| 第十章 | 西藏交涉與外蒙變動   | 一八〇 |





|      |                  |     |
|------|------------------|-----|
| 第十一章 | 華盛頓會議與中國之關係..... | 一八三 |
| 第十二章 | 奉直戰爭與南北政局.....   | 一八六 |
| 第十三章 | 反直戰爭及段祺瑞執政.....  | 一九〇 |
| 第十四章 | 反直戰務奉直國之相持.....  | 一九三 |
| 第十五章 | 黨軍北進後之局勢.....    | 一九九 |
| 第十六章 | 最近對外之外交.....     | 二一〇 |
| 第十七章 | 現代之社會與文化之概況..... | 二三二 |



# 中國近百年史問題研究

## 編輯大旨

中國近百年史問題研究一書，非有意而作也，乃數年來于課室中實際教授中國近百年史之結果之產品耳。蓋余初授李泰棻著中國近百年史、繼授孟世傑著中國最近世史，馬博彥著中國近百年史；皆將其書之內容，依次編為問題，油印之以為教學方法。惟錯誤太多，字跡模糊，既不適用，且不經濟，故付諸割闕，以代油印之不便。惟李泰棻著中國近百年史，早已因故禁絕刊行；孟世傑著中國最近世史，其內容材料過多，不適用於高級中學之歷史教科，故此兩種已付油印之教學法，姑暫置不論。惟將所編高博彥著中國近百年史之問題教學法，先付梓刊行，更其名曰中國近百年史問題研究，蓋書已成而尚無名，特強名之而已。



中國近百年史問題研究之內容，非敘述體，乃問答體。凡淺易之問題，只有問無答，令學者自行解答。至重大問題，不易解答者，則悉將其因果背景，條析而縷分之，務使此段史蹟，此項問題，得一正確之答案，令學者澈底明瞭，不致有謬解誤會。故此書乃教者學者雙方必需之利器，學者有之，可以自修；教者有之，則事半功倍。或於士林不無小補。

中國近百年史問題研究一書，其內容之問題，雖大抵以高博彥著中國近百年史為根據，似為高氏書之副本，其實則不然，乃以近百年來之史蹟為準，史蹟屬固定不易，故此書之問題答案亦固定不易，與高氏書固無關也。不過暫依高氏所著中國近百年史臚列史蹟之目次而已。俟將來再版時，擬將其內容之問題擴大研究，將中國近百年中之史蹟，凡可以採入高級中學之歷史範圍者，悉編為問題，合一爐而共冶之，將其問題加以系統之組織，並更定目次。

十八，六，二十九，王藹棠識于北平



# 中國近百年史問題研究

第一編上 積弱時期 自鴉片戰爭至戊戌變法

## 第一章 鴉片戰爭

一 中國近百年史，爲中國史最切要之一部份，其故安在？近百年史訖於今日固無論矣，而必始於鴉片戰爭者何也？中國近百年史與前此之歷史，其性質有何不同？

二 鴉片戰前，中英兩國之國勢，各成何狀況？

三 近世紀之初年，促進歐亞交通者有何背景？歐美列強之來華，其時間之先後有何次第？

四 自紀元後十七世紀末年以來，廣東即爲中外通商之集中地，按地理，歷史，稅則，三端而觀察之，各有何背景？



五 何謂公行？當公行貿易時期，在華之外商受何種種束縛箝制？此期貿易中，出入口之貨品各以何物爲大宗？以何國之商務最盛？

六 鴉片之初輸入於中國，約在紀元何時？原始於何國之商人販來？自乾隆中葉後，鴉片之輸入何故暴增？自嘉慶二十二年至道光十八年，此二十餘年間，其輸入額之增進律遞加至幾倍？鴉片之輸入額劇增，除有害於人民之衛生道德外，與國家之經濟民生問題，亦有何重要之影響？

七 史載道光十六年時爲鴉片之輸入漏銀至三千餘萬兩之多，若按清代之經濟狀況而觀察之，此說有無可疑？

八 自乾隆以來，對於鴉片之吸食輸入，卽屢頒禁令矣，至嘉慶時，更加嚴厲，然其結果則鴉片之來者源源日增，問其輸入也係用何方法？

九 道光十八年，鴻臚寺卿黃爵滋疏奏清廷，力主禁絕鴉片，清帝採納其議，申禁三條



，其內容各係何規定？湖廣總督林則徐所擬禁絕鴉片之奏牘中，有何最痛切之語句？道光帝閱林氏奏疏，大為感動，對於鴉片問題遂定何辦法？

十 道光帝委任林則徐赴廣東實行杜絕鴉片貿易，則徐抵粵後，與總督鄧廷楨以何方法迫英商交出鴉片二萬零二百八十三箱？當時英商之鴉片躉船停泊在何處？共有若干艘？——按清朝全史謂『當時英商之躉船中，實際所有之鴉片不過一萬九千七百六十箱，因拜火教徒之二商社，誤為重複之報告，合有五百二十三箱之不足，義律不得已，乃更購自他處，以補其不足之數云』海防紀略亦謂『並寄信夷船，令將駛往東洋之煙盡駛回粵』則二萬餘箱之數，已盡括當時英商之所有矣。

十一 英商交出之大宗鴉片。林則徐馳驛奏請送京師銷化，清政府則命之就地焚毀，此出於何人之建議？其用意安在？後則徐奉旨用何方法以銷毀之？

十二 林則徐為根本杜絕鴉片計，布告各國商人，凡商船入口者須定何辦法？葡美諸國



悉願如約通商，惟英領事義律不肯就範，林則徐氏乃用何政策以困之？

十三 當時英國國會對於中英之鴉片貿易糾葛問題，其政見主張概分那兩派？至終如何解決？

十四 英政府對華決戰後，派遣來華之士卒軍艦各有若干？其水陸軍各歸何人統帥？而林則徐氏在廣東沿海亦有何軍事之設備？英艦抵粵後，游移於金星門口或老萬山外。終不能闖入粵河，其故安在？

十五 英軍既不得逞志於廣東，乃督師沿海北犯，在閩浙沿海之中英作戰，各有何結果？

十六 道光二十年七月，英軍入大沽，進逼白河，投書直督琦善，要求六款，其內容各係何條件？

十七 英軍沿海北犯，各省文武大吏懼禍及圖苟安多不悅則徐所爲，乃造何蜚語以中傷



之；

十八 清廷翻然變計主與英和議，乃罷免林則徐以琦善督粵，罷免鄧廷楨以顏伯燾督閩，以兩江總督伊里布赴浙與英軍議休戰，琦善抵粵後，其對英政策與則徐有何不同？伊里布至浙與英人議和時，有何玷辱國家之醜行？義律見琦善易與，粵江兵備既弛，乃要求那四大苛條，脅以兵威，使琦善不得不完全承認？

十九 清廷主和議不久，又命奕山爲靖逆將軍，督師赴粵，裕謙赴浙再主力戰，胡然而地，胡然而天，其故安在？

二十 英軍既盡扼粵江口形勢之際，忽有行商怡和出任調停，此動議有何背景？清廷對此和議之呼聲，如何措置？

二十一 道光二十一年四月七日，奕山與英人議定之休戰條約，其內容之重要條件，是何規定？迨英軍退出虎門，奕山乃如何飾詞入奏？



二十二 英軍既與奕山訂立休戰條約，何故不久又沿海北犯？英軍之攻下廈門再陷定海，各在道光何年月日？鎮海定海寧波相繼失陷後，清政府乃委任何人規復浙東？

二十三 英人何故得悉我國之內河情形，沿江上溯，直犯南京？英軍之進逼江寧，時在道光何年月中？英軍迫江寧，東南大震，清廷乃以何人爲全權大臣一意與英議和？

二十四 中英南京條約之締結，時在道光何年月日？該約之內容要件凡有八款，各是何規定？

二十五 中英之南京條約與中外各有何重大之影響？鴉片戰後中國在國際法上有何失權？

二十六 中英鴉片戰爭，中外之史家各有何論調？

## 第二章 太平天國

一 道光三十年，太平軍之所以發難，約言之有何背景前因？近百年來中國之民族主義



已經銷亡，有何明證？滿清入關，漢族亡國後，明代遺民所抱之反清復明種族主義，乃不思保存於智識階級，不以文字鼓吹，惟收羅下流社會，江湖浪人，結合會黨，以口頭傳說，冀以保存其主義，其用意安在？中國之民族主義，所以淪亡，概言之有幾大原因？——參看孫中山先生民族主義第三講

二 洪秀全假基督教義起兵金田，時在道光何年月中？秀全本粵人，而必起事於廣西，其故安在？

三 洪楊起兵之初，清廷即遣將督師討伐，然措置之方，有何不得其當？咸豐元年閏八月，秀全據永安建號太平天國後，如何加封諸將？

四 太平軍據永安，清將向榮烏蘭泰等督兵數十萬合圍，逾四越月而不能克，其故安在？咸豐二年，太平軍突圍出永安圍桂林不克，乃由廣西入湖南北上，綜其在湘中之沿途轉載，概言之有三役最著，曰蓑衣渡之役，曰長沙之役，曰岳州之役，各有何結果



？

五 太平軍第一次光復武漢，時在咸豐何年月日？武昌漢陽漢口在地理上成何位置？太平軍既下武漢，清政府委任何人經略鄂湘以圖善後？

六 太平軍之北上也，原擬本胡孝先之遺策，取常德趨漢中，襲咸陽出山右，以窺燕冀，比克武昌，乃從錢江議沿江東下，頓變原始計畫，其故安在？太平軍之東下，清軍累風輒潰，破九江，克安慶，下蕪湖，沿途奏捷，勢如破竹，有何理解？

七 太平軍於何年月日光復金陵？金陵既下，秀全欲趨江北圖汴，渡河以困幽燕，後何故中止遂奠都金陵，號為天京？

八 太平天國距今只四十餘年，然一代之典章偉蹟概付焚如，雖洪門弟子亦不能道其詳實矣，茲據流行之偽本所載，太平天國之開國制度，於官制，兵制，宗教，科舉，刑法，歷法，田制，禁律，各如何規定？其禁律中推翻積弊，提倡人權，有裨社會風化



者實多，試述其概要

九 太平天國時代，所謂清之江南江北兩大營，各歸何人統帥？各駐兵在何處？清以江南北兩大營夾擊南京，而太平軍兵鋒之銳則迄不少減，往來衝突自若，其故安在？

十 咸豐三年春，太平天國分道出師北伐，一出河南攻山西以窺京畿，一出安徽攻江西以爭長江之上遊，各以何人將兵督師？其北伐之一路，縱橫馳突於蘇皖豫晉燕齊六省，歷時三年之久，轉戰四五千里之地，結果終殲滅焉，此其統將疆場作戰不善之罪耶？抑洪楊等廟算之咎耶？試暢言之。

十一 按湘軍志所載，與太平天國時代，綠營滿蒙各軍，各如何腐化，不堪爲用？楚勇，湘勇，之編練，各起於何人？

十二 湘軍之組成，其將卒均以何等人物爲基礎？湘軍卒能克滅太平，樹戡亂之功，有何背景？



十三 太平軍將胡以晃之陷安慶，賴漢英石祥真之包圍南昌，各在咸豐何年月中？南昌被圍急，江忠源飛書湖南求援，湘軍之赴援者共有若干？以何人爲指揮統帶？

十四 湘軍之編練水師，起於何人之建議？曾國藩移駐衡州銳意督造船礮時，衡州湘潭兩製造局，各以何人督工造舟？

十五 太平軍破廬州再下武昌，各在咸豐何年月日？當是時也，湘軍已組成水師十營陸師十三營，規模粗備矣，然仍無補於武昌之再陷，其故安在？

十六 武昌再陷後，曾國藩以根本計畫，先分兵三路肅清湖南，其三路之軍帥，各委任何人？各出兵何處？

十七 湖南既肅清，湘軍乃得一意進援湖北，於咸豐何年月日復奪武漢？武漢既復爲清有，太平軍於鄂東半壁山田家鎮一帶，如何設防以阻湘軍沿江東下？後湘軍以何軍事計畫，破其防物？



十八 太平軍雖於咸豐四年十一月一度退出湖北，然其盤踞於皖贛者尙有何鞏固之形勢

？

十九 當湘軍盡力經營江西時，長江上游頓形空虛，太平軍乃乘機復攻湖北於何年月日

三復武昌？

二十 當咸豐五六年之際，太平軍於長江流域極占優勢，本可以大有爲者，惜內訌猝起，與清虜以可乘之機，使湘軍得再整旗鼓，而局勢一變，良可慨矣！太平天國諸王內訌之由，其背景安在？諸王內訌，爲太平軍失敗之惟一原因，孫中山先生已言之。當

日諸王內訌之一段慘史，其經過真相試述其梗概——參看三民主義民權主義第一講

二十一 咸豐六年，清之江南大營受太平軍夾擊大潰，退敗丹陽，主帥向榮憤死，清廷乃委任何人代統其殘軍？後該軍又乘何時機逐漸恢復優勢？

二十二 咸豐七年十月，清胡林翼攻克武漢，湖北一帶太平軍失勢，自軍興以來，四年



之中，武昌三陷，漢陽四失，至是胡林翼氏對於鄂之軍政，財政，乃如何善後以整理之？後胡氏之建設計畫得以實施無阻，與鄂督官文有何關係？

二十三 湘鄂略定，清之援贛軍齊集，於是贛境諸地次第爲清軍克復，惟九江要害，太平軍以何人據此而堅守之？後清軍何人於何時始拔此城？

二十四 鄂湘贛既定，長江中游之險要幾盡歸清廷掌握，而太平軍所據之都會，惟有安慶江寧，其大勢已岌岌不支矣。然而太平天國之命運猶得延長至六七年之久者，其故安在？

二十五 咸豐八年八月，官文胡林翼商軍事，議先清皖北而後及於江南，乃專責何人圖皖？是年九月，清與太平軍三河之戰，有何結果？

二十六 咸豐九年，曾國藩胡林翼議先攻安慶兼擣廬州國藩與林翼乃各駐軍何處？

二十七 咸豐十年閏三月，清之江南大營所以再潰，有何理解？太平軍將何人乘清軍之



敗克復蘇常？是役也，江南大營統帥和春張國樞各有結果？

二十八 咸豐十年，江南大營再潰之後，清政府乃以平敵之任專責何人？曾國藩迨受命督兩江以後，在用兵上言之，較之以前有何便利？國藩既督辦江南軍務，乃令其弟國荃圍攻安慶，而自進軍祁門，擬先皖南次及江浙，其用意安在？國藩之該項計畫有何失敗？後以何人之建議始變更其戰略？

二十九 咸豐十一年八月，曾國荃攻克安慶，城破時太平軍之死者約有若干？計太平軍之占據安慶者共歷有幾年？按長江一帶之形勢論之，安慶佔何重要之位置？安慶爲清軍攻陷，與太平軍之成敗存亡有何密切之關係？

三十 咸豐崩于熱河，同治帝以冲齡嗣位，東西兩太后同聽政，乃重任曾國藩使統轄蘇皖贛浙四省軍務，於是軍事始歸統一，國藩乃疏荐何人專任浙事？何人專任蘇事？專責何人規取金陵？



三十一 李鴻章籍何處？清廷初任鴻章爲蘇撫時在同治何年？李鴻章之編練淮軍也，悉取法於何軍之營制？

三十二 咸豐三年，七首黨之佔領上海，有何原起？該黨既佔據上海，乃通款南京之太平軍，願與結合，而洪秀全竟拒而不納，其故安在？當清軍圍攻上海之七首黨時，外人多守中立，惟法軍則獨讐七首黨而左袒清師，有何理解？後該黨之被清軍掃滅時在咸豐何年？

三十三 太平軍直至何時始圖上海？李秀成進圖上海時，蘇人王曉曾獻經略中原襲取上海之策，聞其內容之計畫，皆甚善也，秀成何故均不採用？太平軍對於上海之外人不知力與聯絡以倒滿清，此惟一財賦之區，不知及時襲取之以裕軍餉，得金陵後慢置之，七年而後過問，而不知清人已植其基矣。如是措置，與太平軍之成敗有何影響？

三十四 太平軍時期，有所謂常勝軍者，考其原始組織：起於何人？該軍之編練與旗兵



綠營湘勇各有何不同？該軍之統帥，歷次各以何人充任？李鴻章之橫斷太平軍直抵上海，時在同治何年月中？

三十五 同治二年，淮軍取太倉，崑山，吳江，江陰，進圍蘇州，時李秀成譚紹洸咸督兵來援矣，其結果終無補於蘇州之失陷，其故安在？蘇州城陷時，太平軍之降將共有幾人？李鴻章程學啓等，對此等降將如何措置？

三十六 清廷於咸豐何年授左宗棠爲浙撫？杭州自何時卽爲太平軍所領有？迨同治三年三月，左宗棠下杭州全浙郡縣以次仍爲清有，惟有胡州一隅尙爲太平軍何人堅踞？

三十七 同治元年四月，清軍破廬州，太平英王陳玉成被獲見殺，玉成之所以罹禍，與其友苗沛霖氏有何關係？陳玉成死，楚皖之太平軍失勢，曾國荃乃乘勝順流而東，沿途佔有長江諸要隘，至同治何年月中，遂進抵江寧？曾國荃督師深入，圍攻金陵之初，乃兄國藩曾令其乘勝撤圍退守蕪湖，國荃則以爲不可，當時彼之兄弟兩人所抱之戰



略有何不同？

三十八 同治二年，清軍破雨花台石城，下江浦據九洲天京日危之際，忠王李秀成乃退歸金陵爲洪秀全建何方策？

三十九 曾國荃之圍攻金陵也，雙方戰守各如何艱苦？後卒於何年月日攻破之？

四十 金陵城破之先，洪秀全已憂憤死，當其病革時，遺命託孤與何人，迨天京破後，李秀成者乃太平軍中之唯一人物也，原籍何處，其臨刑前有何遺物？

四十一 咸豐六年翼王石達開留京輔弼，不久則力疏求去，別樹一幟，其背景安在！達開去金陵後，歷皖，贛，浙，閩，湘，桂，滇，黔，均不得志，最後乃入四川，其用意安在；川督駱秉章於何年月中擒獲石達開於老鴉漩？

四十二 天京破後，太平扶王陳得才，侍王李世賢，康王汪海洋，各有何結果？

四十三 太平天國之所以失敗，其原因安在？太平天國之結果，對外言之，外人在華之



權利如何擴張；對內言之，與清末之革命運動有何影響；

#### 四十四

附錄太平天國戰史序

『朱元璋洪秀全各起自布衣，提三尺劍驅逐異胡，即

位於南京。朱明不數年奄有漢家故土，傳世數百，而皇祀忽衰。洪朝不十餘年及身而亡，無識者特唱種種謬說，是朱非洪，是蓋以成敗論豪傑也，胡元亡漢運不及百年，去古未遠，衣冠制度仍用漢官儀，加以當時士君子半師承趙江漢劉因諸賢學說，華夏之辨，多能道者。故李恩齊擁兵不出，劉基徐達常遇春胡深諸人皆徒步從明祖，羣起亡胡，則大事易舉也。滿清竊國二百餘年，明遺老之流風遺韻蕩然無存，士大夫又久處異族籠絡壓抑之下，習與相忘，廉恥道喪，莫此爲甚，雖以羅曾劉郭號稱學者，終不明春秋大義，日陷於以漢攻漢之策，太平天國遂底於亡。豈天未厭胡運歟：抑漢子孫不肖歟；其當時戰略失宜有以致之歟：洪朝立國距今四十年，一代典章偉蹟概付焚如，即洪門子弟亦不詳其事實，是可嘆也；漢公搜輯東南太平遺書不下數十種，凡遺



世見聞可記者錄之，題曰太平天國戰史，洵洪朝十三年一代信史也。太平一朝與戰相終始，其他文藝官制諸典不能蔚然成帙，然近時僞本流行，關於太平戰蹟，每多隱諱，漢公是篇，可謂揚皇漢之武功，舉從前穢史以澄清之，俾讀者識太平朝之所以異於朱明，漢家謀恢復者不可謂無人。洪門子弟，手此一篇，亦足徵高曾矩矱之遺，當世守其志而無替，予亦有光榮焉。』

第三章 英法聯軍之役

一 咸豐時，英法聯軍之與中國構釁。約言之有何背景？自鴉片戰後，開五口通商，英人屢求履行江寧條約，而粵民則合詞訴大府，並自動團練，嚴拒英人入城，當時兩廣總督耆英，對此問題如何處置？道光二十九年，兩廣總督徐廣縉以何方法令香港總督文翰簽訂英人不入廣州城之約？葉名琛籍何處？粵督葉名琛與廣東英領事巴夏禮積不相能，其原因安在？葉名琛之辦理東筦會黨事，有何不得其當？道咸之交，東南沿海



之華船，揭英旗入英籍者甚多，其故安在？葉名琛之處置亞羅船一事，按之人道公理有無不合？中英亞羅船之交涉，本係一瑣事，而英領事巴夏禮則小題大做，致哀的美敦書，必責名琛於四十一小時內具狀謝罪，故使談判破裂，其野心安在？

二 咸豐六年九月二十九日英軍陷廣州，然何故不久即退歸軍艦，而不佔有？亞羅船之交涉，本係中英單純問題，後何故又波及法美，促成英法同盟，使範圍擴大？

三 英政府得悉廣東豐端，首相巴馬斯頓主張對華決意用兵，乃更游說法俄美諸國以合從之利，然俄美二國皆無意與中國開釁，惟法則斷然與英聯盟，其背景安在？

四 咸豐七年，英使額爾金率艦東來，抵香港後，遺書葉名琛，其內容是何大旨？名琛對此公文及法美領事要求賠償並願居間調停之動議，各如何處置？

五 英法聯軍於咸豐七年基督誕辰致葉名琛以最後通牒，限於四十八小時內退出廣州，而和平蓋已絕望矣。然名琛接此通牒後，則毫不為備，且泰然若無事焉，如是之雍容



魄力，從何處得來？

六 咸豐七年十一月十四日，英法聯軍陷廣州後，名琛有何結果？自此聯軍之佔據廣州者共歷幾年？

七 聯軍既陷廣州，英俄法美四國公使聯銜致書清首相裕誠，請派全權代表赴滬議和，清廷如何答覆？

八 咸豐八年三月，四國軍艦雲集白河口時，清廷即委任何人前往議和？既進行和議矣，何故仍無補於大沽礮台之失陷？迨大沽陷落後，清廷乃更以何人爲全權大臣，赴津議款？

九 咸豐八年締結之中英中法中美中俄四國天津條約，概言之我國主權之損失，有那四大要端？天津條約中，對於海關之稅律，如何規定？鴉片假何名義公然入口？每百斤鴉片徵收入口稅若干？



十 天津條約既結，四國艦隊悉去白河，僧格林沁乃於白河口岸如何設防？天津條約各國批准調印後，原定在何處互換？咸豐九年，英法公使來華換約時，在大沽何故又肇釁端？是役也，英法之士卒軍艦各蒙何損傷？若按公理言之，是役之是非曲直，各在何方？英法開釁白河，而美公使華若翰則獨得平安換約歸國，其故安在？

十一 白河肇釁後，英法公使退屯上海，曾一次通牒於通商大臣何桂清，謂『若事事遵照八年原約，即罷兵』。其條件語氣甚屬和平，英法此舉，有何背景？而清政府對此通牒則如何答覆？

十二 英法兩國於白河失敗後，其政府又各以何人爲特命全權公使海陸軍總司令，再督師來華？其來華之兵士各有若干？

十三 咸豐十年，英法聯軍先佔我沿海何處以爲根據地？其進軍方略，預定何計畫？

十四 北塘新河各在大沽口之何處？初僧王原在北塘設備，後何故撤消單獨經營大沽？



當裁撤北塘武備時，曾有何人力陳其非計？新河一戰，清兵精騎三千得免者僅有幾人？聯軍攻陷大沽之北岸礮台，時在咸豐十年之何月日中？大沽失陷後，僧軍退守何處？

十五 咸豐十年七月二十日，桂良恒祺已與英法大使締成天津條約三款矣，惟清廷對於該約則拒不批准，以致聯軍北犯，使京師淪陷，其背景安在？

十六 張家灣八里橋各在何處？八里橋之大激戰，有何結果？咸豐十年八月初八日，文宗出奔熱河，以何人留守京師與聯軍和議？

十七 英法聯軍之火焚圓明園，而載垣與僧格林沁實應負其咎，其故安在？

十八 中英法北京條約之締結，俄使伊格那提業福在雙方各如何調停斡旋？咸豐十年九月十一日簽定之中英北京條約同月十二日簽定之中法北京條約，其內容之要點各係何規定？英法聯軍之役之結果，約言之中國國權有何重大之損失？



#### 第四章 俄羅斯侵我東北國境

一 俄國自彼得大帝以來，歷代君主皆以求得一終年不凍之出海港爲惟一之計劃，其背景安在？俄人欲闢出海港，共有那四大途徑？百餘年來，俄人本此政策進行之結果，在此四大途徑中，各遇何挫折障礙？俄人之經營近東，有那三大便利？俄人之經營遠東有那四大動機？

二 考俄人之經營西比利亞，蓋始於可薩克人，其時遠在十六世紀之末，此民族經營該地之初，是否秉承其政府之計劃？俄人波雅爾古 Poyarkoff 之始達黑龍江下流，周覽其山川部落，將軍喀巴羅 Kitaboroff 之引兵達索倫部人所居之雅克薩地，築阿爾布青 Albasin 城於雅克薩河口，各在紀元何時？

三 俄人最初兩度遣使齎方物上書，以求互市爲名來北京覘虛實，各在清之何帝何年？當時清政府能否得悉俄之國勢情形？



四 清康熙廿四年廿五年兩次遣師攻雅克薩城，各有何結果？中俄尼布楚條約之締結，時在康熙何年月日？該約之內容，定以何山河水爲中俄之國界？尼布楚條約之締結，清廷獨占優勝，其故安在？該約締結時，俄之皇帝乃威名赫赫之大彼得也，一不世之梟雄耳，何急急求和，忍辱含垢，不事力爭？尼布楚條約後，中俄國交得保平和者凡歷年若干？

五 中俄恰克圖條約之締結，時在雍正何年月中？該約之所以締結，與清廷之并有外蒙有何關係？該約締結後，中俄之恰克圖貿易，日見發達，迨乾隆廿九年，四十四年，五十年，雖數因事端飭閉關絕中俄互市，然自五十七年再改訂互市新約後，中俄國交確守該約者，直至何時？

六 道光時，俄皇尼古拉第一，任命木喇福岳福Muravief爲東部西比利亞總督，木氏對於東西比利亞之經略有何建議？俄人之發見庫頁島與其建立沿海洲行政區，各在清之



何帝何年？庫頁島不與大陸毗聯，遂使黑龍江口之價值愈增，俄人經營該地之志亦愈切，其故安在？

七 俄人乘何時機，用何手段，推翻尼布楚條約，迫我政府與之重訂國界？其更定國界之要求，持何理由？中俄愛琿條約之締結，時在咸豐何年月日？該約之要項凡有三款，其內容各是何規定？該約之結果，我國之土地航權各有何重大之損失？

八 咸豐時，中國之外患以英俄法爲最巨，皆抱帝國主義，以侵略我國主權者也。然俄人之外交手段，與其對華目的，則與英法有何不同？中俄北京條約之締結，時在咸豐何年月日？該約之內容，我國將何處大地割讓與俄？綜計中俄愛琿北京兩約，我國所割讓之土地，東西廣及廿餘經度，南北長及十餘緯度，俄人運其慧心，出其妙手，不損一兵，不費一彈，雍容享而有之，此四萬萬黃帝子孫當永誌不忘者也，俄人當日對此新領河山，如何善後而經營之？



第五章 捻亂與回亂

I 捻亂

一 自鴉片戰後，內憂外患叢生迭起，如火燎原，不可撲滅，考其背景，彼此各有聯帶之關係？

二 捻之命名，有何意義？捻匪肇起於何地何時？考捻匪之起原地，以全部論之，雖屬中原腹地，以各省論之，則多在魯蘇豫皖鄂之沿邊區域，有何理解？咸豐初，捻匪以何人爲領袖？捻之所以猖熾，與太平軍有何關係？

三 咸同間清將袁甲三，勝保，僧格林沁，督師剿捻之結果，皆無成功，其故安在？苗沛霖於咸豐八年已降清軍，後何故再三叛變？至終有何結果？

四 僧格林沁敗沒於曹州，而清政府乃以曾國藩督辦直魯豫三省軍務，專責剿捻；時捻匪已成流寇，若匪流而兵已與之俱流，則匪之資糧無限，而我之兵力有窮，必無成功



。而曾國藩氏有見於此，乃定何軍事計劃？期以有定之兵，擊無定之寇，蹙敵一隅而聚殲之

五 咸豐五年九月，捻衆突破河南長牆，分爲東西二股，各以何人爲首領？捻匪突圍後，淺見者流，對於國藩有何物議？致使國藩自請罷斥，疏荐李鴻章以自代

六 同治六年，東捻乘運河乾涸，東走登萊膠東海隅，李鴻章乃定何軍事計劃以蹙擒之？捻首任柱賴文光各死於何處？

七 李鴻章以何軍事計劃蕩平西捻？西捻首張總愚自同治五年十月突破河南長牆率衆入陝，後爲清軍所迫，由秦而晉，而直南而豫北而魯西，輾轉蹂躪，直至何年月日，始勢窮力盡蹈徒駭河而死？

八 捻亂之克平，曾國藩李鴻章各有何不朽之功。——大難之克平，由於淮軍將卒之力戰經營；老謀勝算，出於湘營主帥之苦心擘劃。



II 回亂

九 回教是何人所創？回教之傳入中國有那兩條路徑？名之曰回教，是否合宜？有清一代之回亂，最大者凡有三次，各在何時？回民之所以屢起倡亂，有何原因背景？

十 同治元年，陝甘回亂之起，有那二大前因？同治元年四月，回首任五糾衆起事渭南，而團練大臣張芾馳往臨潼招撫回衆時，任五已同回目十餘人來謁，擬就撫矣。何故又潛歸倉橋渡，糾衆擊敗張芾手刃之以洩憤耶？

十一 張芾既死，清廷乃命勝保赴陝督辦軍務，勝保剿回之結果，坐何罪案，逮問賜死？

十二 勝保坐罪死，多隆阿奉命入陝督師，多隆阿之督勦陝回，有何結局？同治二年，甘陝回衆據有固原平涼寧夏靈州一帶後，乃擁奉何人爲其首領？

十三 左宗棠繼楊岳斌督辦陝西軍務後，乃主張先剿捻匪而後剿回，其用意安在？迨同



治七年六月，西捻克平後，宗棠乃得一意剿回，其軍事計劃，定分三路出兵，每路各以何人爲統帥？各趨道何處？

十四 董福祥之降劉松山，馬化龍之降劉錦棠，各在同治何年月中？劉松山于何處中礮陣亡？馬化龍于何時判決處死？馬化龍死，而寧夏悉定，肅州克復，而全隴肅清：肅州之克復，時在同治何年月中？城破時，屠殺回衆若干？回首何人就戮？何人逃竄關外？

十五 咸豐五年，雲南回亂之緣生，有何原因背景？當雲南回亂時，而省垣大理曲靖等要地，各爲回首何人所佔有？

十六 岑毓英以何策略克平雲南之回亂？杜文秀雄據大理僭擬王號者凡十有八年，楊玉科之破大理時在同治何年月中？城破時而杜文秀有何結果？

### 第六章 咸同時代之內政與外交



一 咸豐帝內政之可述者，以化除滿漢畛域，重用漢人爲最著，當時之滿大臣如文慶肅順者，乃主張破除種界，重用漢人，最力之人，其如是建議，持何理由？清廷之重用漢人，後得何善果？

二 咸豐十一年七月帝崩於熱河行宮，嗣子載淳年甫六齡，不能親政，於是清之廷臣分爲垂簾反垂簾兩黨，各以何人爲領袖？該兩黨之搏鬥至終有何結果？該兩黨之爭，政爭也。平心論之，果孰是孰非？孰功孰罪？試暢言之。

三 迨反垂簾黨失敗，而母后垂簾之局定，東西兩太后之才德有何不同？有清一代至何帝時始廢除滿人副署之制，漢大臣得專報軍情？

四 同治嗣位之初，兩太后聽政期內，舉辦之新政頗多，概言之有那三端？同治帝踐祚不久，即削平大難，蔚成中興，所以致此中興者，是否由於同治冲人之力量與太后女主之功？



五 中國自稱天朝，目外人爲夷狄，自大觀念，根深蒂固，不易動搖，其背景安在？自鴉片戰後，開口通商，列強接踵來華，本其帝國主義以事侵略，外交日益棘手，吾國自尊自大之沉沉酣夢，宜惕然悟憤然醒矣，然就咸同時代之外交史而觀察之，則當日中國朝野人士之茫昧心理，猶依然如初，無大變焉，此說有何憑據？

六 咸同時代，所定之國際條約甚多，然大別而類分之，則不外三種，一因戰事，二爲劃界，三屬商約。所謂商約者，大抵含何條件？劃界條約，多屬何國？戰爭條約則有鴉片戰役，江甯條約；四國聯軍，天津條約，北京條約，其締結果在清之何帝何年？

七 中國自近百年來，教案紛起，屢生事端，其背景安在？自江寧條約以後，至天津教案以前，中國內地凡有幾大教案，接踵蓬興？同治九年，天津教案之所以釀成，約言之有那五大背景？

八 同治九年五月，天津民衆焚燒津埠各國教堂並毆死法領事，而天津教案起。時直督



曾國藩方因病請假，朝命力疾赴津，與通商大臣崇厚會同辦理，國藩查辦該案之初，即力主和平解決，不獎士民義憤，其用意安在？至終該案如何解決？普法之戰，時在紀元何年？天津教案起於國家疲敝，無力再戰之秋，乃得於原案外無多讓步，而和平歸結之，此與普法之役，有何關係？

九 日本自立國以來，歷代與中國各成何關係？元世祖威震歐亞，然不能逞志於日本，其故安在？

十 日本自明治維新以來，廢羣藩尊一主，斥霸府聯邦交，慕效西法，罔遺餘力，國勢蒸蒸日上。乃抱帝國主義，以求開疆拓土，夫人而知之矣。然綜其侵略政策，則不外南進北進兩派，該兩派之主動者，各係何等人物？惟日人之南進主義，只成虛想，不能實現，其障阻安在？日人之西進主義，即大陸政策，有何計劃？

十一 同治九年，日本遣使來華，求訂通商條約，時皖撫英翰，密疏清廷，乞勿許，直



督李鴻章則奏駁之，各持何理由？同治十年五月，中日締結之修好條約十八款，通商章程三十三款，是爲中日有約之始；中日締約之全權代表，各是何人？

十二 台灣琉球各自何時即隸屬於中國？日本琉球之飄泊難民之遇害於台灣之生番，其事各在同治何年月中？

十三 同治十三年，日本遣正使副島種臣，副使柳原前光來華，除換約外兼受何使命？時同治帝已親政，駐京各國公使要求陛見，惟於覲見之儀節，則相持不決。當日日使副島氏，特創何覲見之禮式，以折衷調停？日使覲見後，乃詰問台灣生番之劫殺難民事於總理衙門大臣毛昶熙董恂，昶熙等之應對日使，其立言有何不妥，與人以口實，致遺後日無窮之禍？

十四 同治十三年三月，日本不告我政府，即毅然興師攻台灣以圖生番，持何理由？清廷聞警後，遣何人赴台督辦防務？日本既出師台灣，然不在台島與清軍周旋作戰，乃



更遣專使來北京議台事，其故安在？此次中日台灣交涉結果締結之條約，其內容概有三款，各是何規定？該約中有云「此次日本征台，係保民義舉，中國不認爲不是。」此條之規定，與日本異日之佔有琉球有何密切之關係？

第七章 同治帝后之卒與光緒帝入繼

一 同治末年，慈禧那拉氏得以專恣無忌，考其背景有那三端？文宗臨危時，曾有遺詔以付慈安，此遺詔之內容對於那拉氏擬有何辦法？後慈安何故出此遺詔而慈禧焚之？負先帝之明，致釀宗社邱墟之禍？

二 慈禧與同治帝母子不睦，概言之有那四大背景？同治帝患何病而死？帝之死而慈禧那拉氏實應負其咎，其故安在？

三 同治帝崩，廟號穆宗，而慈禧那拉氏乃不爲穆宗立後，而立光緒帝載湉，其用意有那三端？



四 孝哲皇后阿魯特氏之身殉穆宗，就其當日之環境而觀察之，其背景原動有那三種？其身殉時，距帝之崩僅有若干時日？

五 光緒帝入承大統後，而繼統之紛議起，侍讀學士廣安則請鑄鐵券，主事吳可讀且效史魚之尸諫，各有何結果？

六 光緒七年三月，慈安鈕祜祿氏罹何病暴死？慈安死而那拉氏橫，綜其弊政之最著者，有那兩端？光緒十五年，帝大婚後，始得親政，然於一切之用人設施，帝能否操其實權？慈禧后一生垂簾聽政者先後凡有幾次？其最後垂簾，幽廢德宗於南海瀛台，時在光緒何年月日？

#### 第八章 新疆回亂與伊犁改約

一 新疆爲漢時西域之大部，中有天山橫亘東西，分爲天山南北路，天山北路，有那三大重鎮？天山南路之東西四城各何名稱？



二 同治初年，新疆回亂之起，約言之有那二大前因？『阿渾』之稱有何意義？索煥章之擁立阿渾妥明與妥明之自稱清真王，各在同治何時？

三 安集延會阿古柏之經略新疆，幾完全佔有天山南北路，此事有何緣起？當阿渾妥明據烏魯木齊稱清真王時，天山北路之漢民紛起獨立，團結自保，其中以何人之勢力最鉅？

四 同治九年，阿古柏攻阿渾妥明於庫車，妥明兵敗乞降，阿古柏何以處之？至終有何結果？迨阿古柏統一天山南北路後，有何偉大之計畫以圖建國於中亞？

五 同治十年，俄羅斯以何名義進佔我伊犁？俄人佔有伊犁後，更擬進取烏垣，遇何挫折，乃不得逞志？

六 當阿古柏經營建國於回疆之際，英人實協助之，其用意安在？

七 同光時代之新疆回亂有那二大難點，不易克平？當時清之廷臣中，多主張割南八城



封阿古柏爲王，使自立國爲中國藩屬。此說之由來，其背景安在？惟左宗棠則上疏力抗此議，持何理由？當時清政府對於宗棠之建議，如何措置？

八 光緒初年，左宗棠之平定新疆回亂也，其軍事計畫乃先從事於天山北路，而後加兵於南，其用意安在？光緒二年，劉錦棠督師出關剿回時，回首馬明，馬人得，白彥虎等，各據有何地？光緒二年閏五月二十八日，劉錦棠以何利器破古牧城？城破時，殲回兵若干？古牧城既破，而迪化吉昌亦次第克復，惟馬納斯南城至何時始光復之，而天山北路之回亂始慶肅清？

九 天山北路之回衆既瓦解，而阿古柏父子與馬人得白彥虎等，各據何地，布防備戰？劉錦棠之克復達板托克遜，張曜之攻下吐魯番，阿古柏之仰藥自殺，各在光緒何年月？阿古柏之自殺，有何背景？

十 阿古柏死，其子何人繼入喀什噶爾，保天山南路而王？時英公使提議，要求清政府



保全喀什噶爾王國，左宗棠奏疏清廷，力抗此議，其抗議大旨，如何命意措辭？

十一 劉錦棠之克復天山南路東四城，時在光緒何年月中？東四城既復，乃分兵三路，進圖西四城，此三路兵各以何人爲統帥？各由何處進兵？結果西四城各爲何人攻克？

十二 伊犁之在新疆佔何重要之位置？當俄人佔據伊犁之初，即聲明至中國威令再行於伊犁可保國境安全時，俄政府即返還伊犁，至光緒四年，天山南北路悉定，我政府索還伊犁，俄人乃要求何條件？

十三 光緒五年，崇厚奉命使俄，收還伊犁，結果，於是年秋，締結返還伊犁條約十八款，其中之要點，規定我國如何割地賠款喪失利權？此次中俄之伊犁交涉，崇厚之所以失敗，其原因安在？當時清政府之對該約與崇厚個人，各如何處置？

十四 光緒六年時，中俄國交幾至破裂，雙方各有軍事之預備？當時清之廷臣如郭嵩燾、張之洞、左宗棠等，對於伊犁問題，各持何主張？時英人戈登適復來華，對於中俄之



伊犁問題，力言依和平交涉，修改前約，勿開戰端，其建議持何理由？

十五 光緒六年，曾紀澤奉命使俄時，乃先請政府釋崇厚之罪，其用意安在？對於伊犁問題，抱何主張？

十六 光緒七年正月廿六日，中俄改定還付伊犁條約共二十二款，其約中要點對於國界，賠款，及通商三端各如何規定之？該約與崇厚締結之中俄原約，有何不同？夫崇厚以全權資格與俄訂立之成約，本不能無效，而曾紀澤氏乃得從容而修改之，其背景安在？

十七 新疆之改建行省，此起於何人之主張？其事在光緒何年？

十八 中俄國界交涉，以西北爲最繁，同光時，除塔城條約外，中俄界約尙有九次，總其結果，中國損失之土地共有若干方里？

### 第九章 外藩之喪失



- 一 有清全盛時代，其版圖之遼廓，遠邁漢唐，其四境各至何處？
- 二 中國自來對待藩屬與近世帝國主義者之侵略政策，有何不同？
- 三 自清季以來，英俄法日四列強，各吞并我國之何屬藩？中國藩屬喪失之由來，概言之有那二大原因？

(I 日本合并琉球)

四 琉球之地理，歷史，各與中日兩國成何關係？

(一) 琉球羣島之地理與中日兩國之關係——該羣島在福建正東，相距僅約一千七百里，惟其地距日本之九州亦甚近，故又成爲日本所必爭之地。

(二) 琉球羣島與中日兩國之歷史的關係。

A 琉球與中國的歷史——隋煬帝時，使朱寬至琉球，召使入貢，不屈，宋元亦如之。明太祖初定中原，遣行人楊載奉表召琉球王臣服，洪武五年——卽紀



元後一三七二——琉球王度察乃遣使稱臣貢方物，自此習法度奉明正朔按期朝貢不缺。——或謂自唐以來即世臣中國——清順治十一年琉球世子尙質來朝，繳明故印，請清重新冊封。康熙元年乃遣正使張學禮副使王垓齎詔勅新印往琉球，冊封尙質爲王，定二年一次入貢之例，此清廷冊封琉球國王之始。自此以後，每新王卽位，必來請封；恭順異常，稱我國爲父國。

B 琉球與日本的歷史——琉球與日本以地理的關係亦早有往來。迨琉球通中國後，恃大國爲後援，有傲睨倭鄰之意。明萬曆三十七年，日本將軍德川秀忠命島津家久侵琉球擄尙寧王，隸琉球於薩摩藩，干涉其財政；且定世子滿十五歲必遊鹿兒島之例。自此琉球與日本之關係甚密，事實上成爲中日兩國之屬邦，

五 日本之合并琉球有那三大背景？

中國近百年史問題研究



(一)日本自明治維新以後，即抱帝國侵略主義，實行統治琉球之方針。

(二)同治十三年，中日爲台灣交涉事，締結之和約，其第一條之規定，遂成爲我國默認琉球爲日本版圖之憑証。而琉球羣島即由此暗昧之條文，而斷送之。

(三)自中英鴉片戰後，歐美各國皆認琉球爲獨立國，直接與琉球開通商談判，而美法荷蘭三國皆次第與琉球結通商條約——日本合并琉球之手序有那三大步級？日本合并我琉球，中國政府何故坐視不救？

## II 法并安南——中法之戰

六 安南之地盤在何處？自嬴秦以迄滿清中國與安南成何關係？——自秦分國爲四十郡，安南爲象郡。兩漢·三國，兩晉，南北朝隋唐元皆爲中國版圖，宋明清爲中國屬地。——安南之命名，始於何時？

七 安南之黎氏，自何時崛起，脫明獨立，建大越國，定都河內？——永樂十六年——



後黎氏之國祚何故式微？——其故有二

(一) 當明世宗嘉靖時，權臣莫登庸篡國，與黎氏並立，據河內稱王。黎氏偏安於南，成爲南北朝。

(二) 明神宗時，太尉阮潢據順化自立，稱廣南王。領地漸大，兼有下交趾支那與柬埔寨王國之大半，與黎氏相攻者殆百餘年——阮潢何故據順化自立？——因鄭氏專政故。

八 新阮阮文岳兄弟之崛起，有何背景？——與黎氏之權臣鄭棟欲篡國自立，忌舊阮廣南王勢力之強大，乃誘西州土豪阮文岳兄弟舉兵攻廣南——新舊阮之爭，有何結果？——舊阮氏失敗，廣南王阮定走據下交趾，至其姪阮嘉隆王時，下交趾亦被陷，嘉隆王遂出奔暹羅。

九 新阮既滅舊阮，并黎氏統一安南，而乾隆帝對此問題如何處置？——乾隆五十二年



，新阮并黎氏，安南王黎維祁逃匿於野，高宗念黎氏百餘年奉貢不怠，乃命兩廣總督孫士毅提督許世亨率兵一萬，進討新阮。結果，士毅貪功，欲生獲文惠以歸，滯軍河內。且信其來降不設備，遂致大敗，士卒得生還者不及半焉。阮文惠既威服安南，恐中國再圖大舉，乃改名光平，遣其兄子光顯奉表乞降。清政府亦不願再出遠征軍，乃允其請，勅令光平躬親來朝祝萬壽，並爲死事諸將校立祠，光平奉詔。乾隆五十五年，光平來朝祝高宗八旬萬壽，帝遂封光平爲安南王，後二年卒。

十 法越維薩里府草約之締結有何緣起？該約之締結時在紀元何年？——A B 一七八七  
年，卽乾隆五十二年——其內容有何要件？該約何故竟成爲法蘭西侵略安南之導線？  
該約在當時果得法政府批准否？

十一 咸豐六年，法越戰事之釀成，有那三大背景？

(一) 是年克里米戰爭結局，法人於歐洲得無後顧憂，



(二)時拿破崙第三已改共和爲帝政，欲立海外戰績，以收服國內之民心，

(三)法要求越履行維薩里之盟，越政府不允，且砲擊法使，

十二 咸豐八年，西班牙何故亦加入戰團與法蘭西合兵攻越南？咸豐八年六月，法西聯軍抵安南，攻廣南港而下之，乃棄而不守，率師南下，奪下交趾佔領西貢埠，其故安在？——廣南港距安南首都順化僅十五哩，不便長守，而下交趾距順化遠，又西貢爲安南之第一商務地，故佔領之，擬爲永久根據地。——中國乃安南之宗主國也，而法西聯軍奪下交趾佔西貢埠時，中國政府何故放棄其宗主權，不出兵以援安南，坐視屬藩，任人魚肉耶？

十三 法越西貢條約之締結，時在清之何帝何年？該約之內容，有何要件？綜其內容而觀察之，其精神之點安在？——儼然以越南爲法之保護國。

十四 高博彥中國近百年史說，同治六年，法人乘何時機得并有柬浦寨？其說與他史所



載有何不同？——他史皆謂是年柬浦寨暴民起亂，法人見安南政府一時不能平定，遂乘機以恢復秩序爲名，舉兵襲永隆，江安，和仙等地，悉佔領之。自是下交趾六州——並西貢條約割讓之三州——悉爲法領。

十五 富良江湄公河各發源何處？流入何處？

(一)富良江一名紅河，又稱東京河發源雲南流入東京灣。

(二)湄公河上流曰瀾滄江發源青海流入中國海。

十六 法人既完全佔有下交趾，又覺不滿意，復轉注意於北安南富良江流域，其故安在？——因湄公河不便舟楫，不能資之以通中國內地。探悉紅河有舟楫之便，且直通雲南內地，故思攫而有之，以便窺伺中原——法人得悉紅河有舟楫之利，是何人冒險探測之功？——法人畢秋伊——此事之起，與同治時代雲南之回亂，有何關係？——同

治七年法人畢秋伊與雲南提督馬如龍爲征雲南回匪事，與法人締約要求法人供給兵械



糧食，然苦無輸送之地，結果，畢氏遂得假此名義於紅河探檢。

十七 當法人經營北安南時，安南之黑旗黨軍，黃旗黨軍，各盤據安南之何處以爲根據地？其黨魁各是何人？其麾下各有士卒若干？

(一) 黑旗黨據紅河河畔之勞開府

(二) 黃旗黨葉成林據東京之興安府。

十八 同治十二年時，法人經略北安南忽變其威壓政策，改用懷柔的侵略，以樹收拾安南全國之計畫，此出於何人之主張？——下交趾總督布秋列之書記官希拉特爾之謀略——其懷柔政策是何辦法？實施之後，得何效果？

十九 同治十三年，即A B 一八七四年三月十五日在西貢埠締結之法安親和條約，其內容之要件有何規定？——約中的精神安南之外交權，全歸法國所有。司法權大受限制，軍隊權，雖無明文規定，然軍需教練悉仰給於法國。且有內患外寇時，法國即可出



兵。雖名義上承認安南爲獨立國，其實際則已成爲法之保護國。

二十 同治元年，法越西貢條約，當時中國適有太平軍之亂，無力顧及南服，無論矣。同治十三年，法越再結親和條約於西貢，中國雖起而抗議，然亦不能積極談判焉，其故又安在？——時我國（一）始忙於新疆之征討，（二）繼與俄國起伊犁之紛議。（三）塞心於英法之合從以謀我。

二十一 同治十三年，法越締結親和條約，至光緒六年——越人乃漸悟該約之非，傾向中國。並借黑旗軍之實力，起仇法運動。其酣夢頓醒，有何緣起？——法越親和條約締結後數年，見中國政府不爲積極之反抗，遂於光緒六年，援條約權利，於河內海防二府各置守兵百名，於順化廣南二府亦分派守兵一中隊，並派遣測量隊深入安南內地，視察鑛脈，探測河流。安南政府乃漸悟前約之不利，突起排法運動。

二十二 光緒九年——此史則謂八年——即 一八八三年八月二十三日，法越順化條



條約之締結，有何背景？該約之內容，共二十八款，約言之其精神之點安在？——安南之主權，完全爲法國所有。

二十三 法越順化條約締結後，清政府聞之大憤，一方以兵力實行援越，一方則以外交手續提起抗議，此事有何原因結果？

(一)原因——有二

A 由於法越順化條約之刺激——該約之結果安南主權完全爲法國所有，夫同治十三年之法越西貢條約，尙爲我國所不承認，何況此約之內容規定較前約更苛萬倍者乎。

B 乘安南法軍將校之不和——當時法國在東京之外交官係共和黨，將校則多隸王黨與拿破倫黨，互不相容，清政府得悉，故欲乘機破之。

(二)結果



A 外交方面——曾紀澤李鴻章之提出抗議，法人完全拒絕，一無結果。

B 軍事方面——援越軍與黑旗軍同歸失敗，光緒九年即A D 一八八三年十二月十六日，法軍陷山西，一八八四年三月十二日陷北寧十九日陷太原四月十二日陷興化，於是紅河下流諸要地，全翻三色旗。

二十四 援越軍失敗，山西北寧陷落之報達北京後，而清廷之對法越政策，有何改變？

——先貶軍機大臣恭親王寶蓋李鴻藻翁同龢景廉等，桂撫徐延旭滇撫唐炯皆革職。任潘鼎新爲廣西巡撫，張凱嵩爲雲貴巡撫。自中法開釁以來，李鴻章即絕對主張和議，至是皇太后以諸大臣無實力，乃從李之主張，與法使議和。

二十五 中法於天津締結預定媾和條約五款，時在光緒何年月日？諒山衝突，爲中法之戰之引火線，深言之，該衝突之緣起，則實由於法人故意爲之，而法之所以出此，其目的安在？——中法預定之媾和條約五款，法國輿論以該約第四條，尙留中國保護安



南之虛名，覺不滿意法議會拒不批准，故福祿諾乃嗾駐越將領故意發難，以期條約無效。

二十六 中法諒山衝突之緣起，淺言之是為何問題？——預定媾和條約，李鴻章主張簽押後三月撤退東京戍兵，法使福祿諾則願以三週為期。光緒十年五月六日，法將突勒率兵六百，佔領光宣府，即進軍諒山，欲實行三週撤兵之約。二十八日，於北黎付近遇中國兵，要求撤退，時我軍既未接到本國政府撤退之命，且不知和議已成，乃請延緩十日，以俟本國政府之命令，突勒不聽，突率兵前進，我軍痛擊之，法兵敗退，法軍戰死者十三名，負傷者四十名，是謂諒山衝突。

二十七 中法之役，海陸軍兩方之戰爭，各有何結果？中國陸軍方節節獲勝於越境之際，而中法忽焉罷兵媾和，此事於中法兩方面言之，各有何緣起？中法媾和條約之締結，時在光緒何年月日？該約之內容，共有十款，約言之有何要件？法人之對該約是否



滿意？——甚不滿意，蓋法自向東京出兵以來，所耗軍費共達二億五千萬法郎，當東京未激戰之先，我國總稅務司英人赫德調停和議之時，法政府要求之和議條件有三（一）賠償軍費，（二）內地建築鐵路權，（三）課安南商人之人頭稅。至此中法媾和條約之結果，對此三者皆無所獲，僅得南部二處通商而止，故覺甚不滿意。

二十八 天津中法媾和條約締結之後，於光緒十二年三月二十二日，復締結安南邊境通商細則十九款，同年五月初六日締結中法界務專條五款與商務續約十款，諸約內容之性質有何不平等處？——安南邊境通商章程本規定中國得派領事駐河內海防二府，然結果則等於虛設，法人不準實行。至陸路通商比海關稅減輕，本為俄人獨享之權利，因由二百餘年慣例之所致，今法國亦得此利益，遂為後日英國要求施用於滇緬日本要求實施於高麗南滿之張本。

二十九 讀法并安南之一段慘史，應注意之點。



(一) 安南與中國歷史關係之深長——自嬴秦統一中國，以迄有清之光緒，凡兩千餘年間，歷代皆屬中國之領土。

(二) 安南與中國地理關係之密切——同處東亞大陸，壤地毗連，既無崇山峻嶺瀚海沙漠之睽隔，且川流交錯，交通便利。

(三) 安南之民族與中國民族之關係——考安南民族之血統，文字，語言，宗教，生活方式，風俗習慣，皆與中國民族無大差異。

(四) 法并安南之導因。

(五) 法并安南之年代——自紀元一七八七年即乾隆五十二年法越締結維薩里府艸約至光緒十一年即紀元一八八九年——共歷九十八年

(六) 法并安南之步驟，可分有三期——

第一期——法人經略下安南——自乾隆五十二年，法越締訂維薩里府艸約至同



治六年即紀元一八六七年，法人并有東浦寨，完全佔有下交趾六州。

第二期——法人經路北安南，以圖吞并安南全境——自同治七年，雲南提督馬如龍與法人畢秋伊締結供給餉械之約，至光緒九年即紀元一八八三年，法越締結順化條約，安南遂成爲法之保護國。

第三期——中法之戰——自光緒十年至十一年四月廿七日。中法於天津締結媾和條約，遂將兩千餘年舊有領土之錦繡安南拱手割讓於法蘭西。

(七)近來帝國主義者侵略弱小民族之領土所用之慣例

(八)欲實現一切民族一律平等，保障世界永久和平，唯一之方法是民族自決——民族自決者，即主張每個民族無論該民族本身，如何野蠻，文化如何落後，關於該民族內部一切政治上，經濟上和社會上的事件應由該民族自己決定和主持，任何民族不能假借任何口實，干涉別民族的內政，損壞別民族的獨立。



(九)中國割讓安南之歲，即中華民國造端之始，因先知先覺之孫中山先生，立志顛覆清廷，創建民國，神聖之偉大計劃，實起於是年。

### III 英併緬甸

三十 緬甸之國土，在伊洛瓦諦江流域，該江發源何處？流入何處？

三十一 自元世祖統一中國，而緬甸即隸於元之版圖，至明何帝時，始斷絕朝貢？——

明神宗萬曆中——清初緬人執桂王以獻於吳三桂，與清通好，然當時之緬甸對於清廷果稱臣納貢否？——特獻桂王之功，亦不朝貢。

三十二 乾隆時，清之國勢極盛期也，而緬甸王孟駁乃屢擾雲南邊境，與清起釁，其背景安在？——孟駁勢盛時，東北邊境諸部悉臣服之，惟桂家木邦二土司舉兵相抗，然皆先後敗走。桂家者，即明桂王官族之遺裔也，世據波龍銀廠，以富裕聞。當桂家會長宮裡雁之敗走也，孟連土司刁派春乘機掠奪其妻孥財產，宮裡雁之妻囊占殺刁派春



而降於雲南總督，於是緬甸王孟駁乃遷怒中國，舉兵襲雲南屬之耿馬土司，且侵普洱，不克，退復糾合木邦之兵，進擊雲南。總兵劉得成三路皆敗，總督劉藻自殺，時乾隆三十三年即A D 一七六五年也

三十三 乾隆三十二年，命伊犁將軍明瑞爲雲南總督兼征緬將軍，額勒登額爲參贊，督兵征緬，三十四年，更以大學士富恒爲經略大臣，阿里袞爲副將軍，增發滿洲蒙古之兵，督兵征緬，各有何結果？

(一)明瑞以糧盡失道，受敵軍包圍戰死，額勒登額則被高宗處死刑。

(二)傅恒等冒暑瘴，傷將士，無寸得。阿里袞則病死軍中。

三十四 乾隆五十三年緬甸遣使入貢；五十五年，受清冊封；緬甸之所以降服中國，是否由於清廷兵力之結果？——非清兵力也，蓋當時孟雲爲緬甸王，王自幼爲僧，不好戰爭。且見暹羅盛國勢漸盛，遂有通好中國之志，乾隆四十六年，暹羅王遣使至北京



，與中國交好益密，孟雲益懼。五十五年，暹羅王受高宗冊封，孟雲遂決意入貢。

三十五 緬甸之佔領阿刺干，侵略阿撒母，何故遂釀成英緬之衝突？緬甸之經略兩地也，其時各在清之何帝何年？

(一) 乾隆四十九年，緬甸王孟雲開疆拓土，東方征服暹羅境之馬爾達邦與地那悉兩州。西方佔領阿刺干而與英領孟加拉接壤。然阿刺干人不服，多遁入英領之孟加拉，緬甸政府向英領印度總督要求送還亡命，印度總督則以國事犯為詞，不允。

(二) 道光二年，緬甸王孟雲既遣軍攻西北諸小國，征服阿撒母，曼尼波爾國。又侵西查爾，進入英領，殲印度士兵一隊，英人大憤，遂起征緬軍。

三十六 英人之第一次用兵緬甸，緣起於阿刺干阿撒母問題無論矣，而英之第二次用兵緬甸，則有何時緣？



三十七 英緬第一二兩次和議之締成，各在清之何帝何時？兩次和約之內容，緬政府各如何割地賠款？英緬二次和議後，而緬甸政府之勢力範圍僅得保有何區域？——僅得保有北緬甸，而南緬甸則悉爲英領。

三十八 英人既佔有南緬甸，光緒十年法蘭西與緬甸遂締結攻守同盟密約，其內容交換何條件？該密約促成之背景，有那三端？

(一) 自列強競爭殖民以來，後印度半島英法二國互爭勢力範圍，英人既得南緬甸，故法人亦大動食指，思自東京侵入北緬甸以扶植勢力

(二) 光緒八年，法首相德羅克爾遣大使至緬甸，其目的於馬來半島克刺峽開鑿運河，所有權歸於法國，後被英人妨害不達目的。

(三) 自英并南緬甸後，緬王恨英甚，故易與法人結合。——該密約之結果，則促成緬甸之速亡，其故安在？英并緬甸時在光緒何年？



三十九 自乾隆五十五年，緬甸受中國冊封爲中國屬藩，光緒十年法國與緬甸結攻守同盟之約，則中法二國之與緬甸皆深有關係者也，然當英并緬甸之際，中法皆束手坐視，一任英國之自由處分，不加干涉，其背景各安在？

(一)當時以安南事件中法媾釁，彼此無他顧之暇

(二)英軍自出師以來，不及三週，即佔領緬甸全境，以迅雷不及掩耳之軍略，令人雖欲援亦不可得。故英政府，不過第三者之干涉，從容得達合併緬甸之目的。

雖是年——光緒十一年——而中法戰爭告終，然我國自與法開戰以來，兵勞財困，朝野寒心，將士無再戰之勇，不敢再起釁端，故除將緬甸拱手讓於英人外，實別無長策。——光緒十二年二月英政府合併上下緬甸，五月以緬甸編入英領印度後，我政府始命駐法公使曾紀澤氏，提出何條件，以與英政府抗議？

四十 光緒十二年六月二十三日，締結之中英緬甸北京協約，其全文共有四款，各係何



條件？光緒二十年正月二十四日，我國駐英公使薛福成與英外務大臣羅斯伯里在倫敦締結滇緬境界及通商條約二十四款，結果中國方面損失之領土，共約若干方里？滇緬之通商稅則如何規定之？——中國對於緬甸輸入之英貨或緬甸土貨，照海關稅則減輕十分之三征收進口稅。中國土貨之輸入於緬甸者，照海關稅則，減輕十分之四，征收出口稅。

IV 暹羅獨立

四十一 暹羅立國於何河之流域？立國之初分爲那兩部？至何時何人始統一之？——暹羅舊分暹與羅斛二部，當元之季世，有孛羅達怡菩提者始統一之。

四十二 暹羅與緬甸世仇，當明世宗時見敗於緬甸遂臣屬之。然至明神宗時緬甸爲明所敗，暹羅乃乘機而起，脫其羈絆獨立，宜可以大有爲矣，願其內亂不絕，以致政權常爲留寓該地之外僑所掌握，其故安在？——以其王位繼承法由於兄弟相及故。



四十三 乾隆三十二年，漢人鄭昭何故得王於暹羅？鄭昭稱王暹羅者共歷幾年，即被刺身死？鄭昭被刺，鄭華繼為暹羅王，鄭華之受冊封，在乾隆何時？

四十四 暹羅之新舊都城各何名？各在何處？暹羅王庫胆隆昆於紀元A B一八六四年即清同治三年即位後，對於國政如何刷新勵精圖治？

四十五 光緒十九年，關於暹羅之英法協約，其內容有何規定？至光緒二十二年，英法兩國在暹羅之勢力範圍又協定如何劃分？——以湄南河西部為英國之勢力範圍，東部為法國之勢力範圍，各於其範圍域內自由行動。

四十六 後印度半島之古國有三，曰緬甸，曰安南，曰暹羅，皆中國舊藩也，自列強殖民競爭以來，緬甸亡於英，安南并於法，惟暹羅者則屹然獨立以至於今，其背景安在？

第十章 中日戰爭

中國近百年史問題研究



(一)朝鮮之與中國有那四種密切之關係？朝鮮乃中國之屬藩也，後何故一變成爲日俄角逐之場，致釀成中東日俄兩次大戰？

(二)當朝鮮王李熙在位，其父興宣大院君執政，持鎖國主義，排外政策，遂與法美日本迭起交涉，諸國以我國爲朝鮮之宗主國也，交涉之初，來相質問，而清政府之外交當局，一則曰『朝鮮非我屬國，』再則曰『朝鮮雖奉中國正朔，而宣戰媾和則一任該國自理，中國向不干涉。』三則曰『中國對於高麗雖與冊封及正朔，然其內政與和戰則皆歸高麗自主，與中國無關係。』如斯措詞，有何失策？就當時清之國勢時局而觀察之，掌外交者所以如斯應對，亦有何理解？——清自英法聯軍陷北京以來，內政紊亂異常，恐再啓釁於歐美各國，故遇事不免委卸。況此問題又不發生於境內，而發生於附庸之邦，因設此不負責任之言，以爲應付外交之妙腕。不知朝鮮宗主權，即於此寥寥數語中而斷送無餘矣。



，惜哉！

三 光緒元年日韓締結之江華條約，其內容係何條約？就該約之內容而觀察之，當時日本對於中韓之外交，抱何政策？——其外交政策蓋有三層。

(一)日本自認韓國爲獨立國，以後便可直接與韓國交涉，斷絕中國一切干涉。

(二)使韓國以獨立自主之名義，漸與中國分離，以破壞中韓之宗屬關係。

(三)乘韓開國之初，以獨立之名義代爲介紹於世界，以破各國之中韓宗屬觀念。——而清廷之對該約如何處置？

四 日韓江華條約既結，日本兵力漸及東亞大陸，李鴻章乃以何政策以殺日人西漸之勢，思以亡羊補牢？自光緒六年至十二年朝鮮與歐西何國先後締結通商條約？

五 朝鮮親日派之緣生有何原動？——日本雖以朝鮮爲獨立國，介紹於世界，然朝鮮則仍認中國之宗主權，西歐諸國亦公認中韓之宗屬關係。日本乃再爲第二步之計劃，陰



植勢力於韓土。於是朝鮮乃有親日派之發現——韓之親中親日兩黨各以何人爲首領中心？該兩黨之政見主張有何不同？

六 光緒八年，朝鮮舊黨發難以顛覆親日派，溯其遠因起於兩黨政見之不同，固矣。然考其時緣亦有那三大導線？——

(一) 時維新黨求效過速，被裁兵士多懷嗟怨。

(二) 以冊立太子妃於閔家之故，以致舊黨之激發。蓋閔家爲王妃所自出，今太子妃又選自閔家，則閔族聲勢益赫奕，殆不可抑制。

(三) 斯時隱退之大院君，見國勢日趨於日本，閔氏專政，同志退朝，久鬱思逞。乃糾合黨羽，謀恢復勢力。——此次兩黨之傾軋有何結果？

七 光緒八年，朝鮮之事變，李鴻章以何方法收拾朝鮮之亂局？

八 光緒十年，朝鮮新黨金玉均朴泳孝之變亂，其原因由於何人之鼓喉煽惑？是變也，



有何結果？金朴事變後，於光緒十年十二月，締結日韓恢復和平條約，光緒十一年三月中日亦締結天津條約，雙方之全權代表各是何人？中日天津條約，是斷送朝鮮之一重要關鍵，其故安在？

九 中日天津條約締結之明年，中國遣大院君歸國，任袁世凱總理韓國外交事宜，舊黨得勢時，新黨黨魁金朴等皆逃□日本，日人厚庇之，宜無危險矣。然金玉均於何年月日在何地被何人銃殺身死？——光緒二十年即紀元一八九四年二月二十八日午後三時，在上海東和洋行被韓政府派遣之刺客洪鍾宇刺殺。——金玉均被刺後，上海列國領事經駐北京列國公使，請於總理衙門，要求對於金氏的遺體與刺客洪鍾宇如何處置？——要求處洪鍾宇以相當之罪，而勸韓國政府對金玉均遺體不加凌辱為條件，送還韓國。然李鴻章則不認洪鍾宇為非行。遂將金玉均之屍體及洪鍾宇以軍艦送歸韓京。韓政府得金玉均屍，擬大逆不道罪，斷其四肢，梟首於漢江楊華鎮，而大賞洪鍾宇之功。



——金玉均之被刺事與日韓之感情，中日之衝突各有何關係？

十 釀成中日戰爭之原因時緣，概言之各是何問題？

A 遠因

(一) 日本欲借一戰之力以奪取中國對朝鮮之地位，此中日戰爭之根本遠因

(二) 中日天津條約締結後，中國對於朝鮮欲實行屬邦之待遇，積極干涉朝鮮之外交，對於朝鮮之宗屬關係，日益進步。

(三) 光緒十五年，朝鮮咸鏡道發布防穀令，禁止穀物輸出。日本以爲是歲朝鮮豐收，力爭數年，始得償金十一萬元，益增嫌怨。

(四) 金玉均被刺事件，日本輿論囂然不平，日韓感情益惡，中日衝突愈烈。

B 時緣——東學黨之倡亂，乃中日戰爭之時緣。

十一 何謂東學黨？其黨魁是何人？該黨黨綱抱何宗旨目的？——東學黨即朝鮮國學之



義，以地理的關係，中國乃稱之謂東學。其宗旨在排斥西教，振興東學；其目的在明人倫誅污吏匡政府之秕政，求免生靈於塗炭，欲借清君側，以大行改革。——是亂也，日本實遣少壯軍人策士一團，即天佑神團入朝鮮以助成之，日本之所以出此，其目的安在？——其目的在糜爛朝鮮半島，以啓中日兩國戰端。

十二 東學黨之亂，中日兩國何故皆決意出兵？各任何人將兵抵朝鮮？迨中日軍抵朝鮮，東學黨人有何結果？

十三 東學黨亂平後，日本猶不撤兵，且提出中日兩國共同改革朝鮮內政案三款，其內容各是何規定？我總理衙門對於日人之該項提案，如何答覆？日人之所以不肯撤兵，其用意安在？

十四 中日開戰之先，李鴻章氏何故出兵遲遲，坐失時機？俟日本先發制人？當時歐美列強有何國出任調停，忠告日本？



十五 中日將戰之際，我國之海陸軍隊，成何狀況？甲午之役，我國之海陸軍各有何結果？

十六 甲午之戰，我國之海陸軍完全失敗後，願以承認朝鮮獨立，與賠償軍費為條件，商懇英俄法美諸國出任調停，然此項條件日政府則拒而不納，其用意安在？

十七 中日媾和之初，清廷委任德璫琳為媾和專使，携李鴻章致伊藤博文之照會，航抵日本，結果伊藤博文拒絕會見，持何理由？——以德璫琳為李鴻章個人之代表，無代表交戰國之資格。又以李鴻章之照會。為個人之私函，不足以代表中國政府，故拒絕會見。——德璫琳既被拒絕，清政府遂改派張蔭桓邵友濂為全權大使，齎國書赴日議和，其結果而伊藤氏則又不承認張邵二人有全權資格，不與談判，其故安在？——其故有二

(一)張邵二使所齎之國書，其內容未載明談判之事項及該大臣有締結條約及調印之



全權。

(二)日本以張邵兩全權，人微言輕，故不樂晉接。

十八 張邵兩代表被日人拒絕後，清政府乃改派李鴻章爲頭等全權大使，赴日與伊藤博文會議於馬關。光緒二十一年二月二十四日，第一次會議，李鴻章先要求停戰，而日代乃提出何條件以爲停戰之質？李全權以日人所提出之停戰條件過苛，乃更要求暫置休戰問題，直入講和談判，而日代則更以何法相劫持？——日全權謂『若撤去休戰條件，則需繼續軍事行動。』

十九 李鴻章在日本被刺，彈中左額，時在光緒何年月日？暴徒是何人？鴻章被刺受傷，日本天皇遣御醫診治，皇后且賜御製綳帶，待遇鄭重，儀式優隆，且許以無條件停戰，其故安在？——蓋李鴻章被刺之號外一出，中外皆驚，斯時若鴻章以負重傷爲辭，歸國中止和議。一方咎日本之行爲，一方慫動歐美各國，誘使干涉。則日本對中國



之要求，有不得讓步者。故日本兩全權，以爲儀式優隆待遇之外，尙須與中國以實際之利益，以滿李全權之心。故許以無條件停戰。

二十 中日馬關條約之締結，時在光緒何年月日？該約之內容共十一款，撮其要件我國如何割地賠款開口通商？對於朝鮮問題是如何規定之？

二十一 馬關條約締結後，俄德法三國乃聯合脅迫日本反還我遼東半島，脅迫之結果，而猙獰鄙吝之日人，亦俯首聽命焉。其故各安在？日人反還遼東，我國加增培款若干？

二十二 台灣舊隸福建，自光緒何年始改建行省？馬關條約成立，而割台議起，台民乃謀獨立爲民國，主謀者是何人？當時台人的心理，原擬借何外援以促成獨立？割台之役，台灣兵敗後，唐景崧劉永福各有何結果？——唐內渡歸老於廣西之桂林，劉內渡歸老於廣東之欽州。

二十三 馬關條約許『日本臣民在中國各通商口岸得任便從事各項工業製造，所造之貨



物與舶來品有同一之特權及許可』此條與中國之關係特深，比割地賠款遺禍尤大，實爲我國工商業無由振興，國民經濟無由發展之一最大關鍵，其原因安在？

二十四 中日戰後，日本在中國之何處新設專管租界區域？按高博彥編中國近百年史謂中日甲午之役，對於後世之關係有那三端？

### 第十一章 列強在中國之競爭

一 中日甲午戰後，列強對華抱何政策？

二 中日甲午之役，李鴻章銜命赴日議和時，先與駐京俄使喀西尼 *Cassini* 有何秘密私約？——謂俄國若能干涉日本侵略中國，則中國當與俄國以相當報償——後俄國主動，聯合德法強迫日本返還遼東是否由於此項私約爲其惟一之原動？

三 俄皇尼古拉斯二世於何年月日行加冕典禮？——一八九六年五月二十六日，即光緒二十二年四月十四日——當日駐京俄使喀西尼氏，以何方法運動清政府委派李鴻章爲



赴俄賀使？此次李之赴俄，秘密中銜有何特別之使命？

四 光緒二十二年，李鴻章赴俄都賀加冕時，所締結之中俄密約，中俄兩國，均未公布，按宣統二年二月十五日倫敦日報所披載之中俄密約六款，與中俄密約締結之年——光緒二十二年——上海字林西報所披載之中俄喀西尼密約十二款，核其內容，約言之各是何性質？

(一)倫敦日報所披載之中俄密約六款，其內容之精神，酷似中俄攻守同盟。

(二)上海字林西報所揭載之喀西尼密約，其內容之精神則假援助中國共防日本之名義，使滿州全境成爲俄國之勢力範圍。

五 華俄道勝銀行之契約與東清鐵道會社條約，其締結各在光緒何年月日？——(一)在二十二年七月二十日。(二)在同月二十二日

六 中俄密約，中國所受之最大損失，有那兩端？華俄道勝銀行，是以經濟手腕侵略中



國之機關，就該銀行規定，對於中國之業務條例中，有那五大證明？——華俄道勝銀行契約五款之外，旋草華俄銀行條例九章，共數千言，其第二章銀行業務之第十項，規定對於中國之業務如下。

(一) 領收中國內之諸稅。

(二) 經理地方與國庫有關係之事業。

(三) 鑄造中國政府許可之貨幣。

(四) 代還中國政府募集公債之利息。

(五) 布設中國境內之鐵道電線。——綜此數條之精神，凡中國之財政經濟事業，無不壟斷之，殆與本國之國家銀行無異。

七 膠州灣乃我國最良之一軍港，其天然之形勢，由於那兩山角環抱而成？該灣之租借權，在中俄密約中已許與俄人，當時俄政府何不遽而佔有？德人之租借膠州灣，其背



景有那三端？光緒二十三年十月二十日，德之兵艦三艘突佔膠州灣，以何問題爲口實導線？時青島守將是何人？事前有無軍事防禦之計劃？

八 光緒二十四年二月十四日李鴻章與駐京德使簽定之膠澳租借條約三章七款，其內容之要件，如租期之年限，鐵路之建築，鑛山之開採，各如何規定之？

九 九十九年之租借地，按國際公法言之，與實行領有者有無多大區別？膠澳租借與德國之後，山東全省悉成德國之勢力範圍無論矣，結果而德人在華之勢力何故又得膨漲於山東半島範圍之外？

十 光緒二十三年十一月二十五日，俄艦入旅順，強迫租我旅大，持何理由？光緒二十四年三月三日，俄租旅大條約成立，對於該兩港之租借期，南滿鐵道之建築權，各如何規定之？

十一 俄租旅大後，俄人在中國的勢力範圍不僅限於遼東半島，且橫跨山西省直達洋子



江流域，與英國的利益範圍起衝突，俄人勢力之膨漲所以及此，其原因安在？

(一)由於京漢鐵道借款——光緒二十四年五月，鐵道督辦盛宣懷與俄比合股公司締結契約，規定自保定至漢口之鐵路建築費，由華俄道勝銀行出資，而該銀行即得承辦該鐵路之權。

(二)由於正太鐵路借款——光緒二十四年，山西商務局復借華俄道勝銀行款六百八十萬兩，修築正太鐵道，議定二十五年期內不能還清，則該銀行有代管該鐵路之權。——於是俄國勢力遂直達揚子江流域，橫跨山西省。

十二 英國見俄人將蹂躪其長江流域勢力範圍，乃以何法抵制之？——中英締結關外鐵道借款契約，以二百三十萬磅借與中國，建築自山海關至新民屯與牛莊之鐵路，而以關內外鐵路作抵押品，借此以斷俄之東清鐵道與京漢正太二路之聯絡，以阻俄國馳騁北部數省之勢。



十三 光緒二十五年，於俄都聖彼得堡締結之英俄協約，其內容劃分中國之何處爲英國建築鐵路之範圍區域？何處爲俄國建築鐵路之範圍區域？

十四 法國租我廣州灣，約言之有那三大背景？廣州灣租借契約之成立，時在光緒何年月日？租期定若干年？法租該灣後，其勢力之範圍直括有何區域？

十五 英國之租威海衛與九龍半島也，各以何事爲口實？租借條約之成立，各在光緒何年月日？——租威海衛在二十四年五月十三日。租九龍在同月十八日。——租期各限定若干年？自光緒二十二年至二十五年此期間英人幾將中國精華富庶之區，盡劃入勢力範圍之內，約言之其攬得之特權可概分爲那五端？

(一) 鐵路建築權。

(二) 港灣租借權。

(三) 土地優先權。

(四) 通商權。

(五) 總稅務司一職之壟斷權。

十六 甲午戰後，福建與日本發生何特別之關係？光緒二十四年，駐京日使矢野氏，照



會我總理衙門，要求永不許將福建及沿海一帶割讓或租借與他國，借何理由以爲措辭？

十七 三門灣在何處？光緒二十五年，義大利遣將督地中海艦隊東來，要求租借三門灣，無成而罷，其背景安在？——當時英法德日諸國，對於義大利之要求租借三門灣，事先雖表同情，然英附言「希望勿用兵力」義大利既不使背反英政府之附言，又未敢輕視我海疆之戒備，——時我國於江浙一帶，鎮守重兵，以備決裂。——故自取消其最後通牒而罷。

十八 英俄德法紛紛租借我沿海各軍港後，其勢力範圍彼此有何衝突之點？列強在中國劃分利益範圍，與美國對華工商業之發展，有何障礙？

十九 美國政府主張開放中國之門戶，其用意有那三端？光緒二十五年八月至十一月美外長赫伊 Gohn Hay 先後向德法俄日義六國發出之開放中國門戶宣言，其內容有何規



定？此項宣言得各國同意之後，中國之形勢有何變遷？

二十 中國所以未被瓜分，論者有那兩種見解？

二十一 關於租借地租界及勢力範圍與優先權之問題討論。

I 租借地

I 各國在華之租借地及其租借條約成立之時期，與租借之年限試用一表括出之。

2 中國決意收回租借地所根據之理由。

(一) 就事實與法律上言之，租借地之主權仍在中國，與割讓者性質不同，更不能謂與割讓者相似。

(二) 各國要求租借我國之沿海港灣也，無非為造成均勢起見。所謂均勢者，非指中國與他國而言，乃各國在華爭謀權力利益彼此抵制之謂。蓋當時滿清失政，中國有分裂之虞也。二十年來，情形大變，德人勢力既已剷除，而擾亂遠東之重



要原素已不復存在。且國際聯盟既已成立，華盛頓軍備會議！太平洋遠東問題會議又告成功，侵略戰爭，俱已杜絕，此後更無維持遠東均勢之必要。

(三) 違反中國領土之完整——各國在華之租借地，俱在形勢扼要之處，不特為中國國防之障礙，且不啻於一國之中另立多國，實有以危及領土之完整。况租借各國之利益每不能相容，往往自起紛爭，累及中國，而以彼此戰爭時為尤甚。

——如日俄之戰，蹂躪外三省。歐戰之役日本奪取青島屠毒山東，是其例也。

(四) 違反中國開放門戶主義——各國租借地，往往用以為壟斷附近地方經濟權之張本，而為勢力範圍之起點。故與中國工商業門戶開放之原則，殊有損害。

(五) 租借地退還後，中國政府願擔負一切之善後責任——關於保護租界內業主之權利及治理退還地方，為各國租借地退還後應有之義務，此中國政府所深知，且願完全負擔者。



3 日俄之戰之結果，於一九〇五年竟以旅大租借權轉歸日本承繼，與旅大租借之原約有何違反？民國四年中日二十一條密約中，又改訂旅大租期為九十九年，然自華盛頓會議後，中日二十一條約尙有無效力？

4 民國十年，華盛頓會議，英法代表各如何聲明情願退還在華之租借地？

(一) 法國聲明——『法國準備附和各國在華租借地之共同歸還。但此項原則實行時，所有私人之權利應加保護。其歸還之條件及時期，則由中國政府及各當事國政府以協定解決之。』

(二) 英國聲明——『英國有意照法國所述之精神，將威海衛交還中國』在該會中而中日旅大問題有結果？

## II 租界

5 外人在華有租界，起源於何項條約？外人在華之租界及居留地，總計之共有多



少處？按租界之性質而類別之，可概分爲那四種？

(一) 專管租界——如上海之法租界，市政由一國支配，但中國之領土權，則仍舊存在。

(二) 公共租界——如上海之公共租界，租界內一切事宜，由各國共同管理。

(三) 自開租界——如長沙岳州等處，市政全由中國人辦理。

(四) 默許租界——未經要求，而强行開部，事後中國亦未曾反對

6 外人在華得設租界，中國方面，受何損害？

(一) 中國人民居住于租界地者，中國政府不能施其裁判之權。

(二) 租界雖爲中國之領土，而中國之軍隊則不得經過。則是租界之外國長官，已不

承認中國之主權。——綜此兩端之結果，故租界地不啻於一國之內另設一國，

於領土主權大有妨害。



7 中國決意收回租界，根據之理由。

(一)就中外人民之心理方面而觀察之，已無維持租界制之必要。

(二)中國近來地方自治大有進步，如租界收回，儘可担負切實治理之責任。

(三)近來中國不特於條約上增設通商口岸多處，且在內地自闢商埠，以便中外通商

——如濟南——外人須服從中國地方及警察章程，與中國人無異。結果中外相安，亦無弊病。

8 現在何國在華之租界地已被中國政府完全收回？各國自動交還租界者，以何國為嚆矢？民國十六年一月二十八日，英使赴北京外交部談英國對華之新提案，其內容對於租界問題有何聲明主張？——明白聲明交還租界，至租界收回後之

官吏，則提議兩種辦法

(甲)租界行政由委任之中國官員主持管理。



(乙)租界行政由委任之中英官吏共同管理。——外部主張取甲種辦法，英公使亦表示允許。

### III 勢力範圍

9 勢力範圍，乃帝國主義者之一種侵略政策，國際公法學者好爾 H. H. 氏對於勢力範圍一名詞，下何定義解釋？——『勢力範圍，乃指定一土地，或因地理上之連接，或因政治上的作用，與一強國之領土或被保護國，有一種特別之關係；但尙未能視為統治之目的物。即以施行於被保護國之最有限制之一部分統制權，亦不能公然施行之於該地。勢力範圍，不過代表一種同意，使一國家於與其國有關係之重要土地，如就政治論，或為已有殖民地前途發展之必需；就軍事論，或可阻止敵國利用為軍事要點，得限制其他國家在該境內活動而已』——外人在中國境內劃定勢力範圍，肇始於一八九七年中國允許法國海南島不割讓



於他國之要求，嗣後各國接踵效尤，如英俄德法日本諸列強，遂各劃定何地以爲其勢力範？

IV 優先權

IO 列強在華有優先權，中國方面受何損失？——『所謂優先權，大抵是限於經濟方面的，中國向外國借債，往往有續借優先權，供給材料優先權，優先抵當權等等。其弊害則爲妨害中國之自由。蓋借債者借債，當然擇其利息便宜，條件較寬者而借之，一有續借優先權，則無論如何不能自由向他人或他團體借款，故與壟斷者無異。況供給材料優先權，優先抵當權等，對於中國將來之實業發展更大有妨害。』——此章可參看中國近代外交概要第四章，不平等條約的研究第三章

第一編下

變政時期

自戊戌變法至清帝退位。



## 第一章 戊戌政變

一 清光緒與康梁等之戊戌變法，約言之有那四大背景？在戊戌變法以前，曾國藩李鴻章即維新洋務矣，然行之數十年，而國勢孱弱如故，其原因安在？——其故在變法而不知其本。○同治初年，德相卑士麥曾語人曰『三十年後日本其興，中國其弱乎。○日本人之遊歐州者，討論學業，講求官制，歸而行之。○中國人之遊歐者，詢某廠船礮之利，某廠價值之廉，購而用之，強弱之原，其在斯乎。』——戊戌之康梁變法與前此之維新洋務，其對外之認識有何不同？

二 清末變政時期，康梁與孫黃等之政見主張，有何不同？

三 光緒帝毅然決意變法，固由於時勢環境交迫使然，然與帝師翁同龢亦有何關係？康有為自光緒十五年以後屢上書清廷請變法圖強，然均格不得達，直至何時始被詔見於頤和園之仁壽殿？——光緒二十四年四月二十八日——德宗任用新黨，實行變法，數



月之間，新政並舉，撮其綱要，於教育，軍事，實業，吏治，諸方面各有何改革？

四 光緒帝進用新黨，銳意變法，而一般親貴大臣及那拉氏，何故皆不悅之？

(一) 諸親貴大臣，以帝進用新黨，不利於舊黨，乃日短帝於太后前。由是宮庭之間，嫌隙遂起。

(二) 帝性嚴峻，遇左右宦者，無少假借，總管李蓮英尤嫉帝甚；乃共爲讒間，慈禧遂謀廢帝。

五 慈禧太后擬廢光緒之謀，先決於何時？——康有爲之詔見，在光緒戊戌四月二十八日，一切新政之推行，皆在二十八日以後。然四月二十七日帝師翁同龢即見逐，以榮祿爲直隸總督兼任軍機，西太后見大臣，異日訓政廢立之謀，即定於是。內則軍機大臣禮親王爲榮祿之姻家，剛毅爲榮祿之羽翼。外則北洋三軍董福祥聶士成袁世凱爲榮祿之腹心。舊黨網羅既佈，視帝與新黨如釜底游魚，專待津門閱兵，以圖大舉矣。



六 光緒戊戌七月二十八日，帝赴頤和園請命見斥於西后之後，即密詔康有爲速設法相救，而康等奉詔後，即從何事帷幄運籌，以圖保光緒之帝位？——擬借袁世凱之兵力以抗舊黨。○八月初三日夕，譚嗣同逕造袁氏所寓之法華寺，直詰袁曰，『君謂皇上何如人也？』袁曰，『曠代之聖主也。』譚曰，『天津閱兵之陰謀，君知之乎？』袁曰，『然，固有所聞。』譚乃直出密詔示之曰，『今日可以救我聖主者，惟在足下，足下欲救則救之。』○又以手撫其頸曰，『苟不欲救，請至頤和園首僕而殺僕，可以得富貴也。』○袁正色厲聲曰，『君以袁某爲何如人哉？聖主乃吾輩所共事之主，僕與足下同受非常之遇，救護之責，非獨足下，若有所教，僕固願聞也。』○譚曰，『榮祿密謀，全在津門閱兵之舉，足下暨董鼎三軍，皆受榮祿所節制，將挾兵力以行大事。○然董鼎則不足道也，天下健者惟有足下，若變起足下以一軍敵彼二軍，保護聖主，復大權，清君側，肅宮庭，指揮若定，不世之業也。』○袁曰，『皇上於閱兵時疾馳入僕營，傳號令以誅奸賊，則僕必



能從諸君子之後，竭死力以護救」。譚曰：「榮祿遇足下素厚，足下何以待之？」袁笑而不言。譚曰：「榮祿乃操莽之才，絕世之雄也，待之恐不易易」。袁怒目視曰：「皇上若在僕營，則誅榮祿如殺一狗耳」。因相與言救帝之條理甚詳。袁曰：「今營中槍彈火藥皆在榮賊之手，而營哨各官亦多屬舊人，事急矣，既定策，則僕急須歸營更選將官，設法備貯彈藥則可也」。乃叮嚀而去。時已夜深漏三下矣。

七 光緒戊戌八月初一日，上詔見袁世凱，初二日又詔見袁世凱不次擢拔，受密謀重託，而榮祿等乃造何蜚語，調袁氏離京赴津？——三次急電總理各國事務衙門，言英俄在海參崴開戰，英艦七艘泊於天津，請飭袁世凱返津防禦。

八 光緒戊戌八月初六日，慈禧由頤和園回宮，三次垂簾聽政，幽廢光緒帝於南海瀛台，按當時所發布之詔諭，是用何名義？——自戊戌四月以來，北京謠言極多，皆言德宗病重。初言病淋症，繼言病腹瀉，繼言患遺精，繼言患咳嗽；皆云自內務府太醫傳



出，確鑿有據。或言張蔭桓進紅丸，或言康有爲進紅丸，亦皆言之確鑿。此皆西后與榮祿有意造此等謠言，以爲他日弑害光緒，即坐康等有爲進紅丸所弑，急帝之罪也。故政變之日，北京即有電旨往上海言「光緒帝已崩，係康有爲進紅丸所弑，急速逮捕，就地正法云云」。此電旨上海道持以告各國領事，請其協拿，英領事親見之。

九 戊戌政變，康梁各亡命何處？試述戊戌殉難六君子之籍貫姓名。

(一) 康廣仁，名有溥字廣仁，以字行，號幼博，又號大廣康有爲之同母弟。

(二) 楊深秀字漪邨又號普二子，山西聞喜縣人。

(三) 楊銳字叔嶠，又字鈍叔，四川綿竹縣人。

(四) 林旭字暎谷福建侯官縣人，康有爲之弟子。

(五) 劉光第字裴村，四川富順縣人。

(六) 譚嗣同字復生，又號壯飛，湖南瀏陽縣人。



十 光緒被幽瀛台之後，新政如何推翻。舊政如何復施？光緒被幽瀛台，慈禧原擬乘是廢立，而結果則終不可能者，其故安在？

十一 光緒二十五年，慈禧立溥儀爲大阿哥，其用意安在？此謀原出於何人？

十二 戊戌政變後，仇外運動何故突起？

十三 戊戌政變以前，康梁等君憲之說大得勢力，革命主義不得暢行。迨政變以後，而海內志士則多從事於破壞主義，孫黃等革命思潮，澎湃洶湧不可遏抑，前後如是不同，其故安在？

十四 何謂『公車』『通籍』『章京』

（一）公車者，官車也。亦漢時官署名。漢書張釋之傳『上拜釋之爲公車令』。後漢書丁鴻傳『詔徵鴻至，賜御衣及綬，稟食公車』。蓋漢時應徵之人，皆由公家以車遞送，卽古之所謂乘傳，清之所謂馳驛也。公車署爲公車所在地，因以爲



名。清時舉人入京會試，稱公車，本此。

(二)通籍——仕宦新進稱通籍。

(三)章京——乃滿洲官名，清代凡都統副都統以至各衙門辦理文書之員，多謂之章京。如都統稱固山章京，副都統稱梅勒章京。總兵稱按班章京，以及軍機章京，總理衙門章京之類皆是。

## 第二章 義和團之亂，八國聯軍破北京

一 考義和拳是何教支派的流衍？原起於何處？

二 自滿清入關以來，秘密結社之反動機關不時有之，然在光緒紀元以前，從未有殺外人仇外教者。而光緒庚子之義和拳，則以仇殺洋教爲名，迥異往昔，其故安在？

三 庚子拳亂之所以釀成，約言之在心理方面與環境方面各有何背景原因？

A 在心理方面者有二



(一)排外的心理——是由於歷來科舉策論家『尊王攘夷』說之影響流弊。

(二)迷信心理——根於國人素無科學精神，故覺神佛萬能，茫昧迷信。

B 在環境方面者亦有二

(一)由於外力壓迫之反動。

(二)戊戌政變，新黨失敗之結果。

四 義和拳原起於山東，後何故盡竄於燕晉？庚子之義和拳，有所謂坤字拳者不詳所自

，其餘若乾字坎字震字諸拳各是何人的餘孽？各蔓延於京津一帶之何地？——乾字拳

由景州蔓延於深州冀州而涿州而定興固安以入京師。震字拳見諸永定河南岸，坤字拳

見諸京西，從者蓋鮮。惟坎字乾字勢最大。——習拳者多謂有神附體，其所謂之神，

則以何爲依據？——其所依據者則西遊記封神傳三國演義綠牡丹七俠五義諸小說，與

舞台上所常演之劇也。



五 光緒庚子四月中，拳民在直隸境內殺教民戕官軍，燬車站斷鐵道電線以絕交通，按之法律宜殺無赦，而直督裕祿何故皆優容之？拳民妄人無異兒戲，而那拉氏載漪等乃獎爲義民給國帑十萬兩，擬利用之以掃除外人在華之勢力，此等可笑可憫，可歌可泣之心理之釀成，有何背景？

六 光緒庚子，北京正陽門外數千家殷實商店之被焚，日使館書記生杉山彬與德公使克林德之被戕，各在何月日？戕殺杉山彬克林德者各屬於何人部下之兵匪？

七 庚子拳亂，董福祥督兵匪數萬圍攻東交民巷之公使館也，然時駐衛使館之外兵，僅有五六百人，然圍攻八星期而不能克，其故安在？當時舊黨諸臣紛紛獻何奇策以攘外人？——尙書啓秀言五台山僧普濟有神兵十萬，請詔入京會殲逆夷。知府曾廉編修王龍文則陳請用決水灌城法，引玉泉山水淹灌使館。李秉衡則請縱火翰林院借以延燒使館。時上書言神怪似此者約百數十人，此特舉其例耳。



八 光緒庚子五月，英將西摩爾督八國陸戰隊四千餘人沿京津鐵道北上，擬來京保衛使館，中途有何障阻不得直達京師？至何月日始得全軍回天津？

九 大沽口之礮台共有幾座？成何位置？庚子之役，該礮台之失陷，與清政府對八國聯軍正式宣戰，各在何月日？

十 庚子聯軍之役，日本欲先派兵來華平亂，然不直接行之，必巧誘英國勸請，其用意安在？——既取得英國政府担保軍費之提議，復免去德俄兩國之猜忌——八國聯軍於何月日攻陷天津？當時天津方面，中國軍隊雲集，兵力甚厚，何故終不免於失陷？天津之役聶士成之所以戰死，與拳民有何關係？天津失陷後，而直督裕祿有何結果？——走北倉自殺

十一 天津敗報至北京，慈禧擬用何方法促成和議？——  
(一)命榮祿護送各國公使往天津，以阻聯軍北上。



(二)授李鴻章爲全權大臣，命電商各國先行停戰。

(三)電令駐英俄日本三國使臣楊儒羅豐祿李盛鐸分遞國書求三國調停戰爭。

十二 聯軍進逼北京之際，禍首諸親貴氣焰轉熾，載漪等之慘殺袁昶許景澄立山聯元也，各誣以何罪名？

(一)吏部侍郎許景澄太常寺卿袁昶凡三次上書請勦拳匪懲禍首。載漪剛毅甚惡之。及長江水師大臣李秉衡到京，奏言捕獲信差，搜出景澄通夷信據。又太后前寄各省密諭，命其但遇洋人即殺，勿使漏網。近聞陝西撫臣端方河南巡撫裕長及蒙古各處所奉諭旨，凡「即殺」字皆係「保護」字。今察出爲袁昶許景澄所竊改。○慈禧大怒謂「二人胆敢擅改諭旨，此何異趙高之所爲，應車裂以殉」大學士王文韶力諫，始改命立斬。

(二)戶部尙書立山之廨宅鄰於法國教堂，載瀾誣其挖地道以接濟洋人食物。內閣學



士聯元崇綺謂其與袁昶同黨，遂皆被殺。

十三 直督裕祿既敗死，李秉衡自告奮勇督師與聯軍大戰於河西塢，有何結果？是役也，拳民三千，擁何八寶法器以敵聯軍之新式槍械？李秉衡之仰藥自殺，與通州之失陷，各在何月日？——擁引魂旛，混天大旗，雷火扇，陰陽瓶，九連環，如意鈎，火牌，飛劍，八寶以行。七月十四日至河西塢連戰敗績，死者十之五六，潞水爲之不流。秉衡走通州，聯軍又進據通州。十八日秉衡走至武清之馬頭兵潰仰藥死。聯軍陷通州時，獲得粳米五萬石，火藥兵器無算。

十四 庚子之役，八國聯軍破北京時，各國之軍隊各由何門入城？既入城後，如何劃區分守，設民政督治？——七月二十日午後一時，英軍首先由廣渠門入。午後十時，日軍炸裂東直朝陽二門如潮湧進。七月二十一日，午前一時，俄美軍由東便門攀壁登城。○惟法軍在後，於二十一日天曉乃入城。——京師陷於聯軍，兩宮出奔何處？兩宮出



走之路線與其沿途之經歷，能否約略述之？兩宮車駕不留於太原而必遠幸西安其故安在？

十五 庚子之役，俄羅斯藉何事爲口實，大舉南侵佔領東三省？俄既佔東三省，更欲進據關內外鐵道以窺京師，聯軍忌之，乃以何法防之？

十六 庚子之役，何省罹禍最深？而東南數省則安堵如常，不被蹂躪，其故安在？

十七 八國聯軍駐北京之際，何國之軍，嚴守紀律？何國之兵，恣意騷擾？

十八 光緒二十七年七月二十五日，北京和議成，卽所謂辛丑和約是也。該約之內容，共有十二款，約言之我國所蒙之最大損失，有那三端？中國之締約全權代表是何人？該約磋商之際，其中最難解決者是那兩項？八國聯軍之苛求，西后那拉氏至終俱承認之，其萬不得已之苦衷安在？

十九 大學士直隸總督肅毅伯李鴻章卒於北京賢良寺，時在光緒何年月日？



二十 八國聯軍破北京之初，何國欲瓜分中國？何國欲保全中國之領土？

二十一 辛丑和約既成，直隸京津一帶之聯軍與上海之戍兵各於何時撤退？按光緒二十八年三月初一日，即紀元一九〇〇年三月二十六日，中俄締結之滿洲撤兵條約，規定條約調印後分三期撤盡，每期間爲六越月，後俄國不肯照約履行，有何結果？

二十二 慈禧由西安回鑾後，復詔變法，飭行新政，然內外諸臣則泄泄沓沓無認真奉行，其故安在？綜當時敷衍推行之新政，舉其綱要言之，有那八種？其中最關重要者，厥屬何項？

二十三 我國以新法練兵始於何人？袁世凱之練兵小站，時在光緒何年？所練新兵共有若干？其軍制係仿何國？拳亂後自光緒二十九年至三十二年，此期間袁氏練成之新軍共有若干？

二十四 總庚子之役，對內對外所生之影響各有那三端？



二十五 光緒二十八年正月四日，即紀元一九〇二年正月三十日，在倫敦締結之英日同盟，本英人欲利用日本，其結果則英人反爲日本所利用，其故安在？

## 二十六 庚子義和團之尾聲

I 庚子義和團，確是一種民族革命運動，其結果何故使中國民族之地位更加低落，民族之精神更加消沉？——因爲義和團之民族革命運動，不知採取正當策略，故致失敗。至於所以不知採取正當策略，則由於不能認識民族革命之性質。彼等痛惡直接魚肉同胞之教士，却不知教士所以來中國之背景原因。以爲輪船火車是洋人侵略中國之工具，於是殺洋人，戕教民，焚教堂毀鐵路電線以壞交通。殊不知中國不欲抵抗異族之侵略則已，苟欲抵抗異族之侵略，非利用輪船火車發展物質文明不可。義和團於民族革命之對象既未認清，故其運動之結果，慘遭失敗。周佛海先生曰「民族革命，不是籠統的排外，既不是排斥外人，更不是排斥外物，民族革命在打倒妨



礙中國民族獨立自由的整個帝國主義。如果不從此點着手，即能够殺盡在華的洋人，消滅了在華的洋物，不僅不能使中國民族獨立，而且要使中國民族的地位，更加困難』讀庚子義和團之民族革命失敗史，周氏此言蓋有徵矣。

2  
中國民族精神消沉之路徑——按中國人民對外心理變遷之程序，即得悉我國民族精神消沉之路徑。總括言之，中國人對外之心理，最初是『鄙視』由鄙視變成『排斥』，由排斥墮落爲『畏懼』，再由畏懼墮落爲『諂媚』，更由諂媚墮落爲『倚賴』。○當鄙外排外時代，對於歐美之物質文明，常視爲雕虫小技，無足輕重，一般士大夫皆存維持國粹，排斥歐風之心理。○此等『夜郎自大』之心理結果，一方面固然妨礙中國吸收歐美之物質文明，迎合世界潮流，致使中國陷於時代落伍的狀態。○但同時別一方面却能保存獨立自尊之精神，維持中國民族成立自信力。○當單純畏外之時代，只是不敢起而反抗外力之壓迫，迨墮落至倚賴恃外之時期，則不惟不敢反抗外



力之侵略，並不願再作反抗運動矣。自覺歐美民族爲優等民族，吾民族爲劣等民族，彼民族支配吾民族，爲彼民族應有之權力天職，吾民族被彼民族所支配，亦吾民族應盡之義務本分，如果此等自卑而導人不願反抗外力壓迫之心理，逐漸蔓延，以至於普遍，則中國民族之沉淪，必永劫不復矣。

民族革命運動之正當方略。

(一)須喚起民衆，使民衆澈底明瞭中國民族現在所處之地位，促成民族自決。民族精神，乃得恢復。

(二)須利用中國固有之團體，結成堅固之民族。

(三)須恢復中國民族固有之道德與能力。

(四)須採取歐美物質科學之長，以補我國學術之短。

(五)須聯合世界上一切被壓迫的弱小民族，對帝國主義者共同奮鬥。



4 近數百年來中國外交史之分期——可概分爲四期：

(一) 鄙外時期——自明末中外交通至中英鴉片戰役。

(二) 排外時期——自道光二十二年鴉片戰爭南京條約，至光緒二十六年庚子拳亂，八國聯軍入北京，翌年締訂辛丑條約。

(三) 媚外懼外時期——自辛丑條約以至清末。

(四) 運動取消一切不平等條約，一本平等精神另訂新約時期——自民國成立以至現在與將來。

### 第三章 日俄戰爭與中國

一 光緒甲辰日俄之戰，約言之，即日本大陸政策，與俄羅斯遠東政策衝突之產品。然析言之，其勢力範圍衝突之處，厥有那三端？

(一) 朝鮮半島日俄勢力之衝突。



(二)遼東半島日俄勢力之衝突。

A 中日戰後，俄人主動脅迫日本歸遼東半島。

B 庚子亂後，俄人駐屯東三省之兵，不照約撤退。

(三)庫頁島日俄勢力之衝突。

二 日俄之役，日俄斷絕國交與日之對俄正式宣戰，各在光緒何年月中？日俄開戰之初，駐北京俄使雷薩爾氏，乃游說英法美各國公使，冀其出任調停，俄人固怯日耶？何故出此？

三 日俄之戰，中國何故有嚴守中立之必要？夫比利時者歐洲之一彈丸黑子國也，當一九一四年歐戰之初，德以侵法故，強假道焉；而比人堅拒之，雖破國殲軍而不惜，寧爲玉碎，不作瓦全，良爲國家之人格爭也。以無量人衆，無量富源，之赫赫中華大帝國，當日俄之役，外人鬩門我堂奧，而侮我辱我，侵我蹴我，踐我曠我，破壞我國家



之人格，我宜起而干禁之，奈何竟以中立告耶？試暢言其說——光緒二十九年十二月二十七日，清政府之中立宣言，其內容之規定，劃出何區域，以爲日俄兩國交戰之地點？

四 日俄之役，日兵擊沉仁川俄艦二艘，旋派大隊陸軍入韓京，而朝鮮半島遂完全歸於日人掌握中，此韓之社稷淪亡，宗廟邱墟之大關鍵也。然當時麻木不仁之韓政府，則視日軍爲仁義之師，大表歡迎焉。紀元一九〇四年二月二十三日，日韓締結議定書六款，八月二十二日，日韓復訂保護新約三款，親日媚日，搖尾乞憐，一無反動，其故安在？——以日本對俄宣戰詔中有『保全韓國領土之語』於是韓人遂墮其計中，死而不悟。

五 日俄開戰之初，日俄兩軍各定何作戰方略？是役也，日本聯合艦隊司令東鄉與第三軍司令乃木希典之督海陸軍圍攻旅順也，經苦戰多少時間，而該港俄守將斯多羅爾氏



乃自燬其礮台兵艦以降？

六 日俄之役遼陽奉天兩大激戰各在光緒何年月？鏖戰者各歷多少時日？雙方士卒之死傷俘虜各約若干？

七 光緒三十年七月，勃羅的海俄國艦隊三十八艘之長途東征日本也，不趨道於地中海紅海之捷徑，而必遠繞南非好望角，致費九越月之久，始抵安南，其故安在？對馬海峽之日俄大激戰，時在光緒何年月日？是役俄之艦隊一戰殲焉，其失敗之原因，論者有何理解？日俄之役，俄國海陸軍所以節節失敗，不敵日本，就政體地理兩方面而觀察之，各有何背景原因？

八 日俄之役，美總統羅斯福氏，乘何時機，用何名義，勸告日俄兩國直接媾和？——以謀人類幸福，終止戰爭爲名義——當時斡旋日俄和局者，除美總統羅斯福外，尙有無適當人物？——英與日本同盟，法與俄國同盟，德與俄接近；故當時斡旋日俄和局



者，除美總統羅斯福外，無他適當人物。

九 朴子茅斯在何處？日俄朴子茅斯和議之初，日本全權代表提出之媾和條件十二款中有割地償金二項——其原約第五條謂『樺太島及其附屬諸島嶼俱割讓於日本。』第九條謂『俄國賠償日本軍費，其金額還期方法以雙方和議協定之。』——而俄全權代表嚴詞拒絕，而日使亦不能力爭焉，其故安在？——常時之日本以連戰連勝故乃以戰勝者之態度以臨俄國，故要求俄人割地賠款。然俄國以日軍尙未進俄領一步，僅失所獲中國之利益而止，毫不以戰敗者自居。又以媾和之議，非由本國發起，方調大軍進滿洲，以圖繼續作戰。而當時日本之精銳士卒殆盡，悉爲俄國洞知，此日本媾和談判困難之所由來也。——朴子茅斯條約之成立，時在紀元何年月日？——（二）孟世傑著中國最近世史謂一九〇五年九月五日（二）劉彥著帝國主義者壓迫中國史則謂一九〇五年八月二十九日——該約之正文共有十五款，其內容各是何規定？



十 光緒三十一年十一月二十六日，締結中日滿洲善後協約三款，附約十一款，核其內

容之規定，日本在東三省所得之權利，於俄人舊有權利之外，更有何特權之擴張？——

A 屬於經濟方面者有二

(一) 迫我於東三省開十餘商埠，名義上雖為各國謀利益，事實上則殆專為日本開放，以便日本向滿洲為大規模之移民。

(二) 取得陸路通商之最惠待遇——蓋日本久已垂涎俄國之無稅貿易與其減稅貿易之利益，至此乃獲得之。

B 屬於政治方面者，安奉鐵路之經營權，實遺滿洲政治上以無窮之後患者也。先是

俄國恐日本伸張勢力於滿洲，故拒絕滿韓鐵路聯絡。然日本欲圖囊括滿洲，則不能不使滿韓鐵路聯絡。故日俄開戰之初，日本即乘機趕築安奉軍用鐵路，以為異日要求中國許可之基礎。然朴子茅斯和約，限於俄國所獲之中國權力利益讓與日本而止。



○安奉鐵路則在俄國所獲利益之外。當時我國當局，雖竭力爭之，無效，遂遺滿洲無窮之憂。

十一 日俄之役，日本所以獲勝與英日同盟有何關係？日俄戰後於一九〇五年八月十二日，續定之日英新同盟，其性質範圍有何變遷？

十二 日俄戰後，遠東局勢有何新變化？

#### 第四章 清末外力之壓迫 I 英俄窺伺藏滿

一 清自何帝時撫有西藏？清領西藏後，以何政策統治之？西藏自屬中國以後，以迄英俄窺藏以前，該藩於外交上殊少糾葛；迨十八世紀以來，西藏乃成爲英俄交侵之地，就地理方面而觀之，各得何解釋？英俄侵藏所用之政策，有何不同？

二 達賴十三——原名何旺羅布藏吐布丹甲錯濟塞汪曲却勒朗結——自幼即服膺親俄主義，有何緣起？光緒二十五，六，七年間達賴十三與俄皇尼哥拉二世有何交涉往來？



光緒三十年，英兵何故突侵西藏？英兵入藏，達賴十三擬出奔俄國，迨行至甘肅，乃轉赴庫倫，中止赴俄，其故安在？

三 英人經營中亞，抱何主計？英人窺藏，緣起於何時？——乾隆三十八年，即紀元一七七三年——其侵藏政策，自何處着手實施？哲孟雄，不丹，尼泊爾各在何處？英人墟哲之初步，用何方法？

四 光緒二年，中英締結芝罘條約，有何緣起？該約附件，既允英人入藏遊歷，迨光緒十二年，中英緬甸條約英人何故慨允將該條取消？——因英人如約實行入藏遊歷，藏人竭力反抗，中國交涉棘手。乃承認英人得併緬甸為交換條件，英人乃允將入藏條約取消。——該條取消後，英人之窺藏計劃，有何改變？

五 光緒十三年，西藏以兵援哲孟雄抗英之義舉，有何結果？光緒十六年二月二十七日，於加爾各塔締結之中英印藏條約三款，光緒十九年十月，於大吉嶺締結之中英印藏



續約九款，其內容之規定，各有何重要之條件？

六 英俄交窺西藏，互相牽掣，莫敢先發，蓋已久矣。及光緒二十九年英人何故突遣兵入藏，而不虞俄人之干涉？是年之英軍入藏，乃援何事以爲口實？迨英軍進逼拉薩達賴十三出奔何處？

七 光緒三十年七月二十八日，英藏於春丕締訂私約六款，其內容係何條件？後該項私約得以改訂，有何背景？當日清政府派何人爲改約全權代表？光緒三十二年四月初四日，中英改訂印藏正約六款，綜其內容與英藏私約有何不同？

八 光緒三十三年，英俄締結西藏協約，有何背景？該約之內容英俄兩國對於西藏各如何規定？

九 達賴十三由北京歸藏後，何故即謀獨立，嗾使藏番內犯川邊？迨宣統二年川督趙爾豐遣部下鍾穎率勁旅抵拉薩後，達賴十三出走何處？



## 2 日俄交侵滿洲

十 甲午中日之戰，甲辰日俄之戰，其結果與朝鮮之國勢各生何重大之影響？

十一 紀元一九〇四年二月二十三日，日韓締結議定書六款，一九〇五年九月五日，日俄朴子茅斯條約成立。光緒三十一年十一月十七日，日韓又締訂新協約，核其內容，日本對於朝鮮各獲得何種特殊權力？

十二 韓皇李熙派密使赴海牙和平會議，此事有何結果？——韓皇既派密使赴海牙和平會議，又致電該密使歷陳日本待韓人之惡虐，令使臣乞哀求援於各國之委員。是電爲日本委員所得，乃請各國委員判定韓人私赴和平會議之罪。結果將密使之領袖處死，從者終身爲役。——蓋所謂和平者，乃強國互相之和平，非弱國之所可恃爲保護者。強國愈和平，則弱國愈不和平。韓國既自居於弱者之列，而猶欲各國視之爲強者，保護其和平，非大愚何至於此。且韓之外交早已委之日本之保護，尙以爲可以發言於和平



會議，則尤爲不自揣度之甚者。故卒以此遺日本之口實，成爲歷史上未有之慘事，而世竟無復有人憐之，且從而稱快焉。——（見朝鮮亡國史）

十三 韓皇李熙讓位於太子一事，其原動力雖由於日本之威迫，而韓之廷臣中何人實有以促成之？——時日本政府派外務大臣林董赴韓辦理私入和平會議事宜。韓之廷臣恐林董入韓，將禍生不測，遂決意迫韓皇讓位。其總理大臣李完用與一進會黨員等贊助甚力。夫彼之所謂禍且不測者，非謂有亡國之禍也，非謂有易君之禍也。不過爲慮己之一身不能固外人之寵，不能享尊爵之榮而已。皆忘情祖國，熱心侯門之賢，屈膝執政之廷，有暮氣而無朝氣，有鬼道而無人道之流亞耳。

十四 韓皇李熙讓位太子，則海牙事件當因此告終矣。而日本又根據於海牙密使問題，要求新締協約，持何理由？——日政府所謂韓皇讓位之舉，非由日本之所干預，韓皇得有意志之自由。故於光緒三十三年，另提出新協約，迫韓廷承認。其外交手腕可謂



狡且辣矣。

十五 韓國之一進會，是由何人組成之？該會抱何宗旨？日本政府委任何人利用一進會以促成日韓合併之計劃？——光緒三十一年，韓人宋秉峻李容九等開一進會於漢城，以贊助日本爲第一政綱，日本策士內田良平承本國政府密旨，擬利用一進會以促成合併韓國之事。

十六 韓俠安重根於何時何地銃殺日本委任之朝鮮統監伊藤博文？此種猛烈藥劑，霹靂手段，雖與其祖國之覆亡無補毫末，然安重根之爲人則實有千古不朽者。試暢言其說。——從來俠士之發生，多在國步艱難之際。使六國不爲秦併，則荆軻何以獻圖？使智伯不爲晉亡，則豫讓何由吞炭？蓋仁人義士之所爲，大抵皆迫於時勢而不得不犧牲其性命，以留浩影於天壤間耳。當時韓國之時勢何如也？雖山河宛在，宮殿依然，而舉國權利皆入外人之手。仰觀政府，則婢顏奴膝猶戀片刻之尊榮。俯視國民，則牛維



馬繫，已作偷生之畜隸。縱有二三豪傑屢揭義旗，勢薄力弱，終難舉事。安氏際此痛知韓國之難以復興，韓民難以再振矣。雖出此破釜沈舟之謀，爲震地驚天之舉，知我罪我，一聽諸天下後世而已，固不暇計也。可悲也夫！安氏就義時，爲文以詠輓之者甚多，茲不錄。學者如欲得悉其身世歷歷與其狙擊伊藤之詳實，須參看安重根與朝鮮亡國史。

十七 日韓合併條約之簽訂，時在宣統何年月日？日併朝鮮之得告成功，與日俄新協約有何關係？日併朝鮮之結果，我國之滿洲受何影響？

十八 何謂株式會社？——日本謂股份爲株。股份有限公司爲株式會社——光緒三十年日本在南滿設立之南滿洲鐵道株式會社與關東州都督府，各司何職權？

十九 光緒三十四年四月十五日，中日採伐鴨綠江森林之協訂，以何條約爲根據？——根據於光緒三十一年十一月二十六日，中日於北京締結之中日滿洲善後協約之附約第



十款。

二十 安奉鐵道之兩端，各至何處？宣統元年七月初四日，中日安奉鐵道問題，如何解決之？

二十一 清康熙五十五年時，定以何山河水爲中韓國界？間島在何處？間島之命名，有何緣起？韓人得以移殖間島，有幾大原因？光緒九年，吉林當局令朝鮮移民退出間島，而朝鮮政府竟謂『土門江非圖們江，乃係紅土河』爲詞，強爲抗辯，持何理由？——蓋當時朝鮮人已暗將康熙界碑移至長白山東南，與圖們江支流紅土河源相對，故指紅土河爲土門江——光緒十一年之中韓勘界有何結果？迨日俄戰罷，朝鮮成爲日本保護國，日人乃造何謬說，以謀侵佔我間島？

二十二 間島問題，久不能決，成爲懸案，日本乃以何問題脅迫我政府，使不得不速與交涉？宣統元年七月二十日，中日締結之間島協約，核其內容之規定，與我國之領土



主權，司法主權雖幸無損傷，然其結果則使吉林邊徼門戶洞開，又爲日人添一長驅直入之捷徑，其故安在？

二十三 宣統元年七月二十日與間島問題同日解決之新法鐵路，營口支線，撫順烟台炭礦，安奉鐵道及南滿鐵道幹綫之鑛務，京奉鐵道之延長五懸案，各如何解決之？

二十四 日俄戰後協約，一九〇七年六月十日締結之日法協約，同年七月三十日之日俄協約一九〇八年十一月二十日之日美照會，一九一一年七月十三日之日英第三次新同盟；要其內容之精神關鍵各有那三大共同之點？其性質所以相同，有何背景？

二十五 哈爾濱於何時何約中定開爲商埠？哈爾濱開埠後，俄政府妄援東清鐵道條約第六款擬獨握哈埠行政權。當時日本曾力袒俄人之要求，結果則俄人之野心終不得逞，其故安在？——日本以與俄有密約，且欲援俄例以擴張南滿行政權，故力袒俄人之要求。然美德兩國則主張公論，謂『以一通商口岸，立於一私立社會行政權之下，實爲



公法上所不容。』俄人由是不得逞志。——光緒三十四年，俄東清鐵道總辦兼哈爾濱領事霍爾哇拖忽頒布東清鐵道市制，規定凡住居於哈埠市內之中外人民，悉課以商工業，家屋，酒，借地諸項稅。於是中外人民莫不反對，中俄幾經交涉始如何結果？

二十六 松花江發源何處？自何處匯流於黑龍江？俄人得享該江航權，有何緣起？日俄戰後，清政府開放松花江使萬國得自由航行，其用意安在？

### III 中英片馬交涉

二十七 片馬在何處？——原爲一寨，在滇緬之交，北緯二十二度，東經九十七度三十分五分——該地之四周，各環以何山？中貫何水？——北有板廠山，南有姊妹山，西屏以八拉大山，南障以高黎貢山；中有小江流貫其間。——片馬實爲中國之領土，有何憑據？——有道光時之案卷可稽。——光緒二十三年正月，中英勘劃滇緬境界，僅規定至何山而止？光緒三十一年騰越道知府石鴻韶，與英領事烈敦再會勘滇緬境界，有何結果？



二十八 宣統二年十二月，英兵二千突佔片馬，英人所以力爭該地，是何用意？——英人自獲得騰越鐵道建築權以來，以山脈重疊，築造甚艱，不甚稱意。測量片馬較爲平坦，且爲通川藏之咽喉，故不惜強暴以兵力爭之。——英兵進佔片馬後，清政府命駐英公使劉玉麟迭次交涉，請英撤退片馬之兵，英政府則如何答覆敷衍？——以無意侵佔片馬爲辭，堅持先勘界後撤兵之議。——片馬交涉，中英爭議之點各主張以何山水爲滇緬境界？

IV 中葡澳門交涉

二十九 澳門半島在何處？其位置佔何形勢重要？該半島自何時租於葡萄牙？原定租金若干？原定之租金，葡人果如數交納否？光緒十三年，清政府以何條件割澳門與葡？葡人於澳門逐漸拓地於境壁之外，我國政府麻木不仁，漫置之也久矣。迨宣統二年，中國與葡乃實行劃界，其背景安在？——光緒三十四年正月，日本二辰丸密運軍火，



向中國輸入，假泊澳門附近過路環島東方二海里地，爲我國礮艦捕獲。日本政府強詞，謂該海面爲葡國領海，陰嗾葡國出而干涉，於是中葡澳門劃界問題，遂成爲當務之急，勢不容緩。——宣統二年，中葡澳門劃界，有何結果？

## 第五章 辛亥革命

一時至清季，中國之革命思潮澎湃洶湧，不可遏抑，有何原因背景？

二 從來革命運動之初，莫不起於秘密結合，三合會哥老會皆秘密結社也，其組織之初，各遠起於何時？各抱何宗旨？各蔓延活動於何地？孫中山先生之創立興中會於檀香山，時在紀元何時？抱何宗旨？該會宗旨初傳播於海外時，南洋羣島，布蛙，北美合衆國等處之華僑響應最早，其故安在？

三 孫中山先生第一次起事於廣州時在光緒何時？事敗後亡命英國，清駐英使臣龔照瑗誘而執之，後乃得釋，是何人營救之力？



四 清末康梁等之保皇黨與孫黃等之革命黨，其宗旨政見有何不同？當時該兩黨各從事於文字之鼓吹，其傳播主義之機關，各以何報爲根據？上海之蘇報，原爲何國人所創辦？後因何故被封閉，禁絕刊行？

五 清末留日學生，受孫章等影響，多提倡革命，當時在湖南與直隸各有何人隱執牛耳？孫黃等在日本東京改組興中會爲同盟會，時在光緒何年？

六 光緒二十六年三十二年，三十三年，三十四年；宣統元，二，三年，革命軍各有何人於何地起事？孫中山先生自著中國革命史，於此期間之革命運動，如何敘述之？——中山先生曰：「自同盟會成立之翌年，歲次丙午，會員舉事於萍鄉醴陵，於是革命軍起，連年不絕。其直接受余之命令以舉事者，則有潮州黃岡之役，惠州之役，鎮南關之役，欽廉上思之役，雲南河口之役。蓋丁未丙申兩歲之間，舉事六次，前仆後繼，意氣彌厲。革命黨之志節與能力，遂漸爲國人所重。而徐錫麟秋瑾熊成基之舉事於長



江，亦與兩廣遙相輝映焉。其奮不顧身，以褫執政之魄，則有劉思復之擊李準，吳樾之擊五大臣，徐錫麟之擊恩銘，熊成基之擊載洵，汪精衛黃復生等之擊攝政王，溫生才之擊孚琦，陳敬嶽林冠慈之擊李準，李沛基之擊鳳山；其身或死或不死，其事成或不成。然意氣所激發，不特敵人爲之落胆，亦足使天下頑夫廉懦夫有立志矣。事勢相接，庚戌之歲，革命軍再挫於廣州至辛亥三月二十九日黃克強率同志襲兩廣督署，死事者七十二人，皆國之俊良也。革命黨之黨勢遂昭著於世界。是年八月武昌革命軍起，而革命之功於以告成……」

七 宣統三年，鐵路國有政策，何人發其端？何人主其事？鐵路國有，爲列國通行之常策，而清政府施行之，則促成革命之大變，其故安在？反對鐵路國有，而湘鄂川粵四省人民最爲激烈，有何原因？其反對也，在理論方面持何理由？在實際方面持何武器？



八 宣統三年七月十五日，四川督署之流血大慘劇，是如何釀成之？該慘案發生後，清政府命岑春煊入川，協同辦理剿撫事宜，而川督趙爾豐，何故僞稱川亂救平，以尼止岑氏入川之行？

九 武昌漢口漢陽在地理上成何位置？宣統三年，革命軍武昌起義之時期，原擬定於夏歷八月十五夜，後何故改爲二十五日？又何故不待二十五日，竟於十九日夜突然起事？革命軍起事後，力戰幾時，而武昌即歸革軍完全佔領，滿清官吏逃避一空？革命軍既佔有武昌，乃公推何人爲鄂軍都督？何人爲民政總長？並於何日光復漢口漢陽？

十 民軍既定武漢，即知照駐漢各國領事，領事團得此照會後，議決對於黨軍持何態度？當武昌起義以前，鄂督瑞澂已先與某國領事約，請其調兵艦駐武漢，倘有革命黨起事，則開礮轟擊。然迨革命軍起，瑞澂潛逃漢口，請某領事如約轟擊，而該領事何故竟食前言負約？——辛丑條約在華之外人一國不能單獨自由行動。故瑞澂逃漢口請某



領事如約轟擊時，乃開領事團會議，初意欲得多數表決，即開礮轟擊，以救平之。當時諸領事對於此事多無成見，惟法領事羅氏乃孫中山之舊交，深悉革命內容，乃於會議席上力言孫逸仙派之革命黨——武昌起義之第一日黨軍即宣言係受孫中山之委命而發難者。——乃以改良政治為目的，決非無意之暴舉，不能與義和團一例看待，而加干涉。時領袖領事為俄國，俄領事與法領事取一致之態度，各國多贊成之，乃決議不加干涉，宣布中立。

十一 民軍既有武漢，清廷乃命蔭昌督水陸軍赴鄂剿討，有何結果？時袁世凱蟄居在何處？清廷力促袁世凱出山督師，袁力辭再四，至徐世昌親往說之乃應詔，是何用意？袁世凱一出，而清之一二兩軍段祺瑞馮國璋等與武漢民軍之作戰，即獲何勝利？

十二 宣統三年九月五日，清廷明令革去郵傳大臣盛宣懷職，並同日頒發罪己弛黨禁取消皇族內閣三種詔勅，試一讀其內容，所以懷柔人民者，非不善矣，然終無絲毫效果



，其故安在？

十三 武昌義旗一麾，不滿一月而紛紛獨立響應者已有十四五省，然與革命成功關係最大者，厥屬何處？東三省乃滿清發祥之根據地，亦於何月日爲變相之獨立？

十四 宣統三年九月十三日，清政府頒布憲法十九條，其背景由於何人兵力之威迫？吳祿貞原擬頓兵豐台斷清軍後路，以逼清廷去位，其大計劃何故失敗而被刺身死？——

(一) 由於蔭昌早悉吳祿貞爲民黨——湖北兵起，蔭昌統各鎮赴援，臨行語人云「吳祿貞係革命黨，至前敵當誅之」迨蔭昌至保定論鄂事，祿貞主撫，謂可以口舌下之。○蔭昌大怒，斥爲非計。○祿貞遂託病不行。

(二) 由於機謀不慎—— A 時山西已獨立，清廷命吳祿貞率師援晉。○祿貞乃單騎至太原，說降閻錫山馳歸，招晉兵同駐石家莊。○然當祿貞赴晉時，其參謀長張世膺劫留清廷運鄂軍火。○而不附祿貞者乃電軍諮府告變。○迨祿貞自晉歸，聞之大



驚曰「山西根本地尙未固，事豈可洩？君等敗吾事矣。」——此實吳祿貞失敗之樞紐。B時張紹曾屯兵灤州，祿貞電張，約其迅率師來會，起兵於直晉豫之間，斷北軍歸路。該電爲直督陳夔龍所得，祿貞俟覆久之不至。且當時清廷已授袁世凱爲內閣總理大臣，以道梗不能北上，患之。祿貞以留日學生統兵，非北洋正系，故吳祿貞之被戕，袁世凱或亦有關焉。——其餘因如吳祿貞之部下曰馬蕙田曰周符麟者皆與祿貞有夙怨，故軍諮府大臣載濤乃召蕙田等至京，許以二萬金，使刺殺之。蕙田等慷慨自任。然使祿貞果審慎自衛，或亦無傷。而祿貞則素倜儻不羈，自宣撫晉人，深入敵境，馳驅往還，皆單騎無衛隊，以示坦白。及自晉歸，不駐營中，夜宿鐵路站房，亦不設警衛。而九月十五日夜，遂被大盜銃殺。

十五 海軍之響應民軍，此於革命成功極有關係者也，此何人運動之力？



十六 清軍既獲勝於漢口，何故又於九月十一日罷免奕劻等諸親貴，授袁世凱爲內閣總理大臣，命卽來京組閣？迨袁閣成立，而實際則總理大臣一人支柱其間，各部閣員猶如虛設，其故安在？

十七 宣統三年十月七日，民軍所以失陷漢陽，有那二大原因？

(一)自湘省獨立後，屢出兵援鄂，故鄂軍前敵多湘兵。及湘黨人黃興至鄂，宋教仁譚人鳳等，乃說黎元洪以黃興爲總司令，元洪不得已從之，築壇授旗。然黃興本一書生，突居衆上，由是鄂軍多怨望。

(二)當時北軍之礮術，蓋優於民軍。

十八 清末江蘇督撫各駐在何處？——江蘇財富甲全國，形勝亦足以控東南。故清末凡督撫同省者，皆歸裁併，而江蘇則否。將軍總督駐金陵，巡撫駐蘇州一仍其舊，蘇撫程德全之黨於民軍，是何人之勸導主謀？江浙聯軍之光復金陵張勳退守徐州時在宣統



何年月日？民軍之失漢陽，清軍之失金陵較其雙方之得失，有無輕重軒輊？清廷與民軍和議之促成，與漢陽金陵二役有何絕大之關係？

十九 何人首先建議革命軍宜從速組織臨時政府？宣統三年九月二十五日，第一次開幕於滬上之各省都督府代表聯合會，是以何法組成之？——（一）各省舊諮議局，各舉代表一人。（二）各省現時都督府，各派代表一人，均常川駐上海。（三）以江蘇教育會爲招代所。（四）兩省以上代表到會，即行開議。續到者隨到隨與議。

二十 中華民國臨時政府組織之初，或者主張宜設在滬，或者主張宜設在鄂，頗不一致。○至宣統三年九月三十日，既經決議在鄂矣，後何故又突改移金陵？

二十一 宣統三年，南北之和議也，雙方各派何人爲全權代表？和會地點，原擬在漢口，後何故又改定在滬？和議之初，南方代表主張必須承認共和，方可開議，此項先決條件，清廷如何答覆？



二十二 宣統三年十月十四日，留滬代表舉黃興黎元洪爲正副元帥一事，後有何結果？

孫中山先生之被選爲中華民國大總統與其蒞寧就職，各在何年月日？當武昌起義以後，孫中山在海外爲革命事業，有何建設進行？——其建設有二

(一)從外交方面着手運動各國表同情於我國之革命軍。

(二)從經濟方面與四國銀行團磋商停止清廷借款，進行革命政府借款。

二十三 上海和會開幕後，南北代表之意見甚爲接近，後唐紹儀何故忽焉辭職，而由袁

世凱與南方代表直接電商和議？由袁氏直接電商和議之際，對於南京中華民國臨時政府之成立問題，彼此有何爭議？

二十四 俠士張先培黃天鵬楊禹昌之狙擊袁世凱，彭家珍之炸死良弼，各在民國何年月日？其事各有何原因結果？良弼被炸後，滿清親貴多逃亡何處？

二十五 段祺瑞乃一帝制餘孽，本不識共和爲何物者也，於民國元年一月二十六日，二



月四日竟與前敵將士等聯署一再通電，迫清帝退位，宣布共和，有何原因背景，清廷對此通電如何處置答覆？

二十六 內閣總理袁世凱與民軍代表伍廷芳於清帝退位條件協商之結果，對於清之皇室皇族與滿蒙回藏各規定如何待遇？清帝溥儀於何年月日下詔退位？

二十七 辛亥武昌起義，全國響應，未逾百日，而滿清顛覆，共和告成，其成功之速，為寰球各國所未有也。所以如是，有何原因背景？辛亥之役為中國之大事，其得失利害實影響於以後全體國民之禍福，不可不深論之。按孫中山先生自著之中國革命史對辛亥之役，有何精確之論斷批評？——孫中山先生曰「辛亥之役，所得之結果，一為滌蕩二百六十餘年之恥辱，使國內諸民族一切平等無復軋轢凌制之象二為剷除四千餘年君主專制之迹，使民主政治於以開始。自經此役，中國民族之性質與能力，屹然於世界，不可動搖。自經此役中國民主政治已為國人所公認，此後復辟帝制諸幻想，皆為得



罪於國人而不能存在。此其結果之偉大，洵足於中國歷史上大書特書，而百世皆蒙其利者。然也以為此役遂足以現中華民國之實乎，則大謬不然。於何証之？以十餘年來之已事證之。十餘年來，所以有民國之名而無民國之實者，皆此役階之厲也。舉世之人方疾首蹙頰以求其原因而不可得，余請以簡單之一語而說明之。曰，此不行革命方略之過也。革命方略，規定革命進行之時期為三，第一軍政時期，第二訓政時期，第三憲政時期。此為蕩滌舊污，促其新治，所必要之歷程，不容一缺者也。民國之所以得為民國，胥賴於此。不幸辛亥革命之役，忽視革命方略置而不議，格而不行，於是根本錯誤，枝節橫生，民國遂無所恃以為進行；此真可為太息痛恨者也，今舉其害如左。

(一) 由軍政時期，一蹴而至憲政時期，絕不予革命政府以訓練人民之時間。又絕不予人民以養成自治能力之時間。於是第一流弊，在舊污末由蕩滌，新治末由進行。第二流弊，在粉飾舊污以為新治。第三流弊，由發揚舊污，壓抑新治。更端言之，即第一



民治不能實現。第二爲假民治之名行專制之實。第三則並民治之名而去之也。此所謂事有必至，理有固然者。

(二) 軍政時期及訓政時期，所最先著重者，在以縣爲自治單位。蓋必如是，然後民權有所託始，主權在民之規定，始不至成爲空文也。今於此忽之，其流弊遂不可勝言。第一，以縣爲自治單位，所以移官治爲民治也。今既不行，則中央及省仍保其官制狀態，專制舊習，何由打破？第二，事之最切於人民者，莫如一縣以內之事。縣自治尙未經訓練，對於中央及省，何怪其茫昧不知津涯。第三，人口清查，戶籍釐定，皆縣自治最先之務，此事既辦，然後可以言選舉。今先後顛倒，則所謂選舉，適爲劣紳土豪之求官捷徑。無怪選舉舞弊，所在皆是。第四，人民有縣自治以爲憑藉，則進而參與國事，可以綽綽然有餘裕，與分子構成團體之學理，乃不相違。苟不如是，則人民失其參與國是之根據。無怪國事操縱於武人及官僚之手。以上四者，情事顯然。臨時約



法既知規定人民權利義務，而於地方制度，付之缺如，徒沾沾於國家機關，此所謂九州之鐵，鑄成大錯者也。

(三) 訓政時期。先縣自治之成立，而後國家機關之成立。臨時約法適得其反，其謬已不可救矣。然即以國家機關之規定論之，惟知襲取歐美三權分立之制，且以爲付重權於國會，即符主權在民之旨。曾不知國會與人民實非同物。況無考試機關，則無以矯選舉之弊。無糾察機關，又無以分國會之權。馴至國會分子稂莠不齊，薰蕕同器。政府患國會權重，非劫以暴力，視爲魚肉；即濟以詐術，弄爲傀儡。政治無清明之望，國家無鞏固之時。且大亂易作，不可收拾。——此上所述皆十餘年來之擾攘情狀，人所共見共聞者，尋其本源，何莫非不行革命方略有以致之。」

第六章 道咸以後之社會與文化概況

I 道咸以後政治上之設施



一 有清一代之政治組織，在同光以前與同光以後有何不同？清代之中央政權，初在內閣，雍正而後，權移軍機處，由是以迄宣統三年，此制始廢，而清祚亦告終矣。○當日多簡任何等廷臣兼攝軍機？而分司行政者則有六部，六部之制原起於何時？清之中央官制，至光宣時代有何變更？

二 行省制度起於何時？清代之地方行政區域劃分普通行政區——如十八省——與特別行政區——如順天府盛京內外蒙新疆青海西藏——兩大類，各如何設官統治？行省之官制，至光緒末年有何改革？

三 何謂旗兵？何謂綠營兵？清自中葉後，旗兵綠營兵皆驕惰訾窳不堪任用，有何憑証？湘軍淮軍鄂軍新建軍，其初各係何人所編練？

四 我國之有海軍，導源於何時何人？福州與上海之船政局，天津之水師學校，北京之海軍衙門，其創設之初，各在何時？我國之海軍人材，閩人獨多，其故安在？光緒甲



午戰後，我國之沿海各軍港紛紛租借於外人，而宣統時代重建之海軍，乃停泊於何港灣？——榮城灣，象山灣，三門灣，三沙灣，榆林港。

五 大清刑律一書，成於何時？其內容分有那七大綱？合計之共分爲若干卷？——四十卷——外人在華有領事裁判權，有何緣起？光宣時代，清政府之釐定新刑律，有何背景與結果？

六 何謂一條鞭法？此法原起於何時？康熙五十一年，定盛世滋生人丁永不加賦之例，此事之緣生，有何背景？迨雍正五年，乃以丁糧攤入於田畝，此法有何流弊？

七 清代於何省有糟糧之征？清之雜賦約言之可概分爲那三類？——課，租稅——釐金制創始於何人何時？其法有何流弊？關稅有常關海關兩種，其性質有何不同？

八 清代以科舉取士，所謂鄉試會試各定於歲次何年舉行？——子午卯酉年舉行鄉試，辰戌丑未年舉行會試——八股文體源起於何時？明清兩代之八股文，考官之命題，限



於何書，作者之立意措辭，篇章結構各有何限制？此種奇異文體之緣生，固由於野心君主之愚民政策，然與科舉制度之環境亦有何關係？清廷明令罷科舉廢八股取士制，在光緒何年？——三十一年

九 清代之教育，於中央及地方各設有何學校，以爲培養人材之所？清季感於時勢環境之需要，紛紛改建學堂，最初於京津閩粵鄂滬江浙各創立何學校，以首開風氣？——同治時於京師設同文館，上海設機器學堂，福州設船政局。光緒時復設天津北洋大學，上海南洋公學，南京水師學校，上海廣方言館，湖北自強學堂，廣東時敏學堂，浙江求是學堂，皆新教育之先導。

## II 道咸以後社會之概況

十 清自道咸以後民生日漸凋敝，社會組織不變，凡宗教禮俗實業經濟均改舊觀，其背景各安在？



十一 中國社會中之宗教種類甚多，然考其淵源而類別之，何者爲中國所固有？何者係由外而輸入？說者謂清代之佛教惟臨濟一派最盛，該派之淵源係出於何人？——爲禪宗之一枝，其源出於六祖弟子懷讓，懷讓傳馬祖，馬祖傳百丈百丈傳黃蘗，黃蘗傳臨濟義玄禪師住鎮州滹沱河側，是爲臨濟宗派之祖。

十二 道教係糅雜何說而成？創立道教者是何人？中國之道觀最著者有三，各在何處？——北京之白雲觀，成都之青羊宮，忠縣之酆都觀。

十三 回教之經典何名？其教之性質有何特點？統計現在中國之回教徒，約有若干？——約有兩千萬——其根據在何處？

十四 喇嘛教盛行於何地？清廷之尊崇喇嘛教，有何用意？

十五 基督教之新舊兩派，各於何時傳入中國？自南京條約後，基督教在華之勢力如何澎漲擴大？遼金元清入主中國，莫不就從漢化，初不以原有之風俗宗教爲軌持，其故



安在？

十六 中國漢族之舊式婚喪制度，各有何流弊？儒家所以重喪厚葬，有何原理？？火葬制，殆爲人類將來共趨之途徑，此制有何特優之點？按中國祀典所奉祀之諸神祇，何者爲農業民族之表徵？何者爲宗法社會之表徵？婦女纏足之惡風，男子垂辮之異俗，各自何時起？纏足有何絕大之流弊？

十七 中國之實業，可概分爲農工商鑛交通五種，自開港以迄於今，此五者各呈何狀況？我國之鐵路航業電報電話無線電郵政局，其建設之初，各在何年？各係何人首先創辦？

十八 有清一代之經濟力，何時最充？我國之借外債，開始於同治何年？借外債則損失權利，夫人而知之矣，故當光宣之際，清政府數募集國內公債，然應募者甚鮮，其故安在？清代之制錢以何時所鑄造者爲最靈？而咸豐光緒時，何故一再鼓鑄大錢，以致



圖法毛荒紊亂？

III 道咸以後學術思潮之趨勢

十九 清代之學術，可概分爲那三期？——（一）清初爲明學反動期（二）中葉爲清學全盛期，（三）清季爲今文學運動，正統派蛻變，東西文化輸入期。

第一期——此期之學派有三

I 主宋攻明之理學餘脈，其重要之代表者有陸隴其，王夫之，張履祥諸人，皆自託於程朱之流，以排斥王學爲事。

2 反對空談理學者——顧炎武黃宗羲皆此派之中心人物。炎武大倡舍經學無理學之說，以定學者研究之標準，清學之端緒自此起。宗羲則痛詆明人講學。不事六經束書游談之流弊。主博治經史以致用，尤以史學爲根柢。

3 習行派——顏元李璣主習行主義，根本反對以讀書說理爲學，而惟一注重躬行



實踐，不惟排斥明學，對於程朱亦痛加攻擊。

第二期——此期之學派約分爲吳皖兩宗

I 吳派始惠棟——其治學方法，僅守家法，篤信漢儒，江聲，余蕭客，王鳴威，錢大昕，劉台拱，江藩等，皆衍此派之宗傳。

2 皖派始戴震——此派之治學方法，深刻斷制，一空依傍，而段玉裁，王念孫，玉引之等皆衍此派之重要學者。——綜吳皖兩派比較言之，惠偏泥古，戴長創造，衡其治學之方法與精神，惠派實較戴派爲稍遜，故言清學者率以戴派爲正宗，亦惟戴派足以稱清學，而不爲漢學所拘焉。

第三期

I 考証學漸衰之原因。——A 由於考證學派自身之原因有三

(一) 考証學派之研究方法雖甚精善，其研究之範圍則甚迂拘。就中成績最高者惟



訓詁一科，然經數大師發明略盡，所餘者不過糟粕。如名物一科，考明堂，考燕寢，考弁服，考車制；原物今既不存，聚訟終莫由決。典章制度一科，言喪服言禘祫，言封建，言井田，在古本世有損益變遷，即羣書亦末由折衷會通。夫清學所以能奪明之席而代之者，以彼空而我實也。今紛紜於不可究結之明物制度，則其爲空也與言心言性者相去幾何？要之清學以提昌一『實』字而盛，以不能貫徹一『實』字而衰，自業自得固其所也。

(二) 清學之興，對於明之『學閥』而行革命者也。至嘉慶以降，而清學已自成爲執手可執之一『學閥』思想界成一漢學專制之局。學派自身既有缺點，而復行以專制，此破滅之兆矣。

(三) 清學既教人以尊古，又教人以善疑，既尊古矣，則有更古焉者固在所當尊，既善疑矣，則當時諸人所共信者，吾何爲不可疑之？故本派中有異軍突起，而本派之命



運遂根本動搖，則事有必至，理有固然者。

B 由於環境變化所促成之原因亦有三

(一) 清初經世致用之一學派，所以中絕者，因為避觸時忌：故聊以自藏耳。自嘉道以還，積威日弛，人心已漸獲解放，羣以國勢陵夷，歸咎於考証學之無實用，往日尊嚴之學閥，遂為時代所吐棄。

(二) 清學發祥地及根據地，本在江浙，咸同之亂，江浙受禍最烈，文獻蕩然。後起者轉徙流離更無餘裕以自振其業，而一時英俊，奮志事功，更不以學問為重。

(三) 鴉片戰後，志士扼腕切齒，引為大辱奇耻，思所以自渝拔。於是經世觀念復活，炎炎不可抑制。又海禁既開，西學逐漸輸入，始則工業繼則政治，中國學者本生息於漆室之中，不知室外更何所有，忽穴一牖外窺則粲然者皆昔所未睹也。還顧室中，則皆沉黑積穢。於是對外求索之慾日熾，對內厭棄之情日烈，欲破壁以自拔於此黑暗，



不得不先對於舊政治而事奮鬥。於是以其極幼稚之西學智識，與清學初期所謂經世之學者相結合，別樹一派，向正統派公然舉叛旗矣。此清學分裂之主要原因也。

(2) 今文學之復興

(一) 今古文經真偽之爭之舊案重提覆勘之原因——今古文經真偽之爭，爲西漢時舊有之一大公案，今文經者古者經誦口耳相傳，不載竹帛，至漢時乃以文字寫之，其所用之文字卽當時所通行者，故謂之今文。而西漢十四博士所職者皆今文經也。至西漢之季，新室之時，有所謂古文經者出，謂得自山巖屋壁之藏，爲古人所手定，非今人之本，於是儒術中有今古文之爭。自東漢以至清初，皆用古文經，當時幾無知今文爲何物者。○至乾嘉以後，乃稍稍有人分別今古文之所以然，而好學深思之士，大抵皆信今文學，蓋古文經之傳授，其僞顯然，實出於劉歆所僞造者——其詳見康有爲著新學僞經考及夏曾佑著中國歷史茲不多錄。——清代學術既節節復古，如顧炎武惠士奇等專提倡註疏學



，則復於六朝李唐之古，自閻若璩攻僞古文尙書，知作僞者出於王肅，於是學者絀王申鄭，復於東漢之古，乾嘉以後，家家許鄭，人人賈馬，東漢之學燦然如日中天，懸崖轉石，非達於地不止，則西漢今古文舊案，終必須翻騰一度，勢則然矣。

(二) 今文學之發蒙。

A 今文學之初期上——此期中今文學之中心在公羊，蓋自南北朝以後，今文經僅存春秋公羊傳之何註，然其中多非常異義可怪之論，自魏晉以還，莫敢道者。公羊之成爲絕學，垂二千年矣。茲將此期中今文學家之大宗師與其重要著作列下。

莊存與——當乾嘉時，治今文經春秋公羊傳首揭今文學之旗幟爲一代今文學之發蒙大師。著春秋証詞刊落名物訓詁之末，專求其所謂微言大義者，與戴段等之考証派，所趨之途徑，全然不同。

劉逢祿——著春秋公羊傳何氏釋例，所謂非常異義可怪之論，皆次第發明，在清人



著述中，實爲最有價值之創作。

龔自珍——說經宗莊劉，性跌宕，不檢細行。著有定庵文集，其文辭俶詭連狝，往往引公羊之義以切譏時政。擬諸正統派，莊可比顧，龔劉則闔胡也。

B 今文學之初期下——今文學之初期，雖專在公羊未及他經，然因此知漢代經師家法，今古文兩派截然不同，知賈馬許鄭殊不足以盡漢學。至道光末辨僞之著乃蓬興，茲將其重要者列下。

魏源著詩古微始大攻毛傳及大小序，謂爲晚出僞。其言博辯。又著書古微謂不惟東晉晚出之古文尙書爲僞，卽東漢馬鄭之古文說，亦非孔安國之舊。

邵懿辰著禮經通論謂儀禮十七篇爲足本，所謂古文儀禮三十九篇者出於劉歆僞造。

○ 劉逢祿故有左氏春秋考證，謂此書本名左氏春秋，不名春秋左氏傳，與晏子春秋呂



氏春秋同性質，乃記事之書，非解經之書，其中解經者，皆劉歆所竄入左氏傳之名亦劉歆所僞創。——自劉書出，而左傳真僞成問題，自邵書出，而儀禮真僞成問題，若周禮真僞，則自宋以來成問題久矣。初時諸家不過各取一書爲局部之研究，既而尋其系統，則此諸書者同出於西漢之末，其傳授端緒俱不可深考，同爲劉歆所主持爭立。質言之，所謂古文諸經傳，皆有連帶關係，真則俱真，僞則俱僞。於是將兩漢今古文之全案重提覆勘，集今文學之大成者，則南海康有爲其人也。——可參看梁任公著清代學術概論，康有爲著新學僞經考。

古文經學家，謂六經皆周公舊典之說，已被今文經學家推翻，成爲鐵案，士林公認矣。而今文經學家謂六經皆孔子所刪定，筆削去取，皆有微言大義存於其間，此種觀念至今已不能存在，成一疑案，有何理解？

二十 道咸同時代，今文學派之外尙有程朱派之理學家，桐城派之文章家，其中心人物



各是何人？

二十一 光宣時代之文運，有那三大特色？此三大特色之促成，各有何背景？

二十二 清之今文學家王闈運廖平各籍何處？廖平之學說初言今文爲孔子之真，古文爲劉歆之僞。繼言今文爲孔子所傳，古文爲周公所述。終言今文爲小統，古文爲大統。屢易其旨，進退失據，其故安在？

二十三 南海康有爲之研究今文學，有何淵源？康氏之名著新學僞經考，孔子改制考，大同書，其內容各是何大旨？

二十四 孔學術爲孟荀兩派，而新會梁啓超則以紉荀申孟爲標幟，其用意安在？康梁等之今文學運動與我國之思想界有那二大影響？——（一）爲懷疑批評態度之啓迪，（二）爲革命排滿思想之開發。

二十五 江南製造局附設翻譯館，譯西籍；福建船政局屢派遣學生出洋留學，急急孜孜



以追跡泰西爲事矣。然當時維新派之主動人物，如曾國藩李鴻章等，則認何文化爲西洋列國富強之本？至戊戌變法，康梁維新，對於西洋文化之認識，與曾李等有何不同？初以西洋之哲學思想文學思想介紹於我國士林者，當推嚴復林紓爲最早，嚴林各籍何處？其翻譯西籍也各用何文體？

二十六 清季中國之文體，有何革新？譚嗣同，梁啟超，章炳麟章士釗其文章各有何特色？

二十七 總觀有清一代之小說，可概分爲那七大派別？——按中國小說史略所載，清代小說之派別如下——

(一)擬晉唐之小說——如蒲松齡之聊齋志異，紀昀之閱微草堂筆記五種，王韜之遼窟謔言。

(二)諷刺小說——如吳敬梓之儒林外史。



(三) 人情小說——如曹雪芹之紅樓夢。

(四) 才學小說——如夏敬渠之野叟暴言，屠紳之蠶史，陳球之燕山外史，李汝珍之

鏡花緣

(五) 狎邪小說——如陳森書之品花寶鑑，魏子安之花月痕，俞達之青樓夢，韓子雲之海上花列傳。

(六) 俠義小說——如石玉崑之三俠五義，俞樾之七俠五義。

(七) 譴責小說——如李寶嘉之官場現形記，吳沃堯之廿年目觀之怪現狀，劉鶚之老殘遊記，曾樸之孽海花。——清季時小說所以發達，有那三大原因？清季之小說分爲南北兩派，其性質有何不同？

第二編 共和時期 自民國成立至今

第一章 民國成立與二次革命



## I 民國成立

一 清帝退位，南北統一，民國成立之初，急待解決者，有那四大問題？

二 袁世凱本一帝制餘孽，野心梟雄耳，當民國元年二月十二日，何故亦通電南京臨時政府，宣布政見，贊成共和？袁氏通電贊成共和，孫中山即提出辭呈於參議院，并代荐袁世凱爲臨時總統，論者多謂當時之革命軍勢力實不足以澈底剷除北洋軍閥，故不得不拱手授政權於袁氏，資之以促成民國，是說也能否成爲確論定評？

三 民國元年二月十四日，參議院表決奠都問題，已多數通過奠都北京矣，翌日臨時總統孫文咨交覆議，結果又多數通過奠都南京，僅一夕之隔，而幻變若是，其故安在？奠都問題既決，臨時政府特派專使北來，敦請老袁赴南京就職，當日袁氏弄何陰謀，玩弄民黨於掌上，使不得不允其在北京就職？袁氏所以不赴南京就任，其用意安在？



四 中華民國臨時政府組織大綱。與臨時約法，其性質精神有何不同？臨時約法之修成與公布，各在民國何年月日？其內容都凡幾章幾條？

五 中華民國約法既布，袁氏依約法提出唐紹儀組閣，得參議院之同意，遂特任唐氏爲國務總理。唐閣閣員，凡分十部，其各部總長，各是何人？各隸何黨系？

六 臨時大總統孫中山之解職與臨時政府之移於北京，各在民國何年月日？

七 凡共和憲政國，莫不有政黨，中華民國成立之初，可稱謂政黨者，於同盟會，共和黨，統一共和黨，各黨之重要領袖，各是何人？撮其黨綱，各有何異同之點，平心論之，共和黨與同盟會，孰爲有功？孰爲有罪？

八 民國元年六月十五日，唐紹儀總理所以棄職赴津，在閣員與政府兩方面，各有背景前因？王芝祥督直問題，何故成爲唐氏去職之引火線？唐氏去職後，凡隸同盟會之閣員，均有何連帶之影響？



九 唐內閣瓦解後，同盟會盛倡政黨內閣說，然陸徵祥屬超然派，無黨籍色彩，而陸總理任命之提案，竟得安然通過於參議院，其故安在？陸氏組閣，第一次提出之閣員六人，參議院一律否決，迨第二次提出之六部閣員除蔣作賓外則一律通過，前後提出之閣員人材，果有優劣之不同歟？何故前者則均不得通過，後者則幾完全通過耶？

十 陸總理知難而退，內務總長趙秉鈞先代閣而後即真，新陳遞嬗之際，國務總理雖易人，而閣員則無變動，其故安在？

十一 按臨時約法，原定於約法實施後，幾越月內由臨時大總統召集國會？民國元年八月公布之國會組織法，及參衆兩院議員之選舉法，其內容各如何規定？

十二 國會爲共和政治之基礎，中華民國之國會，於何年月日正式開幕？國會開幕後，參衆兩院之正副院長，各以何人當選？

十三 民國國會正式成立之後，巴西，美利堅，墨西哥，秘魯，卽次第承認中華民國，



列國之承認與否，與國際地位有何關係？

十四 當國會開幕後，吾國之政黨可概分爲二，曰國民黨，曰進步黨，各係何政黨合併而成？民國第一次國會選舉之結果，而國民黨在參衆兩院皆佔絕大多數，此何人運動組織之力？國民進步兩黨對峙，不久其團體即各如何割分破裂？

## II 癸丑二次革命

十五 民國二年癸丑二次革命之所以釀成，有何前因背景？

十六 宋教仁於民國之建設，有何功績？宋氏於何年月日在上海滬寧車站被刺？宋氏所以見忌於袁政府，有何原理？

十七 宋教仁被刺一案，總主謀者是何人？在北京之宋案峻使犯洪述祖趙秉鈞各有何結果？在上海之宋案峻使犯應桂馨，兇手吳福銘各在何處被捕？後應之被刺，趙之暴死各出於何人之陰謀？



十八 宋案發生後，蘇督程德全，民政長應德閔等，以案關重大，有組織特別法庭開審之議，其計劃何故竟不能實施？上海地方審判廳審理宋案，而該案遂歸懸擱，無由判決，其故安在？

十九 民國二年四月二十六日，程德全應德閔等電呈袁總統並通電全國之宋案證據報告，試一讀其內容，則宋案之主使犯爲袁世凱，爲袁氏狗馬之唆使犯則趙秉鈞，洪述祖，應桂馨，各有何明証確據？袁政府得此報告後如何措置？

二十 自民國成立以來，中央政費，非借外債無以圖存，非舉內債無以補苴，非大借外債無以爲根本上整理之計劃，較之前清時代，出入相抵，無甚贏絀者迥不相同，其故安在？

二十一 對華銀行團之擴大組合，有何緣起？該團對於中國之投資主義，抱何目的？民國二年時，六國銀行團對華大借款，再三磋商，均不能成立，其原因安在？



二十二 美國於何年月日宣告退出對華六國銀行團？美之所以退出該團，有何背景？何謂政治借款？何謂經濟借款？

二十三 民國二年四月二十六日，五國銀行團對華大借款之所以成立，有何背景？該次借款總計額數若干？利息幾厘？以何項財源為担保品？此次借款袁政府所以悍然不交國會議決，而違法私簽借款契約，其用意安在？

二十四 民國二年，七月初旬，國會發見政府違法密借奧款案，款額總計若干？利息幾何？以何項財源為抵押品？並附有何項特別條件？

二十五 民國二年六月間，袁世凱何故相繼罷免贛督李烈鈞，皖督柏文蔚，粵督胡漢民？當三督罷免令下之際，而袁政府有何軍事之預備？

二十六 癸丑二次革命，李烈鈞首先起義於湖口之後，而南京上海安徽福建湖南廣東四川諸省，各有何人起兵響應？



二十七 二次革命軍既風起雲湧，而袁政府乃以何軍事計畫出兵討伐？

二十八 癸丑二次革命軍，弄兵十數萬，延地六七省，似可以大有爲者也。而俄傾間卽瓦解土崩，煙銷霧滅，有何理解？是役也，金陵罹禍最深，其故安在？

二十九 二次革命軍失敗之結果，生何惡劣之影響？

## 第二章 國會解散與約法增修

一 按各國通例，正式總統必俟憲法成立後始能選出，惟吾國當國會成立之初，卽有先舉總統，後制憲法之倡議者，然未幾卽寂然。迨二次革命軍蕩平之後，此說遂又復活，且多得各黨之同意，漸趨一致而實現之，曾日月之幾何，不宜於昔者已宜於今矣。按前後之特勢環境而觀察之，各有何原理？

二 民國二年，十月十四日，由憲法會議，疊經討論議決通過之憲法起草委員會提前制定之大總統選舉法，其內容共有七條，各如何規定？



三 民國二年，十月六日，國會舉行大選時，有所謂公民團者，以何方法脅迫國會，使國會議員不得不即日選出袁世凱爲正式總統？

四 國於天地，必有與立，立國之要素不失，其國內之政體無論如何變化，或爲君主專制或爲君主立憲，或爲民主共和，列國皆有承認之義務。惟清帝退位，南北統一，中華民國成立以來，泰東西各國始則主張於臨時政府期內不承認中華民國，繼又提出承認之期須各國一致在正式總統選出之後，如是趑趄徘徊，其野心安在？迨袁氏被選爲正式總統，於民國二年國慶紀念就職之後，先後之承認中華民國者，雖多屬單純之承認，然英俄日本三國則各有何重要條件之交換？

五 袁世凱對於憲法公布權，不爭於正式總統選舉之先，乃力爭於正式總統選舉之後，其用意安在？

六 天壇憲法之命名，有何緣起？袁世凱對於該憲法何故覺不滿意？後用何法反對以推



翻之？

七 民國二年十一月四日，袁政府明令解散國民黨，撤銷國民黨籍之國會議員；三年正月十日明令解散在京殘餘之國會議員，三年二月三日，明令停辦各地自治；三年三月二十八日，明令解散各省省議會；按其令文之表面言之，各持何理由？探其衷情，其目的各安在？

八 中央及地方之立法機關既被破壞，袁氏乃創立政治會議，以爲立法施政之樞紐；該會會員之人選如何組成之？該會於民國二年十一月十五日在北海團城開幕後，十八日袁總統即諮詢該會以增修約法程序問題，該會決議如何答覆？

九 民國二年七月，袁世凱所以提出熊希齡組閣，有那三大背景？熊氏組閣之初，即制定大政方針，擬大踏步做去，將欲大有爲者，迨熊氏於政治會議宣布其政見時，該會會員則大加擲揄，不表同意，其原因安在？熊閣之末路，有何劣蹟？綜熊氏之人格魄



力，較之唐少川氏其高下何如？

十 由政治會議組成之約法會議，於民國三年二月十六日正式成立，各舉何人爲正副議長？該會仰承袁氏鼻息，修成之新約法，此袁氏帝制之先聲也，核其內容之精神關鍵與天壇憲法臨時約法各有何不同？

十一 袁世凱制定新憲法後，對於中央官制，地方官制，各如何變更？

### 第三章 蒙藏事變

一 宣統三年，外蒙所以獨立，約言之其背景蓋有那三端？俄人煽惑外蒙獨立，用何方  
法？

二 近來帝國主義者，每藉獨立之美名爲釣餌，以亡人國家，痛稽我國藩屬之喪失史，得有何例証？此政術也，在施之者屢奏厥功，而在受之者且甘之若飴，其故安在？

三 宣統三年，外蒙獨立，當日之庫倫獨立黨，以何手段驅逐駐庫辦事大臣三多刻期離



蒙？庫倫活佛於何年月日登極稱帝？外蒙獨立後，其中央政府如何組織？

四 外蒙獨立之初，無兵無餉，本不足平，北京政府乃泄沓從事，不能出兵討伐，其故安在？

五 民國元年十月，締結之俄蒙私約，其大綱共有四款，而附隸於該約第二款之俄蒙通商專條則有十七條，其內容各如何規定？按國際公法言之，俄蒙私約能否發生效力？俄蒙私約，我政府堅不承認，而俄人則欲強執施行，當廟堂樽俎爭論之際，雙方各持何理由？若俄蒙私約之性質，有違反中國領土完全，列強機會均等主義，然俄人則悍然爲之，而日英法諸列強，一如寒蟬杖馬，無一崛起直言抗議者，其原因安在？

六 民國二年五月，外長陸徵祥與俄使庫朋斯齊所締之中俄協定六款，已經吾國國會議決，衆院通過矣；而俄使何故忽翻前議，另提出大綱四款，更爲進一步之要脅？

七 民國二年十月二十九日，外交總長孫寶琦與俄使議定之聲明文件五款，附件四款



，較陸外長所訂之中俄協定，國家權利之損失，何者更鉅？聲明文件之命名有何意義？

八 宣統三年，西藏達賴所以崛起獨立，其原動背景概言之有那五端？達賴十三獨立後，乃捏造何名義喚使藏番東犯川邊？

九 西藏獨立，川滇軍會師討之，屢敗藏軍，方期振旅而西，直搗拉薩以武力戡定，乃忽焉罷兵，改任征藏司令爲川邊鎮撫使，其故安在？當時我政府對於西藏問題抱何政見？

十 外蒙西藏獨立後，蒙藏聯絡益形親密其故安在？民國二年正月十一日，簽押互換之蒙藏私約，其大旨是何性質？

十一 中英藏之希摩拉會議，有何結果？蒙古有內外，西藏原不分內外，即欲強分內外，而所謂內外藏者，亦應限於江達以西，此說有何根據？希摩拉會議，英代表竟以川邊全境與青海南部均括入西藏區域，其用心安在？



十二 民國三年，中俄蒙恰克圖會議之招集，根據於何條約之規定？該會議中，乃經三大波瀾，使會議停頓、幾至破裂，各爲何問題？該會議之結果，於民國四年六月七日簽定中俄蒙恰克圖條約二十二款，綜其內容，中國對內對外之權利，各有何損失？

十三 呼倫貝爾在何省區域之內？俄人嗾使呼倫貝爾獨立之結果，締結中俄蒙呼倫貝爾條約八款，迫我政府承認該地爲特別區域，其用意安在？

#### 第四章 中日二十條之交涉

- 一 紀元後一九一四年，勃發之歐洲大戰，概言之其原因時緣各安在？
- 二 歐戰之役，日本以英日同盟爲口實，參加協約，對德宣戰，日本之參加歐戰，果出於尋盟耶？抑別具目的野心耶？試暢言之。
- 三 一九一四年，八月十五日，日本致德之最後通牒，其內容要求何條件？德政府對此通牒，如何處置？



四 歐戰起，中國遂於民國三年八月，宣告中立，袁政府如是措施，有何失策？

五 一九一四年，日英聯軍，進攻青島時，袁政府曾要求願與日本共同出兵，惟日人則嚴詞拒絕之，其用意安在？英人之所以出兵協攻青島，抱何目的？

六 中國對於歐戰既宣告中立，龍口南距青島凡百五十哩，既非德之租借地，又非租地之警備區，則日軍實無由龍口登岸之理。然日軍於民國三年九月二日，竟於該港登陸矣，且橫貫萊州半島會攻青島之背，所有沿途之城鎮與郵電機關，盡行佔管，徵發物品，苦役人民，破壞國際公法，破壞中國獨立，悍然爲之，無少顧忌，其野心安在？當日袁政府對於日本之如是橫行，如何處置？

七 一九一四年，日英聯軍協攻青島時，德之青島守軍，約有多少？聯軍之攻陷青島，時在何年月日？

八 日本既佔領青島及膠澳之後，兩方之軍事設備，業已解除，袁政府乃照會日本請將



山東內地之日軍撤回青島，日本對此照會，如何答覆？

九 民國四年，一月十八日，駐北京日使日置益氏，突破國際慣例，逕向我國元首袁世凱提出二十一條之重大要求，更囑嚴守秘密，否則當更索償。日人之所以出此，其用意安在？當時日使且謂袁氏曰：「若開誠交涉，承認二十一條，則希望總統再高陞一步。」日本得悉袁氏潛圖帝制之黑幕有何緣起？日本二十一條之要求案，以地理爲衡而觀察之，關於山東者四，關於南滿及東部內蒙者七，關於長江流域者三，關於全國者六，關於福建者一；其內容各係何規定？綜此二十一條之要求案，以性質分之，何者侵害中國之主權？何者破壞列強在華之機關均等，門戶開放主義？綜之日本廿十條之要求，皆帝國主義者滅人國家之條件，或戰勝國壓迫戰敗國之條件，換言之，卽日本亡韓之舊政策也。○今也日本乃無端向獨立之中國，中立之中國爲此等無理之要求，實國際歷史中未見未聞之創舉矣，日本之所以出此，豈偶然哉，試深察之，蓋有那三大背



景？

十 袁政府對於中日二十一條之交涉，其應付之法，有那兩大根本錯誤？中日二十一條之交涉，袁世凱既以外交秘密四字，搪塞國人，而當時之我國民衆，何由得悉該約之內容？二十一條交涉中，有所謂楊前會議之國恥者，係指何項事實？

十一 民國四年，四月二十六日，日使向我外部提出二十四條修正案，其內容較之二十一條之原案，有何讓步之點？袁政府對此修正案如何答覆？

十二 民國四年，五月七日，日本向我外部提出最後通牒，限於四十八小時內完全承認，屆期袁政府如何答覆之？中日二十一條交涉中，外交次長曹汝霖氏，有何禍國之醜史？

十三 一九一五年，五月十一日，美總統威爾遜氏，爲中日秘密交涉事，分致中日之同樣通牒，其內容是何大旨？



十四 民國四年，五月二十五日，中日締結之二十一條互換條約，比二十一條之原案，有何不同之點？

### 第五章 袁世凱帝制

一 袁世凱帝制運動之所以緣生，有何背景？總其帝制運動之進行，概為那三大步驟？其變史國體，完成帝制，先後假手那三大機關？

二 民國四年，八月，楊度等發起之籌安會，雖宣言聲明為研究學理之機關，然考其精神內幕則抱何作用？該會於民國四年八月二十四日，通電各省軍政長官，並各省城及滬漢各商會，聲明一切，當經各省城地方如何答覆？美國者，乃世界民主國家之先進國也，當民國四年，袁氏運動帝制之際，而美人古德諾博士，亦發表論文，謂中國政體宜用君主，不適於民主違反世界潮流，為袁氏製造帝制空氣，其故安在？當孫黃等運動革命之初，即主張欲求中國富強，實行革命，非改建共和不可，其故有兩端？



三 袁世凱醉心帝制，處心積慮，變更國體。然其進行之方法，則必使出於人民之請願，假手於立法機關，爲之綰轂，其用意安在，以參政院代行立法院，根據於袁氏新約法之第幾款？該院用何方法，假造民意，召集國民代表會議，變更國體，擁袁氏爲帝？民國四年十二月十一日，代行立法院，恭上推戴書，請袁氏正位九五，而袁氏又故爲揖讓委蛇，是何用意？

四 當袁氏帝制實現之先後，日使小幡主動，聯合駐京英俄法意諸國公使，對袁氏帝制一再提出警告，表示反對，持何理由？袁世凱明令承認爲帝，時在民國何年月日？袁氏稱帝後，於帝號正朔各如何規定之？並如何加封其勸進功狗？

五 袁氏慧目，早識蔡松坡非凡品矣，曾以何法籠絡而羈縻之？蔡氏如何明哲保身，始得脫出羅網，返滇獨立？民國四年十二月二十三日，雲南督理軍務唐繼堯，巡撫任可澄聯銜通電北京政府，反對帝制，其電文之內容，對於袁氏如何忠告？指名何人爲帝



制罪魁，限以何日答覆？後雲南於何年月日通電各省，宣布獨立？迨雲南獨立後，各地紛起響應之師，出於誠意自動響應者固屬多數，然本係擁袁健將，唯迫於時勢環境之不得已，亦出於獨立者，各有何人？當時袁皇帝以何軍事計劃，應付獨立軍？

六 民國五年五月，兩廣雲貴獨立軍，設軍務院於肇慶，以爲軍政民政對內對外之總機關，其內容之概要，如何組成之？對於袁氏個人與總統問題各如何主張

七 袁世凱於何年月日，明令撤銷洪憲帝制？其所撤銷有何背景？總計袁氏稱帝者共多少時日？民國五年六月六日，袁世凱暴崩於新華宮，遺命何人繼承總統？袁世凱之帝制運動，蓋取法於拿破崙第三，夫以法蘭西數十年自由思想深入之國家，路易拿破崙猶得改共和爲帝政者垂二十餘年，吾國共和制度，行之未久，自由思想之漬於吾民腦海者未深，野心勃勃，龍跳虎臥之袁項城，運其鐵腕，費盡精神，僅搏得洪憲大帝八十三日，即身死名裂，混焉漸滅，不克與拿破崙比擬，其故安在？



八 當袁氏運動帝制之初，日本曾竭力慫恿之，引其入彀。迨袁氏帝制成熟實現之際，日使則主動聯合駐京公使，對袁氏一再提出嚴重警告，表示反對，且派遣數軍人策士參加中國國民黨之倒袁運動，更於滿洲集宗社黨，起勤王軍。故袁氏帝制在日本外交上所受之打擊，其力當不在護國軍之下，惟日人之所以出此，抱何目的？

第六章 府院爭權與復辟

一 袁世凱暴崩新華宮，黎元洪繼位大總統，其履任之初，有何矯弊新政，以收拾善後帝制之殘局？

二 民國五年，府院之爭，有何緣起？此次蕭牆糾紛，當日徐世昌氏如何調解之？

三 一九一七年，即民國六年，一月，德國政府向世界各國宣布由本年二月一日起，將實施其新潛艇鎖海計畫。於是世界各國，先後對德提出抗議，固無論矣。中國者，乃東亞之一病夫耳，於二月九日我政府亦毅然對德提出抗議，若大有精神魄力者然，其背



景何在？主張提出抗議者，以何人爲最力？

四 中華民國於何年月日明令公布對德絕交？當日我國之駐德公使與德之駐華公使，各係何人？歐戰之役，日本政府始終不欲中國參加協約，結果中國則終參加協約矣，日本亦無如之何，其故安在？當中國參加協約之際，日本與英俄法義各結何密約，以爲日本承認中國參加協約之交換條件？

五 我國對德絕交公布後，反對之聲四起，當日之反對派以何人爲中心？而堅決主張對德宣戰之段祺瑞，則用何方法以應付反對派，以求貫徹實施其原始計畫？

六 衆議院將對德宣戰案付之緩議，持何理由？該案擱置後，段派則主張解散國會，國會則主張罷免段祺瑞，結果，黎總統乃循國會之請，於民國六年五月二十三日，明令罷免段祺瑞內閣總理職，其背景何在？段氏免職後，段派督軍團，以何方法密謀抵制，運動倒黎？段派督軍團紛紛獨立，中央政府垂危之際，黎總統何故特請張勳來京任調



停？張勳來京之先，電要黎氏以何條件？黎元洪非法解散國會，時在民國何年月日？

七 張勳康有爲擁清廢帝溥儀復辟，時在民國何年月日？其復辟之蘊釀，有何淵源？宣統復辟後，黎元洪將總統職權，交付何人？復任何人爲國務總理？黎氏個人則逃往何處？

八 張康復辟，段祺瑞馬廠興師討逆，當日之討逆軍，共分幾路，直撲京師？每路軍各以何人爲司令？迨復辟軍在天壇最後失敗後，張康二逆，各逃亡何地？按人道公理言之，復辟後之溥儀，應如何處置？

第七章 西南護法與南北分裂

一 張康復辟之結果，黎元洪引咎去職，副總統馮國璋於何年月日在南京宣告代理總統職務？



二段祺瑞討平復辟軍二次組閣，其閣員之人選，概屬於那兩黨派？其組閣之手續，有何不合憲法處？民國六年六月十二日，黎元洪之解散國會，按法理言之，不能生效，有何理由？而段內閣何故不復召集非法解散之舊國會，竟另召集臨時參議院以代之，開毀法造法之惡例，致令南北分裂，不能統一？

三段祺瑞二次組閣，貫徹其原始主張，於何年月日對德宣戰？

四 民國六年，廣東軍政府如何組織之？此次軍政府所以組成實現，由於實力派中之何人傾心贊襄之力？當日軍政府之國會，何故稱謂非常國會？軍政府組成後，西南護法派之勢力蔓延及於何省？

五 民國六年九月十八日，湖南零陵鎮守使劉建藩宣布獨立，同情護法軍，此事有何緣起？零陵寶慶相繼獨立，南北兩政府各派兵援湘，當雙方相持激戰之際，而北軍師長王汝賢范國璋突然於民國六年十一月十四日通電停戰，直督曹錕鄂督王占元蘇督李純



贛督孟恩遠，亦聯銜通電，請停戰言和，其背景各安在？長沙於何年月日爲湘桂粵聯軍佔有？

六 馮段當國，政見不同，段主武力統一，馮主和平統一，結果均失敗焉，其故安在？段氏武力統一失敗辭職後，馮國璋卽特任王士珍署國務總理，其用意安在？民國六年十二月三日，皖派督軍天津會議，於南北之和戰問題，有何決議？

七 民國七年，一月二十六日，馮總統沿津浦路南巡至蚌埠，名曰檢閱軍隊，視民疾苦，其目的則安在？馮氏既抱和平統一政策，何故違反主張，任曹錕張敬堯張懷芝等督兵南征？民國七年，二月二十六日，張作霖遣兵入關，設總司令部於軍糧城，沿途分駐於平奉路線，名曰派兵南下，其實則抱何目的？

八 國務總理王士珍，何故不能久於其位，卽去職，而段祺瑞三次出任閣揆？當民國六七兩年，段內閣時代屢次所借日本之債款，其總額共約若干？此大宗借款，大抵作何



應用？當時日本以經濟政策助長中國之內亂，約言之其目的蓋有那三端？夫日本單獨投資，侵略中國，此與列強在華之機會均等主義，實相違反。然日本坦然爲之，何故亦無第三者之干涉？

九 民國六年，十一月十日，開幕之臨時參議院，七年八月十二日，成立之安福系新國會，參衆兩院之正副院長各是何人？

十 廣東軍政府之元帥制，何故改組？改組後所舉之七國務總裁，各是何人？當時粵政府之非常國會，既不足法定人數，乃用何法遞補湊足？

十一 馮國璋於民國六年，七月六日就位大總統，何故於七年十月十日即屆期滿任？民國七年八月十二日，馮氏通電聲明，屆期下野，表示意見後，北京新國會即籌備大選，大選結果，文治派徐世昌氏當選，而馮段兩實力派皆不中焉，其故安在？廣東非常國會不承認非法國會之大選爲有效，於民國七年十月九日，徐世昌即位之前一日，曾



通電聲明，將大總統國務院職權，暫委任何機關代理執行？

十二 徐總統即位伊始，南北戰爭遂歸沉寂，和議運動臻成熟期，約言之其重要之背景有那三端？民國八年二月六日，南北各派代表幾人赴滬磋商和議？和會開幕後，以何問題致使和議再三停頓？迨民國八年五月十日，巴黎和會魯案噩耗傳來，南代表伍廷芳氏即提出嚴重八條件，要求北政府承認之，北政府不能同意，雙方爭執，有何結果？

#### 第八章 中日山東問題及五四運動

一 歐戰告終，民國八年一月十八日，巴黎和會正式開幕，我國所派之赴會代表是那五人？和會開幕之先，對於各國出席代表人數之規定，英美法義日五列強各有代表五人，次於五國者僅巴西塞爾維亞比利時得各派代表三人，其餘各國則皆二人或一人不等；我國既不儕于五強之列，何故得派代表五人？巴黎和會之議事程序，分爲十人會，



總會委員會三種，何種會議權力最高？

二 巴黎和會開幕後，我國代表向最高會議提出兩大議案，其內容各是何條件？該會議對此提案如何答覆？

三 民國八年一月二十八日，巴黎和會議及魯案問題，當日日本全權代表牧野氏，向最高會議提出要求書，其內容對於魯案如何主張？翌日我代表顧王兩氏，對於魯案提出意見，則主張膠澳租界地膠濟鐵路及其他關於山東之德國權利，由德人直接交還中國，所持之理由有那五端？

四 巴黎和會，我代表所提出之議案，一本于人道公理，而英法義諸國則一致袒日，不肯仗義執言，其背景安在？阜姆 Fiume 港在何處？巴黎和會義大利要求佔有阜姆，持何理由？其理由是否充足？美總統威爾遜氏明白宣言反對義大利佔有阜姆。與義大利代表悻悻然退出和會，各在紀元何年月日？威爾遜氏與義大利代表對於阜姆問題，互



相爭執，各走極端之際，日本乃乘此時機，用何方法，脅迫和會悉照日本之主張，以解決魯案問題？

五 將中日間一切密約，明白宣布于巴黎和會，此何人之提議主張？其實行宣布時在何年月日？中日密約，最關重要者，是何條約？中日密約宣布後，我國在和會之位置，一落千丈，其故安在？

六 巴黎和會之結果，對於魯案問題如何解決之？巴黎和會中國所以失敗，其重要原因有那三端？

七 何謂五四運動？五四運動之緣生，有那二大背景？當日北京學生之示威遊行，演成何慘劇？五四運動之羣衆，要求政府罷免曹，陸，章，政府則慨然俯順輿情，明令罷免之，其故安在？

八 巴黎和會對德和約，當日我代表有何不能不拒絕簽字之情勢？此次我代表所以毅然



不簽德約，其重要之背景安在？我國拒簽德約後，引起何國之輿論與表同情？我國既拒簽德約，何故簽字奧約？五四運動在我國近世史中，有何價值？

九 五四運動後，中日交涉紛起，其背景安在？中日之福州，廟街，瑋春諸案件，其發生各爲何問題？其發生之時間，各在民國何年月日？至終各如何結果？

十 民國五年日本政府竭力運動北京當局，中日直接交涉魯案，約言之其背景有那三端？民國九年，一月十九日，日本公使小幡提交我外部要求魯案直接交涉之通牒，中國若承受之，允日人之主張，則日本有無窮之利，中國有無窮之害，試澈底暢言其理由。○靳內閣接得日本之直接交涉通牒後，態度暗昧，大抵贊成日人之主張，然結果則不能如願，不得已辭職而去，其故安在？北京政府拒絕魯案直接交涉之覆牒，送交日使，時在民國何年月日？

## 第九章 南北分裂後之交訌

### 中國近百年史問題研究



一 民國九年，直皖戰爭之釀成，其背景安在？當時吳佩孚原駐防衡州，何故于民國九年五月，自動撤防北上？吳師撤防後，湘省政局，有何劇變？

二 直皖之役，雙方各以何人爲總司令？各分幾路出師？是役也，段祺瑞向日本借款若干，以充軍費？直皖戰爭之結果，皖軍失敗後，安福系要人各如何處分？

三 民國五年，廣東軍政府滇軍唐繼堯與粵軍莫榮新韶州始興之小衝突，有何原因結果？

四 廣東軍政府自取銷大元帥制改爲總裁制後，大權何故獨落于主席總裁岑春煊之手？當時軍政府之重要人物如大孫，二唐，二林，伍廷芳，吳景濂等均不能與岑氏合作，其故安在？

五 民國九年十月二十四日，岑春煊通電取銷軍政府，事先與北京政府有何條件之交換？岑氏通電取銷軍政府後，粵督莫榮新之取銷自主；駐閩漳泉陳炯明之入據廣州；各



在民國何年月日？岑氏取銷軍政府之通電，與軍政府之存亡有無關係？

六 岑氏通款北廷後，北京政府擬用何方法籌備統一？其統一之計劃有何結果？

七 民國九年，十月三十一日，孫中山等通電否認北京非法政府之偽統一，持何理由？

自岑陸離粵後，廣東軍政府，如何改組？

八 民國十年，粵桂之爭，其緣生有何背景？粵桂之役之結果，桂軍所以失敗，其原因安在？粵政府完全佔有廣西後，將該省之軍民兩政，各委任何人？何謂三民主義？

九 當民國建立之初，國民黨即有主張聯邦制者，然此說之在當時，則不合國民心理，不能喚起社會之同情。迨西南護法，南北分裂之後，而聯省自治之潮流遽形陡張，一時之名流多贊成之，其故安在？聯省自治之提倡，以湘省爲最早，湘之省憲完成，自治成功，時在民國何年月日？

十 民國十年，湘鄂之戰之遠因有一，近因有二；川鄂之戰之遠因有一，近因有三；各



是何問題？湘鄂川鄂之戰爭經過，各有何結果？

第十章 西藏交涉與外蒙變動

一 民國六年，藏番乘何時機，內犯川邊，佔有察木多附近十餘縣？民國七年，十一月十七日，以英副領使之調停，中藏在昌都締結一年停戰條約，其內容規定，漢藏軍各駐守何處，在停戰期中，彼此不得侵犯？

二 民國八年，五月二十日，八月十三日，中英關於西藏問題交涉之結果，英使提出兩種辦法，其內容各係何條件？

三 民國八年，九月五日，北京政府外交部通電各關係省份，宣布自民國三年以來中英藏交涉之經過，並徵詢意見，此事有何緣起？按此通電之內容而觀察之，當時之北京政府，對於川邊之地理形勢，是否明了？北京政府既昧於川邊之地理形勢，受人攻擊，乃用何名義，拒絕英人，不與開議西藏問題？



四 民國八年，外蒙活佛王公等自動請願取銷自治，歸化中央，約言之其背景有那三端？外蒙所以自動撤消自治，與駐庫都護使陳毅之懷柔政策，有何關係？

五 當外蒙撤銷自治之際，駐庫都護使陳毅與西北籌邊使徐樹錚，對於外蒙之撤治辦法，其主張有何不同？所以不同，其背景安在？

六 外蒙呈請撤消自治，時在何年月日？外蒙撤消自治後，徐總統加封活佛與佛妻以何徽號？以何人爲冊封專使？責成何人督辦外蒙善後事宜？

七 外蒙既撤銷自治，我外部於十一月二十四日——民國八年——即照會駐京俄使，聲明將一九一二年，一九一三年，一九一五年，中俄蒙所訂之各種條約，概行取銷。俄使當日乃據何理由，提出抗議？其抗議有何結果？

八 民國八年，呼倫貝爾各蒙旗王公等，呈請何人代達中央，撤銷自治？

九 外蒙自民國八年十一月，取銷獨立，歸化中央，與母國脫離關係者凡歷八九年之久



至此乃得恢復舊狀。然爲時不及一年，而外蒙之禍又作，卒於民國十年二月，復宣布獨立，蒙人何如是之好亂耶！蓋非偶然矣，約言之有那二大背景？——（一）由於中央錯任徐樹錚督辦外蒙善後事宜（二）由於日本積極經略外蒙之結果。

九 俄白黨謝米諾夫恩琴等之陷庫倫劫活佛各在民國何年月日？該黨陷庫倫後，其兵鋒四出蹂躪至何處？我政府以何人爲援庫總司令？以何人爲蒙疆經略使？庫恰相繼失陷後，西北籌邊使陳毅出奔何處？更任何人爲庫烏科唐鎮撫使？

十 俄白黨之佔據外蒙與遠東赤塔政府共和國，有何重要之關係？俄赤軍於何年月日逐去白黨，佔有庫倫？白俄失陷庫倫後，而恩琴有何結果？

十一 民國十年，赤俄扶助外蒙組織正式蒙古國民政府，於政治各部如何設置？其最高權力歸何機關掌握？於民權如何保障？於王公等所有之特權如何限制？

十二 外蒙國民政府成立伊始，而王公活佛等即呈請內向，歸化中央，其背景安在？



## 第十一章 華盛頓會議與中國之關係

一 華盛頓會議，太平洋會議，華府會議，華會乃一名詞之變稱，其命名各有何緣起？

華盛頓會議爲何人發起招集？該會議之所以招集，其原因有那三端？參與該會者共有那九國？自何年月日正式開幕？共歷多少時日，始閉會完結？

二 中國參與華盛頓會議之際，在政府方面，國民方面，各有何預備？政府方面，國民方面，各派何人爲出席代表？

三 華盛頓會議開幕後，於一九二一年十二月十日，英美法日成立四國協約，其內容之要點有何規定？該約之所以成立，有何原因？——美國本不主張加入任何協約者，然軍備業經限制，若英日同盟不取銷，則美國非常危險，故美國不得不加入協約以取銷英日同盟也。○惟英日二國有二十餘年同盟之關係，恐其易於接近，故又主張邀請法國加入，於是四國協約始成立？——該約之成立與中國方面有何影響？——此約是否與



中國有關係，當時美國代表答覆中國代表聲明謂『四國協約，完全爲太平洋內之和平而立，與東亞大陸，毫無關係，太平洋內，中國既無領土，無加入之必要。』——然要之該約於有效期間，有防止日美戰爭之效力，又明白規定廢棄英日同盟，當然與中國無惡影響也。

四 華盛頓會議，於軍備限制案，規定英美法日義五國之海軍主力艦隊，成何比例？各種戰艦噸數之比例，雖有詳細之規定，然果能按原案一一通過否？

五 華盛頓會議，在遠東問題委員會，我代表於一九二一年十一月十六日，提出之十大希望，美國務卿路特改訂爲四原則，與一九二二年，二月六日，由大會通過與會全體之九國條約，其內容各是何條件？

六 華盛頓會議之結果，對於中國的魯案二十一條，廢止租借地，關稅增加，客郵，無線電，領事裁判權，外國駐華之軍警，勢力範圍，中國條約，中國中立權，中國鐵路



共十二大問題，各如何解決之？考華盛頓會議，中國雖得平等參加，然實被日本壓迫到底，山東問題雖由中國提交大會，得英美二國之調停監視，演成變相之直接交涉，始得在華會解決。至二十一條問題，日本則明在大會拒絕討論，設非美國之反對，中國保留案且幾不能登載於會議錄，其他歐戰期間，日本掠奪中國之各種權利，與武力迫訂之一切不平等條約，更無一項得以解除。其他所提之十一案，無論原則與事實，皆係中國與各國一般的問題，無所謂特定國間之事，故皆得提出於大會，分別討論解決。其中關於事實之案，予我國以滿足之結果者，惟一撤廢客郵而已。其他之事實各案，則皆歸於半結果與無結果之間，其背景安在？——當美總統哈定以建議開軍備限制會議於華盛頓之通牒交付駐美關係各國公使時，各國皆無條件欣然承諾，惟日使覆牒則再三申明先決條件（一）開會以前先行協定議題，日本乃可加入會議（二）對於太平洋與遠東問題之討論，只能限於一般之主義與政策而止，其關於特定國間之問題，與



既成之事實，日本則拒絕討論之。——所謂一般主義與政策者，蓋指各國共同對於中國之事，非日本單獨對於中國之事也。○其所謂已成之事實者，如德國在山東之權利，業已由巴黎和約讓於日本，以及二十一條約與其業有條約或契約之規定者，日本皆不承認作爲華盛頓會議之議題也。○日本之主張，美國雖先後聲明，不能承認，然日本亦始終不肯屈服，美國固無如之何，與會他國亦無如之何也。

七 概言之，華盛頓會議，中，美，英，日四國各得何結果？

第十二章——奉直戰爭，與南北政局

一 民國十一年，奉直戰爭之釀成，約言之有何背景？

二 奉直將戰之際，雙方之軍隊各如何配置？事先直軍對於豫督趙倜，皖督張文生，廣東軍政府，各有何措置，使奉軍所恃以牽制直軍者，盡成畫餅？直奉之役，結果奉軍敗績，奉軍之所以敗，直軍之所以勝，就戰略言之，有何理解？奉軍既敗於近畿各地



，而奉張退至灤州，於唐山通平古冶昌黎等處，挖壕築壘，預備反攻，而直軍乃用何作戰新計畫，驅逐該地一帶之奉軍於關外？

三 直奉之役，奉軍既敗，而直軍不事窮追，惟驅逐奉軍於關外而止，其故安在？直奉戰後，東三省宣布獨立，舉張作霖爲東三省保安總司令，各在何年月日？且奉軍失敗之際，五月十日，徐總統已明令罷免張作霖職，裁撤東三省巡閱使，以吳俊陞署督奉天，馮德麟署督黑龍江矣，何故皆不生效力？

四 直奉戰後，梁士詒免職通緝，內閣如何改組？當時徐世昌雖力謀固位，然不能不去職，黎元洪久蟄津門，得再膺大任，重登舞台，其背景各安在？黎氏履職之先，乃先要求曹吳等以何項條件？

五 民國十一年，六月十三日，黎元洪明令撤銷民國六年六月十二日之解散國會令，舊國會正式復活，於是民六民八之爭議起，彼亦一是非，此亦一是非，嘵嘵競鳴，莫衷



一是，各持何理由？平心論之，果有無曲直是非？

六 民國六年，國會恢復後，其中含有之政黨，甚為複雜，約言之有那八大政黨？各政衝黨中，各有何重要人物？

七 孫中山陳炯明突之所以釀成，約言之有那三大背景？孫陳所持之政見，有何根本不同之點？孫以何手段迫陳加入國民黨籍？

八 民國十一年，四月二十一日，孫文毅然下令，罷免陳炯明本兼各職，孫陳之決裂，於三大遠因之外，更有何時緣以促成之？孫陳決裂後，孫中山與陳部之葉舉軍隊結何深仇？迨葉軍返粵發難，而孫派有何結果？

九 當民國十一，二年中，西南各省若粵，桂，閩，川，各有何混亂之經過？

十 奉直戰後，直系分裂為津保洛三派，各以何人為中心領袖？

十一 歐戰後巴黎和會對於中國負欠之德奧債款一百一十餘萬磅，議決提歸德奧對於中



國之賠款項下後，此項債票在歐洲市面之價格低至幾折？當時之德奧奸商，用何方法，利用該項債票來中國施行詐騙？按華義銀行華經理徐亞翰之口述，羅文幹長財政時，於何年月日秘密訂立奧國借款展期合同？衆院正副議長吳景濂張伯烈告發羅案後，黎總統對於羅氏即如何處置？

十二 張紹曾何故見愛於黎元洪吳景濂，而獨見惡於吳佩孚？民國十一年十二月黎元洪提出張紹曾組閣，洛吳何故不起反對之？張氏任閣揆之初，抱何大政以謀統一？其政見何故不得實施？張閣期內，對於何項措置遺害國家最鉅？

十三 崇文門稅款，薛篤弼督辦以前，該項收款皆歸何項應用？張紹曾之辭職赴津與崇關問題，有何關係？張揆去職後，保方閣員與陸軍檢閱使馮玉祥，步軍統領王懷慶，用何方法逼宮驅走黎元洪？

十四 民國十二年，六月三日，黎元洪出京赴津，北京政變後，南北兩方對於國會議員



各定何金錢價格招收購買，使神聖議會之尊嚴，掃地無餘，報章披載，貽笑中外？

十五 北京賄選議員選舉曹錕爲大總統，與曹氏之由保定入京就任，各在民國何年月日

？民國十二年國慶日，於天安門公布之中華民國憲法，其內容共有若干章條？

第十三章 反直戰爭及段祺瑞執政

一 反直戰爭之所以釀成，有何重要之背景？民國十一年，直奉戰後，吳佩孚遂成爲時局中心人物，刻意武力統一，對於粵孫奉張浙盧川劉各如何防範措置？

二 蘇浙戰爭，乃反直戰爭之第一幕，計其作戰時期，共歷多少時日？當作戰之初，蘇浙兩軍各定何軍事計劃？是役之結果，浙軍完全失敗，盧何出走日本，浙盧之所以不敵蘇齊，故其安在？迨盧何東渡後，其部下陳樂山楊化昭等忽再主戰，推徐樹錚爲總司令，以圖保有上海地盤，有何結果？

三 浙盧發難之先，已與奉張有何接洽？民國十三年九月開始之直奉之戰，兩軍各分三



路出師，每路各以何人主之？各配置於何地？各抱何戰略。是役也，當吳佩孚在榆關前敵與奉軍鏖戰之際，馮玉祥突於十月二十二日夜，自古北口撤兵回京，與孫岳胡景翼等通電停戰，共圖倒吳，考此劇變之緣生，有何背景？

四 馮胡等既倒戈，吳佩孚乃急退天津，密令鄂豫蘇浙諸省火速赴援，結果所望之援軍，則無一北上者，萬不得已，乃率部卒一部，由塘沽乘輪，浮海而南，其故安在？是役也，奉軍之所以勝，直軍之所以敗，其主要原因，固由於馮胡等倒戈所致；然就軍械，軍需，軍略，言之，亦有何關係？

五 馮玉祥於何年月日迫曹錕通電退位？曹氏退位後，能否得以自由？計曹氏在位總統，共歷多少時日？馮之前次逼黎與今次之逼曹，所用之手段，何者尤酷？

六 曹錕退位，顏惠慶內閣，除財長王克敏在逃，黃郛附和馮玉祥外，均去職，一時之中央政務如何支持？



七 民國十三年，十一月五日，馮玉祥迫清廢帝溥儀退出皇宮，廢除帝號，持何理由？並於原定之清室優待條件如何修正？馮之斯舉，於民國史上有何重要之價值？

八 馮胡倒戈，北京政變後，吳佩孚即通電主張組織護憲軍政府，蘇督齊燮元在南京亦召集八省及海軍聯合會議，擬借以號召，以收拾人心，然於實際上各有無重大之影響？

九 民國十三年，十一月五日，張作霖，馮玉祥，盧永祥共擁段祺瑞為臨時總執政，段氏乃於本月二十一日通電宣布大政方針，對於時局之糾紛，及一切根本問題，擬以何法解決之？

十 段執政時代，孫中山先生應國民軍諸將領之請，離粵北來，抵滬後，何故又轉道日本來津？途中遇何環境，遂觸發其舊有肝症？中山先生因患肝癌卒於北京鐵獅子胡同行轅，時在民國何年月日？享年若干？今之總理遺囑，是何人代撰，由中山先生親筆



簽字？

第十四章 反直戰後奉直國之相持

I 反直戰爭之餘波

一 蘇浙之戰，盧何失敗，東渡日本，其部下陳樂山等圖保有上海，事敗無成，其部下遂歸孫傳芳節制，駐守淞江，而陳則隱居滬濱，後陳之部下，何故又擁陳復職，再與孫軍起衝突，激戰於淞滬？孫陳淞滬之戰，有何結果？

二 民國十三年，十二月十一日，段執政明令罷免齊燮元蘇督之職，以省長韓國鈞兼任江蘇軍務督辦，盧永祥爲蘇皖宣撫使。夫盧爲安福嫡系，亦反直戰爭首先發難之人，故段氏執政之初，於十三年十二月三日，卽任盧爲直隸督辦，以酬其功。何故又改任爲蘇皖宣撫使？盧恃何軍之力，以入蘇驅齊？當時蘇軍諸將領，對於齊氏多持何態度？盧齊沿滬甯路線二次作戰，有何結果？



三 民國十四年一月杪，奉軍即抵上海與孫傳芳部相持於滬南，形勢危急，不可終日，幸吳光新抵滬，力主和議，對於浙奉兩軍如何調停，而上海一域，始得暫保須臾之苟安？

四 反直戰後，陝軍憨玉琨部，乘何時機，入潼關襲據洛陽？憨之倒戈反吳，本擬與胡景翼合作，孫岳與胡氏之入豫，憨軍實與有力焉，何故終釀成胡憨之戰？胡憨之爭，約言之有何結果？

II 奉勢南侵與孫軍北進。

五 反直戰爭，洛吳失敗後，奉張對於東南財富之區，抱何計劃？

六 張宗昌以五旅之兵力助盧入蘇，事成未獲相當地盤，乃大倡魯人治魯說，請政府明令督魯。然魯督鄭士琦則拒吳有功，且係段之舊誼，故段不忍割棄。爲委曲求全計，乃於十四年四月二十五日，明令發表張宗昌督魯，鄭士琦督皖，然結果張氏至濟南安



然就職、鄭則入皖被拒，不能赴任；且皖派嫡系院長王揖唐氏亦不得已辭職，其故各安在？

七 盧永祥督蘇何故不能久於其位，即通電辭職？民國十四年，八月二十五日，段祺瑞發表命令，其內容係如何調停國奉兩系，使其勢力平衡，以圖鞏固其執政之地位？

八 民國十四年，十月十日，孫傳芳組織皖贛蘇浙閩五省聯軍以抗奉，按其當日之環境而觀察之，有何勢不得已之苦衷？並借何名義與奉軍開戰？

九 孫傳芳於十月十七日——十四年——抵滬，沿滬寧路西進，奉軍節節後退，爲時不及一週，孫軍即抵蚌埠，楊宇霆鄭謙星夜棄南京遁，姜登選亦棄職北走，上海奉軍邢士廉旅之一部，且被孫軍繳械，奉軍之所以不加抵抗，急速撤防，其故安在？迨孫軍抵蚌埠後，與奉軍始大激戰於徐州之南，時奉軍欲由津浦側線以攻淮海，謀截斷孫軍陣線，其計劃何故不得實行，不得已，乃放棄徐州，退守臨城？孫傳芳抵徐州，召集



軍事會議，決議徐州以北之軍事，歸何軍負責？

十 孫傳芳組織五省聯軍以發難，吳佩孚雄心復起，乘艦抵漢口，自稱受蘇浙閩等十四省之擁戴，任爲聯軍總司令，設司令部於漢口之查家墩，吳氏雄心，抱何計劃？其計劃何故皆不果行？

### III 奉國戰爭

十一 反直戰後，奉國兩系之軍隊，其總額約各擴張至若干萬人？

十二 反直戰後，李景林以何方法取得直督之位置？李景林雖督直，而保大北京宣化張家口則皆在國民軍之手，李乃索取保大與京畿防地，結果各如何和平解決？

十三 反直戰後，胡景翼督豫，孫岳長豫，然國民第三軍則不思染指河南，積極圖陝，國民二軍則一方以河南爲根據，一方又積極攻魯取直，向外發展，其背景各安在？孫岳之武裝入陝，由於何軍之助力？岳維峻之攻魯取直，各以何人爲總指揮？岳之攻魯



也，定何軍事計劃？

十四 民國十四年，十一月十三日，段執政又申和平之令，以調停國奉，冀以消弭戰禍，其內容是何辦法？實際有何結果？國民二軍於何年月日佔有保大？

十五 郭松齡之倒戈反奉，有何背景？郭由津回灤州防地，宣布立獨，自稱東北國民軍，時在何年月日？事先郭與李景林國民軍均已密謀聯絡，迨郭軍發難，李景林何故反覆阻止國民一軍由京奉路出師援郭？且一面出兵以攻郭軍之背？

十六 李景林阻止馮軍由京奉路出師援郭，遂致馮李兩軍激戰於近畿，結果李軍不敵，國民軍於何年月日佔有天津？

十七 郭松齡反奉之結果，所以兵敗被殺，其原因安在？

十八 李景林失敗後，乃率殘部往依張宗昌，組直魯聯軍以反攻，郭松齡失敗，奉張決意分兵四路進逼國民軍，以求洩憤，結果國民軍不支，乃於十五年三月二十一日，南



北兩軍同時退守京津，而李景林乃於何年月日復佔天津？國民軍既失天津，奉軍乃分兵三路，各由何處進逼北京？

十九 段祺瑞出任執政，本爲國奉兩系之擁戴，迨奉軍三路猛撲北京，國民軍總退却時，國民軍何故又突收編段政府之衛隊，宣布段之罪狀，恢復曹錕自由？國民軍於何年月日完全退出京師，扼守南口？國民軍既退出北京，段祺瑞猶依依戀棧，尙欲借奉勢復職，其計劃何故不得實施，只得逃亡天津？

二十 反直戰後，吳佩孚以何計劃，得於民國十五年重入河南？國民二軍所以失敗，放棄河南退入陝西，其原因安在？

二十一 國民第二軍既潰，國民第一三兩軍亦不能支持，乃放棄北京退守南口，分三路布防，鹿鍾麟，宋哲元，韓復榘各駐防何處？國民軍退出北京後，中央政局，有何變化？



二十二 國民軍退南口，對晉閻頗表示聯絡，結果何故終不免一戰，致使國民軍包圍大同，佔有雁門以北諸要地？當大同危急時，而靳雲鶚乃按兵不動，坐觀成敗，其故安在？

二十三 民國十五年，奉直晉會攻南口，國民軍以寡不敵衆，不敷調遣，後路空虛，子彈缺乏，乃於何年月日各路總退却？

二十四 民國十五年，九月十六日，馮玉祥由俄回國，抵五原，復國民軍總司令職，決意入陝甘，轉道出兵河南，惟其當時之宣言，有『中山主義，驅我而歸』之語，含何義意？國民軍既放棄西北，而奉軍勢力遂長驅西進，以至何地？

#### 第十五章 黨軍北進後之局勢

一 民國十三年，孫中山等在廣州召集國民黨第一次全國代表大會，改組國民黨，決定本黨之總章及施行之政綱，此事有何緣起？此次國民黨改組後，其精神與形式各有何



進步？——須參看中國國民黨第一次全國代表大會宣言，及中國國民黨總章？

二 孫中山應國民軍馮胡等之請，於十三年七月十三日離粵北上，將大元帥職權與東南兩路之軍事責任，各委託何人？

三 民國十三年，沈鴻英攻桂，十四年正月沈鴻英復攻桂，各有何結果？十四年二月，唐繼堯乘沈陸之爭，入南甯欲假道以攻粵，陳炯明響應之，協力以謀覆粵政府，粵政府乃以何法防禦之，使其皆不得逞？

四 民國十四年，滇軍楊希閔桂軍劉震寰等，南聯唐繼堯，北結段祺瑞，反抗政府，謀佔廣東，希達其大軍閥之迷夢，有何結果？——楊劉謀叛之初，廖仲愷迭起疏通，均無成效。○四月滇桂各軍積極備戰，將圍攻大元帥府，胡漢民乃避居沙面，飛調各軍應援，時蔣介石方駐軍潮汕，得電即帥黨軍偕湘——譚延闓——滇——朱培德——粵各軍赴援，分途進攻，六月十六日，大破楊劉軍二萬餘人於廣州，楊劉均逃滬。



五 在粵之反革命勢力既依次剷除，胡漢民乃改組元帥府爲國民政府，用委員制，十四年七月一日，國民政府正式成立，置委員十六人，各以何人充任？

六 國民黨改組後，孫中山先生乃命蔣中正籌辦黃埔陸軍軍官學校，成立學生軍，此事之由來有何背景？——孫中山先生在屢次革命運動中，均感無真正革命黨軍之苦，此爲中國革命不能成功之重大原因。南京政府時代，因在政府旗幟下之軍隊，均屬烏合之衆，無戰鬥能力，於是不能不與袁世凱妥協，癸丑二次革命，亦因獨立各省，缺乏爲主義而戰之軍隊，故歸失敗。蓋革命進行，最要者爲破壞舊政治機關，軍隊爲破壞舊政治機關之重要部分。在北方不能將北洋數鎮軍隊破壞，故延長反革命勢力。在南方雖已破壞舊軍隊，而不能產生新的有主義之軍隊。於是不能脫離兩種方式；一爲用烏合之民軍，毫無訓練，缺乏戰鬥力量。一爲利用現在之軍隊，遇有事變，卽成革命之敵人，此兩種軍隊，決不能與人民合作；而中國屢次革命，以無革命黨軍故，竟不



得不利用以上兩種軍隊。如陸榮廷唐繼堯等，均曾一度號稱革命軍，結果均一變而爲反革命；於是效果未見，而障礙反生。及國民黨改組，其時楊希閔劉震寰等假革命軍之名，圖個人私利。孫中山先生知此種軍隊必不能爲國民黨鬥爭，且將來必受其害；乃命蔣中正籌辦黃埔陸軍軍官學校，授學生以軍事知識，加以政治訓練，使學生均明瞭國民黨之主義，能爲黨義奮鬥犧牲。以其畢業學生組織黨軍，入伍生，仍時時加以訓練，在黨軍中置政治宣傳員，黨代表負政治訓練宣傳之責。由黨軍訓練成功，以爲統一中國惟一之革命軍隊——見中國革命史

七 蔣中正組織黨軍，自任軍長後，胡蔣何故又起齟齬？陳炯明乘胡蔣之爭，復入汕頭謀反動，有何結果？——見敗於黨軍，惠州潮汕次第被黨軍收復，陳在粵之勢力，完全撲滅，乃離粵赴滬，至漢口投吳。

八 黨軍北進，以湘鄂之戰爲導線，湖南師長唐生智憤僞造民意，而當選之湖南省長趙



恒惕之假名自治，實行割據，植黨營私，起兵逐之，時在民國何年月日？趙恒惕既失敗，乃赴漢口求援於吳佩孚，趙素與吳勾結，爲吳所卵翼，今兵敗來投，吳自利用之以荼毒西南，推翻革命，乃遣何人以援湘爲名，實行侵湘，以進窺兩廣？吳軍投湘，唐軍與之戰不利，乃退出岳州再退衡陽，鄂軍孫建業部於何年月日長驅入長沙？

九 民國十五年，三月二十日，共派海軍局長兼中山艦長李之龍等之謀變，此國共兩黨分裂之肇端，結果則國民黨勝利。當時國共兩派之中心代表，各是何人？國共肇變後，蔣中正乃將黨務如何整理？

十 唐生智退衡陽，向國民政府求援，國民黨中央執行委員會，乃決議國民革命軍總司令職權及組織法，咨國民政府，任命蔣中正爲國民革命軍總司令，統率各軍誓師北伐，計當日之國民革命軍，凡有八軍，其軍長各是何人？蔣中正於何年月日就國民革命軍總司令職於廣州市之東校場？當時國民黨中央黨部特派何人爲代表監誓授旗？



十一 自黨軍北進，勢如破竹，風馳電掣，席捲兩湖，吳師瓦解，潰不成軍。○黨軍之光復長沙，岳州，漢陽，漢口以及辛亥革命，首舉義旗之武昌，各在民國何年月日？計黨軍總司令蔣中正，自躬親離粵北伐，以致光復漢口，僅歷多少時日？

十二 漢陽漢口既下，吳軍師長劉玉春，吳委之湖北軍事善後督辦陳嘉謀復入武昌固守，作困獸之鬥，不惜以人民作孤注，以圖保其一身之利祿，抵死堅守孤城，至終有何結果？

十三 黨軍北進，長岳次第光復，吳乞援於孫傳芳，孫乃按兵不動，宣言『保境安民，人不犯我，我不犯人』對南表示不輕用兵，迨至何時始與黨軍正式宣戰？

十四 民國十五年，黨軍與孫在江西境內之大激戰，黨軍之光復南昌者前後凡經三次，一二兩次光復後，不旋踵間皆復被孫軍佔有，黨軍失而復得，孫軍得而復失，直至何時，黨軍始獲最後勝利，完全佔有江西？



十五 十五年九月十五日，爲黨軍光復南昌之第一次，是役黨軍以何計劃，未經激戰，即入南昌？黨軍雖克南昌，但孤軍深入，援師未至，孫軍反攻，乃復行退出。而受孫委任之江西督辦鄧如琢乃復據南昌，鄧氏入城後，對於南昌之民衆，如何摧殘屠殺？——傳令軍隊大掠三日，並縱火燒毀民房數千家，更頒密令繳一首級者賞銀若干，於是學生工人等動遭慘殺，堂堂省會，頓成瓦礫墳墟。

十六 江西督辦鄧如琢，何故被孫撤任，即代以鄭俊彥？十五年十月十二日，黨軍二次光復南昌時，孫軍謝鴻勳部受何重大之損失。有主義之軍隊與無主義之軍隊戰，則無主義之軍隊必敗，有主義之軍隊必勝，此無論矣，單就戰略方面言之，是役黨軍之所以勝，孫軍之所以敗，亦有何理解？——黨軍每以便衣隊扮作農民學生商人乞丐等潛入目的地，在雙方大戰時，脅迫敵人之背，以亂陣容，使惶惶失措無以爲備。

十七 十五年，十月十二日，鄭俊彥退出南昌，孫傳芳乃調各軍由德安前進，猛攻南昌



，大獲勝利，復佔有之。時川軍楊森亦東下佔有沙市，蔣中正有陣亡之謠，聯軍方期一鼓直下，席捲湘鄂，不意浙江省長夏超，突於十月十五日就黨軍軍長職，宣言獨立，與孫軍以重大之打擊，然夏超獨立之結果，何故失敗，而逃亡寧波，不明下落，孫軍復入杭州？

十八 十五年十一月馬廻嶺之大激戰，此黨軍與孫軍在江西境內最後之勝負也，結果則黨軍獲全勝焉，其故安在？——時孫傳方以粵蔣已死，統帥無人，黨軍大敗，無力反攻，樟樹高安之聯軍，不久將長驅入湘，橫斷長岳黨軍之聯絡，則大功可成。然黨軍則利用聯軍之不備，於江西方面暗增生力軍約五萬，由箬溪武寧爬山越嶺，直趨德安馬廻嶺。同時唐生智劉佐龍，亦向鄂東出發，迫武穴九江。十月一日兩軍激戰於馬廻嶺，相持一晝夜之久，聯軍馬登瀛旅敗退黃老門。四日瑞安黨軍攻九江，突有便衣隊數十人侵入該地。聯軍不知敵從何來，遂惶惶潰退，九江南昌湖口相繼失陷，孫傳方



踉蹌回南京，其神經遂感錯亂。

十九 民國十六年二月二十八日，孫傳芳宣告下野，將所有軍隊交盧香亭統率，退駐江北，暫爲休養，將滬寧路全線歸魯軍負責。魯軍前鋒畢庶澄部遂於二月二十四日進抵上海，以圖反攻浙江。結果，三月二十二日黨軍白崇禧部入上海，二十四日黨軍程潛部入南京，完全佔有滬寧，畢逃歸青島，於四月五日被張宗昌在濟南槍決焉。淺言之，魯軍所以放棄寧滬，不敵黨軍，有何理解？

(一) 三月一日陳調元白寶山葉開參附黨軍証實，於是黨軍得以長驅過皖直攻南京。

(二) 自杭州失守，滬上工人罷工，爲黨軍聲援，加入者達十餘萬人。赤手空拳與魯軍相搏，在閘北之戰，尤爲激烈，死傷數百人。

(三) 滬寧鐵路工人千餘名罷工，往來列車，全行停止，後雖以武力強迫復工，然仍暗中運動破壞交通。



(四)海軍由楊樹莊指揮投誠黨軍。

(五)孫魯軍周蔭人與畢庶澄不謀。

二十 所謂寧案者，乃如何釀成之？寧案交涉，惟英人態度最強硬，然結果亦和平解決焉，其背景安在？

二十一 黨政府於何年月日，移都武昌？移都武昌後，政府之內容如何改組？

二十二 黨政府既統有東南，各省遂紛紛成立委員會，以組織省政府，其成立之時期與主席之人選，能否一一殫述之？

二十三 吳佩孚自十五年九月，由鄂敗退河南後，無日不思反攻武漢，結果則中州片土，亦不能保，國民軍自潼關重入河南，其背景安在？——吳軍退入河南後，數經挫敗，疲困已極，不堪再戰。靳田魏各將領復以餉糈要脅，不服指揮，靳雲鶚主張聯唐以攻蔣，則事半功倍。吳張反對，未能採納，仍主討赤。靳乃暗結陝馮，國民軍遂於十



五年，十二月十四日，出潼關，佔陝州觀音堂，進逼洛陽。

二十四 國民軍入豫，吳部內訌，奉張乃派大軍分三路攻豫，有何結果？

二十五 黨軍既統有東南，魯軍退守津浦，大勢所趨，軍事重心遂移江北，結果黨軍日漸北進，而奉魯孫軍各循何路線節節北退？

二十六 寧漢之爭，有何背景？民國十六年四月十六日，武漢政府明令罷免蔣介石本兼各職，蔣則於十八日在南京另組國民政府，與武漢政府脫離關係，各用何名義？

(一) 武漢政府明令罷免蔣介石本兼各職，謂「蔣專橫，不經政府同意，竟任意罷免文武官吏，實屬目無中央」。

(二) 蔣在寧成立國民政府，則謂「南京建都係先總理所指定之地址，至爲適宜。而武漢既受蘇俄操縱，應一致推倒。」——甯政府成立後，而武漢政府則努力由左以傾右，將共產黨之過激分子驅之出境，其用意安在？



二十七 當寧漢相持之際，北方政局如何改組？而魯軍乘機反攻，進抵何處？

二十八 寧漢妥協，蔣介石突然下野，各有何背景原因？蔣介石下野後，南北軍事與寧漢之政局，各有何變化？

二十九 寧漢妥協後，唐生智得據有那三省之地盤？十六年十月二十日，南京政府下令討唐。此事有何原因結果？

三十 十六年十二月十一日，廣東共產黨起事，由於何人指揮之？此次事變後，黨政府與蘇俄國交，成何狀況？

三十一 民國十六年，九月，奉晉所以失和，約言之有何原因？奉晉衝突之初，雙方之軍事，各如何計劃？自九月二十八日，奉晉衝突開始，截至本歲終，在京綏京漢津浦隴海四線之戰事，各成何局勢？

第十六章 最近對外之外交



## I 臨城劫車

一 華盛頓會議後，中國之國際地位，外交狀態，有何新現象？

二 民國十二年，五月五日，夜半兩點五十分，匪首孫美瑤督匪千餘，於山東臨城車站架擄津浦快車中外乘客二百餘人，其目的安在？時該匪等之巢穴盤據在何處？臨城劫車案發生後，北京外交團激憤非常，中外國交幾至破裂，由中外人士竭力營救調解，官匪雙方交涉之結果，至五月三十一日始商定招撫條件，其內容是何辦法？

三 臨城劫車事變後，各地繼起劫掠行旅者計有數十起，外交團藉口保護僑民之生命財產，有組織護路隊及長江警備之動議，有國際共管中國之風說，然幸未實現，有何背景？按民國十二年，八月十日，北京外交團爲結束臨城劫車案，致我外部之通牒，其內容對於賠償損失，保障將來懲辦與此案有關係之官吏三大問題，各有何條件要求？其要求之條件，有何結果？當時吳佩孚對於鐵路警備問題，有何善後辦法，藉以避免



外人之干涉？

II 中俄協定

四 俄國自大革命後，帝國傾覆，勞農政府成立，自動宣言放棄帝俄時代在中國以侵略手段締結之一切不平等條約，並希望以完全平等之關係，恢復中俄邦交，更以扶持弱小民族，反對帝國主義相號召。於是久處於國際壓迫之我國民衆，遂與以熱烈之同情。然考蘇俄之所以出此，實有所爲而爲者，其目的安在？——其直接目的在鞏固蘇俄之國際地位，最後之目的，則擬在中國實行共產主義。

五 民國十二年，九月，蘇俄新代表加拉罕來華，發表第三次對華宣言，竭力標榜親善主義，惟要求中國先承認蘇俄，再開正式會議。北京外交團對此問題，則有何表示？迨民國十三年二月，中俄交涉督辦王正廷氏，乃與俄代表加拉罕積極交涉，突變前此停頓之狀態，其背景安在？是年三月十四日，議定之中俄解決懸案大綱十五款，暫行



管理中東路協定十一款，十五日提交閣議時，有那三端主張須加修正，不與通過，決令王督辦再與加拉罕氏商改？

六 民國十三年，三月二十日，閣議決定明令撤銷中俄交涉督辦，由外交部接收，中俄交涉，發生劇變。考此劇變之緣生，在中俄兩方，各有何背景？自中俄交涉破裂後，外長顧維鈞竭力疏通加拉罕，加氏置諸不理，顧外長乃用何方法，促使俄代表就範？

七 民國十三年，五月三十一日，成立中俄解決懸案大綱十五款，暫行管理中東路十一款，並附重要之聲明書七種，此我國外交史中第二次之平等協定也——一九二一年，中德協約，為平等條約之第一次——其內容係如何規定？

### III 庚款問題與金佛郎案

八 庚子賠款四萬萬五千萬兩，年利四厘行息，定以三十九年按表攤還，合計其本利總額則超過九萬萬兩，後美德奧俄法日諸國，何故相繼宣言退還庚款餘額？美法俄日退



還之庚款，各指定作何應用？

九 歐戰之結果，德奧俄法諸國之金融，生何紊亂？——德之馬克，奧之克郎尼，俄之盧布，其紙幣價格之跌折，只值金幣幾萬分或幾千分之一。法之佛郎，則一紙佛郎僅值一金佛郎三分之一上下。——庚子賠款，法國所得之賠償數目，約佔總額百分之幾？

十 民國十一年，七月九日，成立中法實業銀行復業協定，核其內容，法人以何狡猾手腕，實行其政治經濟侵略，俾我外交當局漫不加察，而誤墮其術中？——該協定就表面言之，不但與中國無損害，且與中國之大小存戶及多收該銀行鈔票之銀行錢店，大有裨益。然細考其精神所在，則含一極大問題。即法國欲圖中法實業銀行復業，必需令中國變更歷來電匯庚子賠款之辦法，而以海關銀兩折合硬金計算，即所謂還金佛郎是也。——金佛郎案之緣生，在中法兩方面各有何背景？民國十一年，法國要求庚子



賠款，須以金佛郎計算，有無根據理由？民國十二年，十一月二十八日，國務總理兼外長王正廷，對於法國公使之此項要求，如何駁覆？——大致謂『辛丑和約第六款所謂金款及用金付給等字樣，只有一種意義，即指金幣而言，用以區別賠款總數所稱之銀幣，斷非指硬金云云』——民國十二年二月，張紹曾內閣黃郛長外交，劉恩源長財政時，法公使以何外交手段促使張閣全體承認金佛郎案？當時國會甫經恢復，忽聞閣議全體通過金佛郎案，衆院乃於二月十二日召集緊急會議，對於該案決議抱何主張？

十一 段祺瑞執政之初，即刻意進行金佛郎案，其目的安在？民國十四年，四月十三日，由中法兩方議妥金佛郎案新協定八款，全文內容不見一金佛郎字樣，並經司法部審察呈覆『所有修正各點，均與我國有利，全文審核，已均穩妥無疵。』然試一經推敲，則有何疑義可質之點？——可參看孟世傑著中國最近世史第三編第二十章金佛郎案新協定之批評



十二 論段祺瑞之承認金佛郎案——段祺瑞自稱臨時執政，取消法統，組織新安福系內閣。以財政困難之故，垂涎於四國扣留之關餘鹽餘約一千五六百萬元急謀承認金佛郎案，以便提用該款。惟當張紹曾內閣議決賠款用金之時，段方在野，曾發電反對，今自己執政，即承認金佛郎案，無以自圓其說。乃千思百慮以爲混飾欺蒙之計。由財長李思浩與外長沈瑞麟負責，與法國駐京公使秘密接洽。尋得妙計，一面承認賠款還付照硬金計算，以達法國之要求。一面於條文上表明按照一九零五年所採用之電匯方法計算，以掩飾中國人之耳目。即將以後交付法國之庚子賠款，不照辛丑條約所規定用法國國幣佛郎計算，而改爲照美金計算。但仍聲明照一九零五年採取之電匯方法辦理，藉口爲法國之讓步。其實按一九零五年之協定，爲電匯佛郎，今改爲美金。佛郎價落，維持電匯成案，與中國有大利益，故國人爭之。美金無所跌落，縱然電匯，與中國亦毫無利益，國人有何爭執之必要？與其如此曲折詭秘，何若光明磊落，如張紹曾



內閣承認金佛郎之爲愈。故中國一部外交失敗史，一部斷送國權史，其由本國政府故意與外人共同設計以謀欺混本國人民，而訂立不利於本國之條約者，實自此協定始。財長李思浩知此等舞弊協定，責任非輕，乃呈請段祺瑞交司法部審查，以圖減輕責任。原司法部絕無審查此協定之權，乃段執政竟批交司法部審查。司法總長章士釗呈覆云『經本部審查，所有修正各點，均與我國有利，全文審核，亦均穩妥無疵。』乃由外長沈瑞麟於十四年四月十二日，與法公使交換金佛郎案新協定八款，膠葛數年之金佛郎案，遂告解決。義比二國，亦相繼援例解決。西班牙賠款甚少，更無問題。結果我國損失凡八千餘萬元。

十三 自金佛郎案解決，國內輿論反對激烈，段祺瑞不得已乃批由檢察廳查辦。總檢察官翁敬棠調查該案之結果，呈請檢舉外長沈瑞麟，財長李思浩，暨司法總長章士釗，各觸犯刑律第幾條？



(一)沈瑞麟李思浩觸犯刑律第二百零八條之外患罪。茲附錄該條原文於下——受中華民國之命令或委任與外國商議，圖利自己或他人或外國，故意訂定不利於中華民國之條約者，無論批准與否，處無期徒刑，或二等以上有期徒刑。

(二)司法總長章士釗越權攬辦，已屬可異，而於損失國庫八千萬圓以上之協定，故稱穩妥無疵，觸犯刑律第三十一條第一項共犯罪——該項原文即——於實施犯罪行為以前，幫助正犯者為從犯，得減正犯之刑一等或二等。——該檢舉呈文發表後，舉國矚目，段政府竟如何處分結局？——可參看劉彥著帝國主義者壓迫中國史金佛郎案問題

#### IV 五卅慘案

十四 五卅慘案之發生，有何遠因與時緣？當日之事實，是何真相？當場死傷之青年學子或貧苦工人，共約若干？慘案發生，全滬鼎沸，罷工罷市，相繼實行。英人不獨無



悔禍之心，且調艦增兵，大肆威迫。每見遊行講演者，不問男女，輒加毆辱拘禁。並派探捕四出，以搜索過激派之證據爲名，任意侵入華人家宅，百般騷擾，於十日之內，又重演五卅慘劇者凡有幾次？

十五 五卅慘案之交涉經過，中英中日兩方面各有何結果？慘案發生，舉國同憤，經濟絕交，示威遊行之舉，風起雲湧，無地無之。凡英日人足跡所至，對於愛國運動之華人，輒加以屠殺，於是慘案踵起，層見疊出。然推六月十日漢口慘案，六月二十三日廣州慘案，尤爲酷烈，質言之該兩案之緣生，各是何問題？平心觀察，當日之事實，是何真相？該兩案之交涉經過，各成何結果？

十六 五卅慘案之交涉，就該案之本體言之，雖一無結果，然因該案之刺激衝動，我國外交生何反響？

十七 上海之會審公廨，有何緣起？當辛亥革命之際，滬領團如何擴張該公廨之權力？



——迨辛亥起義，領事團乘我國內紛爭，藉口於租界秩序之保全，爲單方之自由行動，中國方面因滬道之撤廢，民事亦無上訴機關，而解員之任用權，解內經費之支配權，均落領團之手。華人兩造互控案件，亦同一派員觀察，於是我國司法主權，喪失殆盡。——我國收回上海公廨，乃地方當局與領團交涉之結果，我國方面負責完成此交涉者是何人？——民國十四年五月卅以後，滬人力主收回公廨，北京政府曾與使團交涉數月，然無大結果。十五年春，孫傳芳見輿論激昂，頗主就地直接交涉，遂指令淞滬商埠總辦丁文江，特派交涉署許沅，負責辦理。迭經磋商，領團允焉。遂於五月二十一日，開第一次會議，至八月六日始舉行閉幕。綜計前後會議共八次，幾經磋商，乃訂暫行新章九條，正式簽字。——可參看中國近代外交概要

V 關稅會議與法權會議

十八 中國關稅自主權之喪失，原始於何條約之規定？中國關稅權喪失自主者垂八十餘



年，此期間中國方面蒙何損失？自歐戰以後，世界弱小民族要求自決權新潮流激蕩之結果，勇敢先烈悲壯流血之結果，革命民衆一致努力之結果，而帝國主義者於無可奈何之狀態以下，已放棄其協定中國之關稅權，中國關稅恢復自主矣，然此八十餘年之關稅喪失史，關稅自主運動史，實關中國之存亡者也，不可不特誌之，以系統而研究之，可概分爲幾期？

(一) 中國關稅自主權喪失之起點。

(二) 裁厘加稅運動期——自前清光緒二十八年至民國六年。

(三) 關稅自主運動期——自民國六年至十八年二月一日。此期經十餘年之奮鬥，關稅自主，得告成功，實有一述之價值，茲再析分之，爲五段(A)巴黎和會時代，(B)華盛頓會議時代(C)關稅特別會議時代(D)修約時代，關稅自主成功時代。



十九 依華盛頓會議，九國間關於中國關稅稅則第二條所載，「關稅特別會議應於本條約實行三個月內，在中國會議，其日期與地點，由中國政府決定之！」揆之常情，民國十一年，當可由各關係國分別批准。即換文亦儘可於是年內辦理，即實行該條約之時期，不致遷延過久也。然遷延復遷延，於條約實行後三個月內可以召集之關稅特別會議，直至民國十四年，十月二十六日，始得召集，距九國關稅條約成立之時期已三載有餘矣。何延宕至此？關稅特別會議，舉行於北京，除華會九國外，尚有那四國派遣代表，參與會議？關稅會議之結果，對於中國關稅自主與裁厘方案，各如何決議？華盛頓會議，對於中國關稅之議決案中，定裁厘加稅未實施以前，進口普通貨物與奢侈品，各得加徵附稅百分之幾？關稅會議各國代表，對於中國關稅自主之原則，雖完全贊成，至實行自主之方法，而日英美諸國代表之意見主張，則有何不同？——日本代表提案，斤斤以互惠為實行自主之互換條件，互惠一日不成立，則自主一日不能實



行。於實行國定稅率以前之過渡期中，僅允加徵二五附稅。美國代表提案，雖較日本爲直率寬容，然亦頗多干涉中國內政之條文。後英國代表復提一案，以調和日美提案爲宗旨，但仍寓袒護日案之意。故諸國代表之主張，均與我國代表提案之標的相去甚遠。

二十 民國十五年四月，北京政變後，關稅特別會議，如何結局？——北京政變，段祺瑞逃亡天津。段之嫡系代表亦隨之偕逃。遂致負責無人，會議停頓。各國代表藉口中國內亂，發表宣言，停止出席。其宣言大旨謂『出席中國關稅特別會議之各國代表，決議一致真誠希望，俟中國代表能正式出席與外國代表復行討論時，當立即繼續會議。』特此宣言。此項宣言發出後，攝政政府乃急派蔡廷幹，顧維鈞，顏惠慶，張英華，王蔭泰爲關稅會議全權代表，催促各國代表繼續出席。然各國代表皆藉詞推却，遂致種種問題，懸而未決。



二十一 國際條約中之領事裁判權，萌芽於何時？——考領事裁判權之發生，始於十字軍之役。時耶回兩教徒東西錯處，交通商務關係漸密。義大利商人，挾經商團力，隨軍隊而東征。巴勒士坦，小亞西亞，埃及，間無不有義商足跡。時方盛行屬人主義，而僑居商人，遂有所藉口，以主張其權利自由，蔑視居留國之政治法律，此為領事裁判權之肇端原始。——外人在中國有領事裁判權，肇起於何條約？現在列國在華享有領事裁判權者共有多少國？列國在華之領事裁判權，應急撤消，就中國司法改良方面言之，就領事裁判制度之劣點方面言之，就各國撤廢之先例方面言之，就有約諸國自身之利益方面言之，各有何根據理由？

二十二 巴黎和平會議，華盛頓會議，中國代表對於領事裁判權問題，各有何建議要求，其要求各有何結果？依照一九二一年十二月十日，華盛頓限制軍備會議之第五次議決案，及追加議決案，召集調查中國領事裁判權之委員會。其日期原定於一九二五年



十二月十八日。但因中國國內戰爭，鐵路不通，有數國委員不能依期到京。至一九二六年正月十二日始於北京中海之居仁堂舉行開幕典禮，到會者有那十三國代表？中國之出席代表是何人？

二十三 調查法權委員會之經過，共開全體大會二十一次，每次開會之主要任務，是何問題？——研究考查中國之法典規例，及因在中國實行領事裁判權，而發生之各種問題。——迨會議既畢，各國委員組織旅行團，由北京出發，參觀考查各省法院監獄看守所及中國司法制度之實行。自十五年五月十日至六月十六日為參觀旅行期間。然其結果則實地考查之處，寥寥無幾，其原定計劃不能實施，其故安在？迨調查終了，於六月十六日，開末次會議，本調查之結果，編製報告書四編，其內容之綱要，各是何問題？而中國代表王寵惠亦發表宣言，其內容之大旨是何性質？

二十四 民國十五年，八月二十九日，萬縣慘案之發生，有何時緣與背景？統計該案我



國同胞犧牲於英人鐵拳礮艦政策之下者，共約多少？該案之中英交涉，有何結果？

二十五 民國十六年，正月三日，漢案發生後，武漢政府以何方法脅迫英人交還租界？

國民政府外長陳友仁與英代表歐邁來談判漢案，至何時始正式簽字該案之協定？該協定之內容，據路透電社之報告其中有何要點？自上海廣州漢口各慘案發生後，北京政府，故意開脫英人之罪案，而向殺人不相干之外交團提出幾紙空文之抗議而止。反觀國民政府則認定英人爲惟一之兇犯，惟一之敵人。實際負責，領導國民對英經濟上作殊死戰，毫無調解之餘地者，其近因固發源於廣州慘案，其遠因則由於革命前途之政治關係而來，有何理解？——自民國十三年，國民黨改組以來，實行總理孫中山之宣言，對內政策爲打倒軍閥官僚封建式之政治，而實行民族民權民生之三民主義，其對外政策則爲打倒帝國主義，取消一切不平等條約，而聯合世界上被壓迫之弱小民族共同奮鬥，以期民族革命之成功，此等事實之進行，自爲帝國主義與本國軍閥之所深忌



○而英國爲帝國主義之渠魁，爲開中國不平等條約之要犯，彈丸廣州包圍於香港沙面之中，當然在英人陰謀計算之下，所以陳炯明謀叛中山，其司令部得設於香港。陳廉伯之練商團，其軍械全爲英人所資助。迄民國十四五年間，廣州陷於四面楚歌，叛軍紛起，亦無非香港之帝國主義者與本國軍閥陰勾陽合之結果，國民政府奮鬥於重圍之中，成立於艱難之際，乃澈底覺悟，非打倒帝國主義，則本國之革命事業不能成功。然以一敵八，勢所不能，故乘五卅慘案及漢口廣州各處慘案發生，其殺人兇犯皆係英人之故。○乃決定專對英國作殊死戰，明揭打倒英帝國主義之旗幟，相與周旋。○其目的在打倒各帝國主義者之結合，專對單獨之英人作戰，必使英人無法抵制，自動承認取消不平等條約，然後各國得迎刃而解也。○故國民黨之排英政策，其革命實力所至之地，即爲此政策必行之區，非僅限於廣州一隅也。○自民國十五年夏，黨軍北伐，勢如破竹，風馳電掣，席捲湘鄂贛三省，而打倒英帝國主義之政策，亦隨之而至，於是排英



運動，風靡長江，所有英人工廠，一概罷工，經濟絕交，更不必論，甚至英國教士與關稅人員，一概驅逐。漢口英領事見羣衆排英激昂，乃於英租界滿佈機關槍電網以爲防禦，此十六年一月三日漢案之所以發生也。此外長陳友仁對於漢案談判，所以強硬堅決，無絲毫假借也，豈偶然哉？蓋有由矣。

二十六 漢案談判終結，滬案一照漢案辦法，實際由國民政府收回英租界。自是英人在長江上游之商務，成何狀態？

二十七 外人在華設租界，起源於何項條約？按外人在華所有租界地之性質而類別之，可概分爲那四種？外人在華得設租界，中國方面，受何損害？國民政府決意收回租界，有何根據理由？現在何國在華之租界地，已被中國完全收回？外人自動交還租界。以何國爲嚆矢？

二十八 何謂條約？——條約之意義，一言以蔽之，卽「二國以上之國家間之意思合致



，而以文字表示之。』其中可注意之點（一）所謂合致即必須雙方同意，一方之意思表示，不能成爲條約。（二）必須以文字表示，凡口頭習慣，無記載文字者，亦不能成爲條約。——中國與列強所締結之一切不平等條約，歸結其內容，可概分爲那十二種類？而結約之由來，則不外那三端？

二十九 打倒軍閥，打倒帝國主義，是救中國之唯一方法，此全國人民所公認，毫無異議者也，但打倒帝國主義，較打倒軍閥尤爲切要，蓋軍閥乃恃帝國主義以生存者，如帝國主義不能打倒，則軍閥決不能打倒，不平等條約是帝國主義者，宰割中國之工具，苟欲打倒帝國主義，不得不先取消帝國主義者宰割中國之工具。惟取消一切不平等條約，在理論方面，有何根據？在實行方面，有何辦法？

#### 一 理論方面之根據

（A）一切不平等條約之締結，皆非出於雙方同意，蓋所謂同意者必須得雙方大多數



國民之同意，一二權奸走狗，「欣然同意」之換文，當然不能生效。

(B) 國際公法是帝國主義者欺騙弱小民族保障權利的一種工具，而帝國主義者往往破壞國際公法而不顧，則吾等弱小民族，自無履行之必要。

(C) 情形變更條約不適用——按一切學說與國際習慣皆公認『情形變更條約不適用』之原則。其意即謂凡各種條約之締結，都應適合于當時之情形，情形變更，條約即歸消滅。我國與列強所締結之不平等條約，若南京條約成立於一八四二年，天津條約成立於一八五八年。北京條約成立於一八六零年，馬關條約成立於一八九五年。遠者距今已八十餘年，近者亦已三十年。現在之情形與締約時代已絕不適用，應歸消滅。

二 實行之方法——取消不平等條約之唯一方法，全國人民須要團結，實現孫中山先生所主張由真正人民代表所集合的國民會議，由國民會議，產生代表民衆的國



民政府。國民政府一成立，第一大政，即向全世界宣佈廢除中外間一切不平等條約。惟有此法，而廢除不平等條約之工作，乃能於最短期中完全實現。蓋片面之解約，已有前例，如一八七〇年，俄國取消一八五六年巴黎條約中，關於黑海中立之規定。一九〇八年，奧國不徵求柏林條約簽字諸國之同意，即毅然合併波里兩州。此昭昭事實，在人耳目不可掩也，今日之中國何獨不能效尤！——可參看不平等條約之研究，

三十 中比通商條約原定於紀元何時？至民國何年月日第六次期滿？中比修約交涉之初，比政府態度頗強硬，意圖無期展延。迨民國十五年，十一月六日，北京政府毅然宣布比約失效，以國際公法維持邦交。結果比政府何故軟化，慨然允諾，願本相互平等精神之原則另訂新約？——中比修約問題相持之際，英國突然發表對華新建議案，遂予比國一重大之衝動。蓋比國在海牙訴訟，深仰英法為之張目，英既表同情於中國，比國頓失一種精神上之後援。而中國之僑比學子，迭以收回國權。在比宣傳。比國一



般人民僉以中比只有通商關係，並無政治意味，何必長此相持，徒爲他強國供把持不平等條約之傀儡，對於比政府之決裂辦法，頗多值反對。又值我國收回租界運動起，比國國民益受刺激，主張和平，更爲有力，中比形勢遂驟然變更。

第十七章 現代之社會與文化概況

I 民國政治之組織

一 民國成立，已十八年矣，徒有共和之名，而毫無共和之實，政治每爲軍人所左右，造成一武人干政之局面，其根本原因安在？

二 立法，司法，行政三權分立之說，始於政治學之鼻祖亞里斯達德——三八四至三二

二B C——而行使此三種政權之機關的三分，則本於法儒孟德斯鳩——一六八九至

一七五五A D——所著之法意，至今此制，已普遍寰球矣。三權鼎立有何特優之點？

——孟氏當日考察英國之政治，以爲三種政權由三個機關分別行使，便可以藉其互相



監督，互相牽掣之作用，保障人民之自由。——中華民國成立後，按臨時約法與天壇憲法草案，採用三權分立之制，各有何明白規定？——（一）臨時約法第四條『中華民國以參議院，臨時大總統國務院行使其統治權』。第十六條『中華民國之立法權，以參議院行之』。○（二）天壇憲法草案於三權分立之規定則更爲明確。第二十條『中華民國之立法權，由國會行之』。第十五條『中華民國之行政權，由大總統與國務員之贊襄行之』。○第八十四條『中華民國之司法權，由法院行之。』——自癸丑二次革命失敗後，以迄於今，十餘年來，中華民國中央政府之立法司法行政三種機關，其組織法，經何紛紜變遷？

### 三 何謂內閣制？何謂總統制？

（一）內閣制——內閣制，是立法機關，獨攬政權，內閣爲國會之一行政委員會，內閣之閣員爲國會中多數黨領袖所兼任，凡行政與立法兩方面之大權，均在閣員手中。○蓋



閣員在國會中是多數黨之領袖，提議一切重要議案，決定政府政策。在國會外，閣員又各是行政部部長，執行自己在國會中所制定之法律。同時又照自己所決定之政策，辦理一切行政方面之職務。但彼等對於國會要負責，國會如果不信任閣員，閣員即須負責辭職，不然，便須解散國會，求選民公判。所謂選民公判者，乃新選舉之代名詞，若新選之議會反對黨仍佔多數，內閣便須即刻辭職，不得再行解散國會。此英國固有之制度，而德法諸國以及英屬自治殖民地如加拿大澳大利亞等，皆相繼仿行之。

(二)總統制——總統制發源於美國，在此種制度之下，立法機關與行政機關各為獨立之組織，有同等身分，在法定範圍以內，各行施其職權。行政元首既不經立法機關選舉，而其任期又由憲法與習慣之規定，亦不受立法機關之支配。凡立法機關制定之法律與規程，均由內閣執行，總統只須略施監督而止。內閣閣員由總統任命與罷免，對於總統負個人行政上之責任。國會與行政部所有接洽，大半由內閣而不由總統經手。



但內閣閣員，不得出席國會，亦不能向國會提出法案，惟於國會請求時，閣員可以出席於國會中之各委員會，呈繳各種表冊與施政報告書。此外國會之懸案，內閣亦有催促表決與反對通過之權力。並且有時關於行政上之方策，總統與內閣得與國會共同商議，擬定草案。惟內閣既非國會之附屬品，而總統於實際上却能駕馭國會，故曰總統制。

四 中華民國之地方制度，多沿前清舊有之組織而略加更改，立法司法行政三權，各立何機關實施執行？自民國成立至今十餘年中，省政府之最高長官，其名稱有何變更？前清時地方制度裁用四級制，曰省，道，府，州廳縣。民國以來採用三級制，曰省道縣，近來之地方三級制已有何變動？——已成爲省縣二級制矣。

五 中華民國之陸軍編制法，大體仍清之舊，以師爲單位，一師之組成，共有人員若干，軍科分那五種？軍官分何等級？民國初元，國軍擬定爲四十八師，後數經喪亂，軍



閱割據，各自招兵，漫無限制，數目逐漸增加，現在全國所有之陸軍有無確切統計？

六 民國之海軍，沿於清舊，僅能維持現狀而止。自南北分裂，海軍亦有南北之別，或忽附南，或忽附北，惟利是視，毫無主義。統計現在海軍軍艦之所有噸數，與將校兵士各有若干？我國創辦之陸軍兵工廠與海軍船政局，各有幾處？

七 何謂憲法？——民治政府之價值，既在乎政治公開，又在乎政治能循一定之軌道，因之必須有一種法律，以爲施政之標準，此種法律，即憲法是矣。——憲法有成文與不成文之區別，何爲成文憲法？何謂不成文憲法？——成文憲法者，是一種用明文表白確定之文件，於某時代由某人或人民團體或人民代表機關制定之。不成文憲法者，是由歷史上各時代之風俗習慣，立法部之規例，行政部之命令與法庭之判決集聚而成。——中華民國自成立至今，成文憲法之編定，已有四次，曰臨時約法，曰天壇憲法草案，曰袁氏新約法，曰豬仔議員包辦之曹家憲法，衡其價值何者最優？何者最劣？



按孫中山先生所著之建國大綱，中華民國之正式憲法，當如何產生？

八 何謂民律？何謂刑律？——民律者，規定人民通常相互間權利關係之法律也。日本謂之刑法。——民國之刑律，較之前清有何改良進步？

九 考民國之賦稅，凡前清所有者皆承襲之，清未有而新增者，且有數十種，名目繁多，幾不勝記，提綱挈要而大別之，可概分爲那五種？

十 民國元年，釐定之舊學制，與民國十一年頒布之新學制，其內容之規定，有何不同？較其性質，新學制較舊學制有何優點？

## II 民國社會之概況

十一 中華民國社會羣衆之物質生活，與精神道德兩方面，各成何情形？近來中國改造社會思潮之緣生，有何背景？新思潮之重要派別有四，曰三民主義，曰共產主義，曰安納其主義，曰基爾特社會主義，各抱何宗旨主張？各派在華之中心領袖，各是何人



？考新思潮之緣生，幾全為中西文化接觸之產品，在倡之者只求快於之時，不能力行以終身，且言行每不相符，故多數之思想，僅有文學或哲學之價值，其真能發生影響者，惟有三民主義，試說明三民主義之一貫精神與重要含義。——主義是解決問題之工具，而問題發生之程序，則必須經何階級？——周佛海先生曰「問題的發生，就一般而論，大約可分為兩個階級。第一個階級是客觀的發生了問題；第二個階級便是主觀上認識了這個問題，問題的發生和問題的認識，是兩件不同的事。大概發生在先，認識在後。客觀上事實上發生了問題，一定要經過了相當的時期以後，才為人類所感覺所認識。在相當的時期以內，事實上雖然已經發生了問題，人類却不知道已經發生了問題。人類既沒有感覺認識這個問題，就是問題自問題，人類自人類；人類和問題之間，發生不出意識的關係。等到問題為人類所認識，人類和問題之間發生了意識的關係，然後問題才成為問題才成為人類社會的——近來中國社會上發生之經濟問題，



勞動問題，婦女問題，家族問題，在三民主義中擬各如何解決之？辛亥革命後，女子參政運動，曾喧騰一時，然不久則寂然無聞焉，其故安在？——由於捨本逐末所致。夫婦女欲求解放，須謀經濟獨立，欲謀經濟獨立，須從教育職業兩方面作起。蓋婦女受相當教育，始能有相當能力，謀取相當職業，逐漸增高在社會上之地位，以至完全與男子平等，否則雖一時取得參政權，恐亦無平等之可言。

十二 近今中國流行之宗教，何者出於中國所自創？何者係輸自外邦？華族之宗教觀念有何特性？——近今中國流行之宗教，惟道教為中國所自創，餘皆傳自外邦。蓋中國民族，既富於兼容并包精神，而基本信仰又承認宇宙間善惡二神之存在。故對於各宗教皆認為勸人為善，概取迎合態度。舊日政府間有特別崇拜或摧抑某種宗教者，然必含有政治作用，不盡關於信仰心。據此可知吾國舊日之宗教信仰，除少數例外，大體可稱為信仰自由。自民國成立，更將信仰自由明白規定於憲法中。——近來佛道回耶



喇嘛諸教在中國社會中，各成何狀況？

十三 自民國成立，教育狀況實較清末大有進步，惟經費何故屢感缺乏，致有停課之虞？基督教會在華設立之大學，共有若干？自非基督教大同盟運動以來，教會學校受何影響？國家教育必須獨立，外人在華之教育權，必須取消，其故安在？——教育爲國家之命脈，教育權當然不能讓諸外人。即使允許外人在中國國內經營教育，亦必須以中國之人員爲監督或管理，並須遵守中國之教育方針與法令。自開港以來，外人在中國所辦之教會學校既不服從中國政府之監督與管理，各自定方針，而實行其所謂殖民地教育，各以其本國爲單位，無形中使受教之中國學生麻醉狗化，失却祖國之民族精神，而受外人之支配。故教育失掉獨立之結果，則民族精神漸趨淪亡。——中國自辦之學校，其教育精神果能完全獨立否？——中國自辦之學校，亦復直接間接倚賴外國而受其無形之支配，如所謂賠款教育，文化事業，無非帝國主義者實行其文化侵略，



而吾國教育界，則昧焉不察，而一味進行分贖運動，互相攻訐，此等惡現象，皆中國教育失却獨立，而受外力支配之表徵也。

十四 民國以來，冠婚喪祭所行之禮式，或舊任人採用，莫能統一，此過渡時期也，然靜觀社會之風尚，將來必如何趨向？

十五 近來中國之農工商鑛四種實業，各成何情形？各國依據條約，得在我國通商口岸設立工廠，從事各項工業之製造，所造之貨物與舶來品有同一之特權與許可，此項辦法與中國實業之發達有何重大之障礙？追溯近世吾國之鑛業史，可概分那三期？——

(一)自光緒之初以迄甲午，開創提倡，悉由政府，是爲官鑛時代。(二)甲午以遠，鑛權許予外人，動以省計，是爲外資時代。(三)自日俄之戰迄今，國人已多覺悟，多自行集資採鑛，是爲民鑛時代。——然此三時代，界限相重，其所建設或一成不廢，或名存實亡。故今商鑛之外仍多官鑛，華商之外不乏外商，而官商又嘗合辦，中外不妨



合資，組織極爲複雜，此實際情形也。

十六 中國近來之交通事業，如鐵路，郵政，電政，航業，航空，各成何情形？綜計中國已成之鐵路，僅有幾萬里？按孫中山先生之建國方略實業計畫，中國之交通機關將來必須如何開發？美國之實業大王羅基化羅曰發展實業之要素有四，曰勞力也，曰資本也，曰經營之才能也，曰主顧之社會也。中四實業所以不振，於此四大要素蓋有何缺乏？——中國地大物博，農產之富，礦質之豐，比之美國，有過之而無不及。勞力之人工，中國四倍於美，主顧之社會，中國又四倍於美，所感缺者，惟資本與才能而已。倘使我國得此兩要素，則中國之實業發達，不惟可與美國並駕齊驅，且當四倍於美矣。——可參看孫中山著建國方略之物質建設

十七 自民國成立以來，中央財政窘迫，民生日益困苦，其原因安在？——一言以蔽之，乃帝國主義者，經濟侵略之結果。



### III 民國文化之趨勢

十八 泰東西之哲學，性質有何不同之點？——西洋哲學以宇宙論認識論為中心；中國之哲學以人生之理法為中心——近今中國治哲學者，所趨之途徑不同，可概分為那三派？——或以整理中國舊有之哲學為己任，或就中國印度西洋之哲學作比較之研究，或承師說以介紹西洋哲學於國人。——

十九 胡適之文學改良芻議，建設的文學革命論；陳獨秀之文學革命論，此中國近來文學革命之基礎先聲也，其內容各是何大旨？文學革命之結果，散文韻文各如何革新？

二十 中國字音之變遷，自古至今，可概分為幾期？每期中之字音各以何為標準？——可概分為三期

第一期——周秦兩漢——此期中之字音，以聲母為準。

第二期——魏晉南北朝隋唐宋——此期中之字音，以韻書為準。

中國近百年史問題研究



第三期——元明清現代——此期中之字音，以音標爲準——唐沙門守溫所作之三十六字母，乃仿照何國而造？民國二年，教育部開讀音統一會，製定注音字母三十有九，此中國音韻之一大進步也，其聲母韻母各有若干？與守溫之三十六字母，有何關係？何謂雙聲？何謂疊韻？——音韻學爲校讀古籍之基礎，學者若欲擴大研究，須參看錢玄同著文字學音篇，陳澧著切韻考外篇，夏斅撰古韻表集說，章炳麟著國故論衡，文始，吳稚暉全集卷三，音韻，

二十一 中國現代之藝術，如音樂，圖畫，雕刻，建築，各成何狀態？——非完全摹倣西式，即中西硬相參合，未能有卓然自立獨標一幟者，蓋新藝之創造，非短時期中所能集事，此適過渡時代也。

二十二 廿世紀之世界，科學已由天體軌道之推算，進而爲星球體質之分析；由分子現象之研究，進而爲元子構造之講求；由形體種類之比較，進而爲原生細胞之討論，五光十色，絢爛極矣，一顧中國之科學界，則成何幼稚之現象？——可參看吳稚暉全集



中華民國十八年八月初版

中國近百年史問題研究——全一冊

實價大洋陸角

外埠另加郵費  
滙費

著作兼

壽光 王藹棠

發行者

印刷者

華美印刷公司

東單新開路十七號  
電話東局二六四六

寄售處

北平各大書坊

此書有著作權翻印必究



國家圖書館



001673839



音

